



სტალინის მიწვევაზე

იქმნება მომავალი

«მეგობრობა»
თბილისი

1975

ანდრო თევზაძის ერთტომეულში შეტანილია პოეტის რჩეული ლექსები, რომლებსაც ქართული პოეზიით დაინტერესებული მკითხველი უთუოდ კარგად იცნობს. ამ კრებულის გამოსვლას ავტორი ვერ მოესწრო, იგი მოულოდნელად გარდაიცვალა ამ წიგნზე მუშაობის დროს.

მკითხველი აქ იპოვის გულწრფელ, სიყვარულით გამთბარ, პატრიოტული გრძნობით აღსავსე სტრიქონებს სამშობლოსა და პატიაზე, საბჭოთა ადამიანების დიდ გამარჯვებებზე მშვიდობიან შრომასა თუ სამამულო ომში, მეგობრობისა და სიყვარულის ნათელ სიმღერებს. ხალისი, ენთუზიაზმი, პარმონიულობა განსაკუთრებულ მიმზიდველობას ანიჭებს ამ კრებულს.

ანდრო თევზაძის პირველი ლექსი დაიბეჭდა 1936 წელს და მას შემდეგ თითქმის 40 წლის განმავლობაში პოეტი აქტიურ შემოქმედებითს მუშაობას ეწეოდა, პოეტური სიტყვით ეხმიანებოდა ჩვენი ცხოვრების ყველა აქტუალურ მოვლენას. დიდი პოპულარობა მოუხვეჭა ავტორს ლექსებმა: „დიდება მას“, „იმერეთი“, „გოგოვ, ეგ შენი თითები“, „სიყვარული ბევრჯერ გითხარ“, „წაღვერი და თბილისი“, „ეს გახსენება ახლა სულ სხვაა“, „ბაღდადის მთებში“, „შენი ღიმილი“ და სხვ. ამ ლექსების მხატვრულ ღირსებებსა და მუსიკალობაზე ისიც მეტყველებს, რომ ბევრ მათგანზე შეიქმნა პოპულარული სიმღერები.

ლენინი სამშოგლო, მშვიდობა

ლენინის დროშა დიადი

ლენინის დროშა, ოქტომბრის დროშა
რა მალლა მოჩანს ფრთამოფრიალე;
ტალღებმა გზნებით ზღვებიდან ზღვები,
ეარსკვლავთა გზები გადიგრიალეს.

ავარდა ხმები, აბორგდა მთები,
გაშალა ფრთები რეინის არწივმა;
გონებამ ბრძენის გმირობის მჩენი
წინ სწრაფვა ჩვენი გაახანგრძლივა.

ანთებულ კრემლით ვუსმენდით ლენინს
და გაჰქრა ცრემლი, კენესა, გოდება;
„მტრის არ დანდობა!“ ვით წყალდიდობა,
ქვეყნად ვიდოდა ეს მოწოდება.

ვით ომში დედა გუმანით ხედავს
შვილს შებმულს მტერთან ცრემლდადენილი,
სამშობლოს მხედარს ბრძოლაში მედგარს
მხარდამხარ ედგა დიდი ლენინი.

მის თვალთა ხედვა მზედ გაგვითენდა,
იმედად ჩვენდა წინ მიგვიძღვება,
ქარხნის ხმაური თუ შორს აულის
დღესასწაული მისით იწყება.

მის გადაძახილს მსოფლიოს ხალხი
ცხოვრების ახლის ასაშენებლად
მიჰყვება გულით, რომ ნახოს სრული
კომუნისტური ქვეყნის მშვენება.

მშვენება ფერთა, გამკვეთი ბნელთა,
მიგვიძღვის მზესთან რწმენად ხვალისა,
მთა-ბარს ედება და არ ნელდება
შემოქმედება ხალხთა ძალისა.

მ.

და ცის კარებში, როგორც ზარები,
თანამგზავრები სჭრიან ორბიტებს,
რომ ძლიერება ბედნიერებას
გულს სიმღერებად მუდამ მოჰგვრიდეს.

„მშვიდობა მასებს!“ — ქუხილის მსგავსი
ძახილი ავსებს ირგვლივ პლანეტას,
კმარა! სიმძაფრით ნუ მიისწრაფით
სიკვდილისათვის თავგასამეტად.

კმარა, სამყარომ რაც სისხლი ღვარა,
გაშალეთ ჯარად დროშა წინსვლისა!
სიცოცხლეს მარადს მშვიდობის ფარად
მზე დაედვარა ლენინიზმისა.

1960 წ.

ახალი წლის განთიადი
მოეშუქა მთებს და სერებს,
ჩანჩქერებმა კლდის გულ-მკერდი
შტრედის ფრთებით ჩაიმღერეს.

მეც მსურს ლექსის თასით შევხედე,
— თუ თამადა დამრთავს ნებას, —
ათას ცხრაას სამოცი წლის
ბედნიერად მობრძანებას.

და ვთქვა: ქვეყნის ღვიძლო შვილო,
გმირო სამოციანელო,
ახალი წლის ნათელ ცაზე
ქუხილი არ შეანელო.

არ დაეცო ის ალამი,
რაც წინაპრებს გაუშლია.
რომ სამშობლოს კარს გადაღმაც
ყურს უცდებდნენ იმის შრიალს.

ასი წლის წინ ჰევქავაძე
როს მოადგა ქართლის კარებს.
რას ხედავდა სამომავლოს,
ნუგეშსა და გასახარელს?

„ჩვენი თავი ჩვენ გვეყუდნეს!“ —
ის ნატრობდა, ის გოდებდა...
და კოცნიდა ქართულ მიწას
კაცკასიის მაღალ მთებთან.

და იმ ლომის მედგარ ბუბუნს,
და იმ თერგის კლდეში ღრიალს
ხუნდლადებულ ხალხის გულის
კარი მძლავრად გაუღია.

აუესია ბრძოლის ცეცხლით
ძველი ქვეყნის დასაბუგად;
გზას აძლევდა მეხს და გრიგალს,
თვით კი იდგა, როგორც მუხა.

და შორს, და შორს, ცისკრის მიღმა,
მზეს ხედავდა მგოსნის თვალი;
ახალ წლების მაღალ კიბით
მოდდიოდა მომავალი.

მოდდიოდა, მოიბრძოდა,
მიწას ბანდა სისხლის წვიმა;
ასი წლის გზა გავიარეთ,
ათასის კი გვიცდის წინა.

და რაც დარდი გულს ემოსა,
და რაც იყო საოცნებო,
ის აღსრულდა, შეერიალდი
სამარეში მგოსნის ძვლებო.

აბაღ დღეთა შემოქმედო,
გმირო სამოციანელო,
ჩვენი ქვეყნის ნათელ ცაზე
ქუხილი არ შეანელო.

მკინვარწვერის თოვლის წვენი
მკერდში ქუხდეს თერგის ტალღად,
იზრდებოდეს ფრთები შენი,
ისწრაფოდე მზეზე მაღლა.

არ დაკეცო ის ალამი
რაც წინაპრებს გაუშლია,
რომ სამშობლოს კარს გადაღმაც
ყურს უგდებდნენ იმის შრიალს.

რომ აღარსად კაცთა მოდგმას
მტრულად აღარ უყურებდნენ,
რომ მშვიდობის სიმღერები
ტყვიის ნაცვლად გუგუნებდეს!

1960 წ.

ალუბლის ყვავილეთან

შენს თეთრ ყვავილს როცა ვხედავ, ალუბალო,
ეგ ჭალარა სიჭაბუკედ მესახვის,
აღარ მინდა გულს ფიქრები დავუმალო,
სიყვარულის გაზაფხული მეძახის.

გზა მიეცით, ვისაც გული წინ ესწრაფვის,
ვინც გაუბრბის სევდასა და სიბერეს,
ვისაც ჰქონდეს ცხოვრებასთან ბრძოლა მძაფრი,
მაინც სჭექდეს სიყვარულის სიმღერებს.

ამოდულდი, გულს ჩაგუბდი, მარგალიტო,
ჩაეხვიე ალუბლების ამ რტოებს,
დრო იჩქარის და არაფერს არ დაგიტოვს,
ოუ შენ თვითონ ქვეყნად შუქს არ დატოვებ.

ასეთია თვით სამყაროს განაჩენი,
მზე და ჩრდილი ქვეყნად ერთად დადიან,
ვიცი, სიკვდილს რომ ვერასგზით გადავრჩები
და სიმღერა გულს მით უფრო სწადია.

ასეთია პოეზიის მხნე ბუნება,
გულგაზნებით ვმღერი, თითქოს გედი ვარ,
ჩემი სული სიჭაბუკეს უბრუნდება,
რაც თანდათან სიბერეში შევდივარ.

შენს თეთრ ყვავილს როცა ვხედავ, ალუბალო,
ეგ ჭალარა გაზაფხულად მესახვის,
აღარ მინდა გულს ფიქრები დავუმალო.
სიყვარულის სიმღერები მეძახის!..

ილიას საბურამოშო

ზედაზნის მთაზე მზე გადმომდგარა,
საბურამოში მე ისევ მოველ,
და ვხედავ, სჯერა აქ სულდგმულს ყოველს,
შენი გულისხმა რომ არ მომკვდარა.

ტანჯულ მამულის ბედისთვის მლოცველს
სულს გიმშვიდებდა ეს იდილია;
თუ გახსენება ასე ტკბილია,
რა იქნებოდა შენი სიცოცხლე?!

ცხოვრების ბევრი არაგვი გახველ,
მთებიც ფეხდაფეხ გადაგივლია...
და მე პატარა ჩიტი ნიბლია
შემოვჭიკჭიკებ შენს წმინდა სახელს!..

1960 წ.

ძ ვ ე ვ რ ე ბ ი

მესხეთში ნახეს ძველი ქვევრები
მიწის ქვეშ დიდხანს ღამის მთევლები.
მათ ახსოვთ თურქთა უღვთო თარეში
როს სოფლებს ლეწდა სისხლის კევრები.

კვლავ მზეს უცინის ძველი ქვევრები
მიწის ჯურღმულში დაუტევრები,
ყელს მოხატული ყურძნის აკიღო
და ძველ მებრძოლთა ხმალ-სატევრები.

ქ
აქამდე ბნელში მყოფი ქვევრები
ხარობს, აღგვილა ხონთქრის მღევრები;
რომ ამიერიტ უქმად არ იყოს,
მინდვრად ვაზია გასაბევრები.

რომ ზვარში ენთოს ქარვის მტევნები,
ლონით აივსოს ძველი ქვევრები,
და მის გულიდან რომ ძველქართული
ამოგუგუნდეს კვლავ სიმღერები!

1960 წ.

ჩემს მასწავლებელს

ვუძღვნი საქართველოს სსრ სკოლის
დამსახურებულ მასწავლებელს
ანდრო კანდელაკს

მასწავლებელი, სიყრმის ჩემის ფიქრთა მხლებელი,
აღმანთებელი ჩემი სულის სილაყვარდისა,
დაუსაბამო ოცნებათა ფრთების შემსხმელი
და პოეზიის შუქით გულში გაშლა ვარდისა.

მისი ხმა ახლაც თან დამყვება გულთამხილველად,
როგორც აკვანთან იავნანა თქმული დედისა,
ვინაც ხელთ მომცა „დედა ენა“ ყმაწვილს პირველად,
როგორც დასტური ქვეყნად კაცად დაბადებისა.

ვინც გამიკვეთა მე ცხოვრების გზა და მიზანი
და წინსვლისათვის ჩამიგუბა სულში სხვა ძალა,
ვინც შემაყვარა წინაპრების კუბოს ფიცარი
და ჩემი ქვეყნის აკვნებისთვის მღერა მასწავლა.

მან შთამაგონა და სამშობლოს თავზე ვეცლები,
მზად ვარ თუნდ ჩემი სისხლი ცვარად მთებს დაეპყუროს...
მისდამი გული აღსაყვს მაქვს მადლიერებით,
მაგრამ მის მიმართ მაქვს პატარა სასაყვედუროც.

რატომ არ მამცნო: კაცი ცეცხლს რომ უნდა ერიდოს,
რომ სჯობს ყრმათათვის ზოგჯერ შიშის დამახსოვრებაც,
რად არ დამტუქსა პირველივე ლექსის წერის დროს,
რად დამიკარგა ქვეყანაზე მშვიდი ცხოვრება.

რად ჩამიწვეთა ტკბილი სიტყვა გულში იმედად,
რად სწამდა მერცხლის გადაქცევა მთების არწივად,

ამ ქარიშხალთან შესაბამელად რად გამიმეტა,
ოკეანეში დასაქარგად რატომ გამწირა?

საქართველოში პოეტია ყველა ჭაბუკი,
და უძნელესი — პოეზიის ლელოს გატანა;
ეს ნიშნავს: კაცი გამოხვიდე მზეში პატრუქით,
ანდა ზღვის ფსკერზე აჩუხჩუხდეს წყარო პატარა.

და რას გახდები, თუნდაც გულით მაღლა ილტვოდე,
მყინვარის მთებზე განა ჩიტის ფრთით გადაივლი?
ეს ნიშნავს: ფუტკარს ესაუბრო თაფლის სიტკბოზე,
ედემის ბაღში შეიტანო მინდვრის ყვავილი.

აბა, ჩემი ხმა რას გახდება მერნის ჭიხვინთან,
გრიგალს აჩოქებს ფლოქვთა ეხო ლურჯა ცხენების;
და ჩემს გულს სავსეს, აღმოდებულს, მღელვარს იჭვითა,
არა აქვს ნება მშვიდად ყოფნის და მოსვენების.

ო, როგორ მინდა ახლაც მისი სიტყვა-აღერსი,
რომ ოცნებაში განმეორდეს ჩემი ბაღლობა,
იქნება შევძლო, გულს აღმოხდეს ისეთი ლექსი,
ჩემს მასწავლებლს რომ შევკადრო, როგორც მადლობა!

1960 წ.

თურღოს ხიდი

წარმოთქმული მდინარე თურღოს
ხიდის გახსნაზე 1960 წლის 29 მაისს.

ეს ხიდი, აქ რომ მდინარე
გასჭრა და გაღმა გასცურა,
მან ხალხის გმირულ მარჯვენის
სიმტკიცე დაადასტურა .

ეს ხიდი, დიდი ერეკლეს
ხმალივით აქ რომ გაწვდილა,
მან სიხარულის შუქსხივი
მზესავით გაგვინაწილა.

ეს ხალხის წინსვლის გზა არის.
სულ გამარჯვებით მავალი,
დგას, როგორც შეურყეველი
სამშობლოს ჯაფმან-ჯაფარი.

მის ბურჯებს ახლავს სიმტკიცე
კავკასიონის მწვერვალთა;
ალაზნის ველის მშვენებას
მანც ერთი სხივი შემატა.

სრულდება ყველა მიზანი,
რაც გულში ჩაგვიფიქრია,
თურღოს ნაპირი რა არის,
როცა კოსმოსში მივქრევართ.

მაგრამ ამდენმა სტუმარმა
აქ მოსვლა მიტომ ინება,
რომ ყოველ საქმეს სჭირდება
ზეიმით დაგვირგვინება

ხალხის ეს შრომის ნაყოფიც
შუქურვარსკვლავად გიზგიზებს,
ამ ხილით, ამ გზით მივდივართ
იმ ნათელ კომუნიზმისკენ,

საათაც მედგრად მიგვიძღვის
გმირი ლენინის პარტია,
ვინაც ოქტომბრის ჩირაღდნი
სიბნელე გაგვაფანტია;

ვისაც ხალხები მშვიდობას
მწყურვალნი შემონატრიან,
ჩვენკენ ნასროლი ისარი
მტერს თავზე გადაამტვრია.

და ეს პატარა მიღწევა
განა ღირს სალაპარაკოდ?
მაგრამ დღეიდან თურღოც კი
დასჯერდეს თავის ქალაპოტს!
არა თუ მტერმა, მდინარემც
გოჯი მიწა ვერ დაგვაკლოს!

1960 წ.

მშვიდობა ზრომას!

სამშობლოვ ჩემო, გიხაროდეს, რომ შეილთა შენთა
ძალ-ლონე გასცდა დედამიწის ხილულ წიაღებს,
რომ შენს მინდვრებზე ახალ დღეთა დილა გათენდა,
რომ შენი დროშა მზის მახლობელ სივრცეს მიაღწევს.

და შვიდი წელი, როგორც ცაზე შვიდი მთიები,
გამარჯვებათა ცისკრის ნიშნად აღმობრწყენილი,
აბობოქრება წინსვლის, შებმის, ახლის ძიების,
გზა მომავლისა, ნაჩვენები დიდი ლენინის.

სამშობლოვ დიდო, იამაყე: ჩვენი პლანეტა
მხოლოდ მოსკოვის სინათლის გზით მიესწრაფება,
შეერთდა ხალხი ომის გზების გადასაკეტად
და სამშვიდობოდ ვარსკვლავებში იწყო გაფრენა.

რომ შეიმკვიდროს ჩაუქრობელ შუქით მოცული
მარადისობის საიდუმლო თავშესაფარი;
მშვიდობა მიწას! ომს ვუცხადებთ მხოლოდ სივრცეებს,
ცის დასაპყრობად ეშურება ჩვენი ლაშქარი.

მშვიდობა ზრომას, თავისუფალს, გმირულს, წინმავალს,
მხოლოდ მას ძალუძს ხალხს მოჰფინოს ბედნიერება...
და მგოსნის კალმის უძლურებას არ დაგიმაღავთ,
ეს გრიგალები ჩონგურის ხმით არ იმღერება.

დღეს საჭიროა ლექსსაც ჰქონდეს ძალა ატომის,
რომ მის გრიალშიც იგრძნობოდეს ღელვა მთაბარის,
დატოვოს კვალი, როგორც ცაზე ირმის ნახტომი
და სინამდვილედ წარმოსახოს ყველა ზღაპარი.

სამშობლოვ ჩემო, და პარტიის დიადო სიბრძნევ,
კაცობრიობის დიდთა დღეთა აღმოსავლეთო,
შენი ნათელი არა მარტო მიწაზე იგრძნეს,
ელვარე მზესთან, თვით ვარსკვლავთა შორის აენთო.

შენმა გონებამ მეცხრე ზეცის კარი გაჰკვეთა,
ფოლადი მღერის ხალხთა ძმობის გრდემლზე ნაწრთობი...
პოეტის სიტყვა უნდა გავდეს ახლა რაკეტას,
გული კი არა, შეაერუოლოს ცაში მნათობიც.

მშვიდობა შრომას, თავისუფალს, გმირულს, წინმავეალს,
მხოლოდ მას ძალუძს ხალხს მოჰყინოს ბედნიერება...
და მოსნის კალმის უძლურებას არ დაგიმაღავთ,
ეს გრიგალები ჩონგურის ხმით არ იმღერება.

1959 წ.

არ გსურს ნახო?

თუ ეს მთები არ გიგრძენია,
მაშ, ჰაბუკი არ ყოფილხარ;
არ დამტკბარხარ მისი ბალის
ჩამოთაფლულ ნაყოფითა?

არც ის წყარო გიგემნია,
კლდის ძირში რომ მოლილინობს?
ყელში ისე ჩატკბილდინდეს
დაგავიწყოს ყველა ღვინო.

თუ გსურს ქართლმა დაგაშუქოს
ცა ფირუზის სიანკარე,
მაშ, თამარის ნაფეხურებს
სადმე ფეხი მიაკარე.

კავკასიონს გადახედე,
რომ აგენტოს ელვარებით
ალავერდის გუმბათივით
ატყორცნილი მწვერვალები.

ალაზნის ველს არ დაივლი?
წინანდლის ვარდს არ დაყნოსავ?
ჰაბუკად რომ გარდაგსახავს
თუნდ ასი წლის ჰალაროსანს.

ან კრწანისის ყაყაჩოებს
არ დაინთებ გულზე ცეცხლად?
დაიჩერებ, ჯვარის მთასთან
ცაზე ჰქონდეს ბუდე მერცხალს?

არაგვს ხევში არ შეპყვები?
ჩქერს არ ნახავ საკალმახოს?
დაბრუნდები ისე განა,
რომ არმაზი არა ნახო?

მყინვარის მთა არ იხილო?
თერგის წყალი არ დალიო?
მაშ, არ გინდა შენი გული
სიხარულით გადარიო?

ლიხის მთას არ გადაივლი?
ქვევრს არ მოხდი იმერეთში?
მაშ, გურიამ არ ჩაგძიროს
ხმა დაგრეხილ სიმღერებში?

აბა, მესხეთს მგზავრის დილა
ვარძიაში გაითენე,
ვეფხვთან შებმულ ვაჟკაცების
სიყვარული გაიხსენე.

გაიხსენე ავთანდილის
მეგობრისთვის თავდადება,
სად ძმობის და ტრფობის წიგნი
იწყება და არ თავდება.

გელათი და ნიკორწმინდა,
წინაპრების ღწვათა ძალა
ნახე, თუ გსურს ქვის სიმღერა
სულს ჩაგენთოს ნაღვერდალად.

თუ გსურს ფერთა უღრმეს ზღვაში
შორს გაგტყორცნოს გრძნობის აფრამ,
ჩვენი მხარის სანუკვარი
მთა და ბარი ნახე, მაგრამ

თუ თბილისს არ ესტუმრები,
მთაწმინდაზე თუ არ ახვალ,
მაშინ თითქოს არ ყოფილხარ,
საქართველო არ გინახავს.

და მერე თქვი —ვინ ვარ, რა ვარ,
სად მოვსულვარ, საით მივალ ,
სიახარულის დიდი ზღვა ვარ,
სიყვარულის რაინდი ვარ.

და თუ გინდა ჩემთან ძმობა,
ჰა, მობრძანდი, გულით გიწვევ,
რომ ქართული მასპინძლობაც
არასოდეს დაგავიწყდეს!..

1959 წ.

ახალი თბილისისათვის

აქ მეტეხი ზევრჯერ აქეს,
იქ — მთაწმინდა მაღალი,
მაგრამ თბილისს კვლავ სწყურია:
პოეზია ახალი.

აღარ არის გულდამწვარი
ხმა დაფის და ნაღარის,
მოიმღერის ლაღად მტკვარი
შემოსილი ჭადარიტ.

მოგრიალე ბულდოზერებს
გააქვს მიწა ნაყარი,
ისმის რკინის სპილოების
ხორთუმების ჯახანი;

აქ მოსულა მთელი ქართლი,
სამცხე, გუდამაყარი,
ყველა შრომას მოესწრაფის,
ვით ქორწილებს მაყარი,
ქვის და რკინის მოჩუქურთმე
რა ქვეყნის და რა მხარის,
და თბილისიც ახალ უბნებს
დედასავით დაჰხარის.

მტკვრის მოაჯირს გავუყვები
სანაპირო ბალებით

და მეტეხის ახალ ხიდთან
გავალ, გავილაღები.

გავიხსენებ გალაკტიონს
მადათოვზე ნამღერებს,
ნარიყალას რიყის ქუჩებს
გრიშაშვილის ნაფერებს,
ლეონიძის ლექსის ჩინჩხლებს
გადმოფრქვეულს ბლუჯადა,

და თბილისის უღრუბლო ცას
მოლივლივეს ლურჯადა.
და მოგძახებთ, პოეტებო,
ქართლის ახალ დღეების,
ამ თბილისის აღშენებას
ახალ სიტყვით შეებით,
რომ შიგ ჩანდეს: მუშის მკლავით
დაღეწილი კლდეები
და ღრუბლამდე აღმართული
თეთრი სასახლეები;
დღით მღელვარე და ღამითაც
მოსვენებას უჩვენე
ჯვანდელის ისარივით
გასროლილი ქუჩები;
მტკვრის ტალღებზე გადაღვენთილ
ცისარტყელა ხიდებით,
ნაპირ-ნაპირ ხეივნები
მოზეიმე დიდებით.
მთაწმინდაზე ატყორცნილი
კოშკი ღრუბლის გამკვეთი,
ვით გაფრენა ვარსკვლავებში
კოსმიური რაკეტის;
ირგვლივ დინჯად მდგარი მთები
თაბორი თუ მახათა,
მზით დამწვარი მათი კალთა
დაქარგული ბაღადა;
ის მარჯვენა, ვინც თბილისი
ასე ვრცელი გახადა,
წერაქვით და საჭრეთელით
ქვა და რკინა დახატა;
ვინც შეჰხარის მზიან დღეთა
ნაშრომსა და მონაგარს,
წარსულის შუქს, აწმყოს ნათელს
და ბედნიერ მომავალს!..

1959 წ.

თბილისის ზღვაზე

თბილისის ზღვაზე ავხსენ ნაევები,
დაბმულნი თითქოს დამნაშავენი...
ვერცხლის ტალღების ქსელში გავებო,
მსურს ვისეირნო მზის დაწურვამდე...
შემდეგ ნაპირზე დავყო წამები,
ვიდრე ცის ცრემლით დავინამები;
ნიბლიასავით გავინამები,
ღელვას შორიდან დავაყურადებ.

დაუუჩებელი ზღვის თეთრ კალთაში,
ტალღები, როცა სივრცეს გადასჭრის,
ვით აფრენილი მტრედი ათასი,
თვალს წარიტაცებს ცის კიდურამდე,
და მთების მხრებზე, ცათა ლაყვარდში,
ჩამოღვენთილი ცისკრის ბალახში
ნისლის ეკრანზე ნაზად გადაშლის
გუდიაშვილის წარმტაც სურათებს.

და მერე გვიან, როდესაც მთვარე
აღმობრწყინდება გომბორის მხარეს
და მომანათებს ნესტანის თვალებს,
მე შენი სახე მომელანდება,
და შენკენ სწრაფვა როს ამაჩქარებს,
როს მოვადგები თბილისის კარებს
და გადმოვხედავ მთებს, შემოგარენს,
თვალთაგან ბნელი გაიფანტება.

გადაიშლება ზღვა ცეცხლის ფერი
მღელვარე ურიცხვ ვარსკვლავთა ჩქერით,
მომესურვება იმისი ცქერით
მწვანე მდელოზე ღამის გათევა,
შორს გაფრინდება გული სიმღერით,
ცა შეირხევა, ვით სახლის ჰერი...
იმ სილამაზის, იმ ყველაფერის,
არ მოხერხდება ლექსში ჩატევა!..

1959 წ.

გიორგი ლეონიძეს

წარმოთქმული გიორგი ლეონიძის
საიუბილეო საღამოზე

როგორც არსენა ოძელაშვილი,
მკერდგანიერი და მხრებგაშლილი
პოეტი მოდის ვეფხვის მუხლითა,
მას ხალხის გულში უდგას ფესვები
და იფანტება მისი ლექსები
როგორც ფოთლები ველზე მუხისა.

მუხას ტოტები შორს გაუშლია,
მე ყურს ვუგდებდი მის ფოთოლთ შრიალს,
სიტყვის ქარები მთებით მოჰქროდნენ,
გულთ გამახარი, სულთა მპარავი;
და მისი წიგნი თუ ზღვა არ არი,
მაშ, შიგ ტალღები რად ბობოქრობენ?!

მაშ, რად გრიალებს მთათა ზვაგები,
სიტყვის ბადეში რისთვის ჯაგები,
რატომ შეტოკდა გული ბუდეში?
რად დამაჯერა იმ სტრიქონებმა,
რომ ამაოა ყველა ქონება,
პოეზია კი — კაცის ნუგეში!

პატარა კენჭიც პატარძელის
მის ჩუქურთმაში ოქროდ ქცეული
სამშობლოს დუღაბს შემატებია,
არ არის სიტყვის რამ განძეული
მისგან არ იყოს არ დაძლეული,
მის ხელში ქვანიც ლალადღებთან.

დაე ტოტები ველზე მუხისა
არ შეკრთომოდეს ქარს და ქუხილსა,
კვლავ მის ფოთოლთა გვესმას შრიალი;
არ დაიქანცო მგოსნის კალამო,
უნდა სიმღერით კვლავ გვიალამო,
გვზარდო სამშობლო-ქვეყნის ტრფიალით!

გულის სიღრმეში გიძევს მქუხარი
ლექსის ზოდები დაუდუღარი
და მის ღვეთაში გაჰალარავდი,
შენ პოეზიის ცხელო ბუხარო,
ქართველ ხალხს გული რომ გაუხარო,
კვლავ იჩხრიალე, როგორც არაგვი.

რომ შენი სიტყვის ტალღათა გზნებით
იყო მომავლის გზათა გამგნები,
ხან გულის წყლულთა დამაყუჩები,
სულის სიღრმე რომ გაგვინათელო;
აბა ვინ დასძლევს იმ საქართველოს,
ვისაც შენგვარი უდგას ბურჯები.

უკვდავებისკენ მიმავალ გზაზე
სამოცი წელი განა დიდია?
გულის კარების სიმთა ლარები
ოქროს ბწკარებით ხალხს მიგინდვია,
შენი სამშობლოს სიყვარულისთვის
ველად გაჰრილხარ, გაგიმინდვრია,
სიტყვა ფრთიანო, კვლავ გეხმიანოს
როგორც ქართული ლექსის მინდია!

1959 წ.

ფიქრები გალაკტიონზე

გალაკტიონი ისე დიდია,
მისი ხმა კლდეებს ზეავად ჰკიდია,
იგი პარნასის მეხთამრიდია,
მუზები მასთან ლოცვად მიდიან.

ჯერ აღმართულა მაღლა მთებურად,
გრიგალს არასდროს დარიდებულა,
მერე დამდნარა, როგორც მანანა
და ხალხის გულში ჩარიგებულა.

ჩემს ბაღლობაში მისი ჰანგები
დამქუხარებდა ქართლის ველებზე;
ახლა მის კუბოს მთაწმინდის ბაღში
ლურჯა ცხენები მიასვენებენ.

ბარათაშვილის აკლდამის კარებს
შეაულარუნებს ვაჟკაცურ ხმითა;
ბოროტი ხალხის გასაკიცხავად
იგი სიკვდილსაც არ დაერიდა.

აღანთო სული, დაფერფლა გული, —
ო, იყოს კრული ყველა იაგო! —
მან ლექსის ფრთებით ღრუბლებს გაასწრო
და დაიქუხა საგანთიადოდ!

1959 წ.

შალვა დადიანის გარდაცვალებაზე

ქართლის ველზე მუხად მდგარო,
ღვაწლმოსილო, ამაგდარო,
საუკუნის მწვერვალიდან
ირემივით გადმოდგარო,
ეგ ჭალარა თითქოს გავდა
მყინვარებზე თოვლის ცვენას
და სიცოცხლის ხოტბას ჰქმნიდა
ყველგან შენი გამოჩენა.

დღეს მორღვეულ მთის ზვავივით
კუბოს წეებარ, მშვიდად გძინავს,
შენს თვლებში მზე ბუდობდა,
ბნელი როგორ დაგეფინა?
შავ სიკვდილმა ვით გაჯობა,
ვით დადუმდა თაფლის ენა?
მაგრამ, ალბათ, მუხაც ვერ ძლევს
მუდამ მეხის გადარბენას.

საქართველოს ეშხი იყავ,
გულუხვობის მაგალითი,
მშობელ ერის სადიდებლად
ჰირსა შიგან არ დამრიდი;
მამასავით თავს გვადექი,
ბევრჯერ ჩრდილი აგვარიდე,
შენი კალმის შუქის ხეავით
გაგვზარდე და გაგვამდიდრე.

ხალხის გულის ნაპერწკლიდან
ანთებულო ცეცხლის ალო,
შენი ქვეყნის სამსახურად
დაღვენთილო ნალვერდალო,

ვით მოძღვარი, ვით მგოსანი
ხალხს მიაჩნდი თვალის ჩინად,
მათი გული მხოლოდ შენ ერთს
ფიანდაზად გაგეფინა.

მთაწმინდაზე ჰპოვე ბინა,
ილიასთან, აკაკისთან,
კპანს სწევდი, რაც მათ ხსოვნამ
და სამშობლომ დაგაკისრა;
აწ მათ გვერდით განისვენებ
უკვდავების მღუმარ ფრთებზე,
სადაც ჩვენი წინაპრები
საფლავიდანც ანათებენ!..

1959 წ.

მაჩაბლის ქუჩა

მაჩაბლის ქუჩა, მწერლების ქუჩა
და პოეზიის გზა წინ სავალი;
მევდივარ ჩემთვის ჩუმაღ და ყუჩაღ,
გზად პოეტები მხედება მრავალი;
და ყველა ფიქრობს: მხოლოდ ის არის
დიდი რუსთველის შთამომავალი...

1959 წ.

ჩემი სიხარული

• •

შენა ხარ ჩემი სიხარულის მახარობელი,
გულში ჩარკინულ ყინულების გამალხობელი;
რა შორს იყავი და ყოფილხარ რა მახლობელი,
შენ დამიბრუნე დაგმობილი წუთისოფელი.

ჩემი თვალები, სიხარულის ცრემლით სოველი,
შენი მშვენიერების არის მხოლოდ ცქერის მთხოველი,
შენ ჩემი ლოცვის ტაძარი ხარ — სვეტიცხოველი
და მე, მგოსანი, განახლებას შენით მოველი.

თუნდა აბორგდეს ბოროტების ძალი ყოველი,
ვერლა გამხადონ დიდებისა ჩემის მგლოველი,
რადგან იქნება ჩემს წინ გზებზე ბნელის მქრობელი
შენი თვალები — სიყვარულის შუქთა მთოველი.

შენა ხარ ჩემი სიხარულის მახარობელი
და მე, მგოსანი, განახლებას შენით მოველი.

მე შენს საუბარს ყურს ვუგდებდი, როგორც გალობას,
და გულს მიგზნებდა შენი სულის შეუმკრთალობა;
ქვეყნის გამგებელს მე ვწირავდი გულით მადლობას,
რომ შენს მახლობლად მყუდროება მე მიწყალობა.

მიმოვდიოდით ველთა შინა ფიქრთ გასანდობლად,
თავს გვევლებოდა ქართლის მთების ფერთა მრავლობა,
სმენას გვიტკბობდა ჩანჩქერების მუსიკალობა
და ტბილ სიცოცხლეს ხარბად ვსავამდით ტრფობის წყაროდან.

შენსა მკვრეტელსა გულს რად უნდა მეტი წამლობა,
ხომ შთააგონე სიყვარულის იღუმალობა?
შენი მშვენება მსურს შთაგბერო ლექსს აღმავლობად,
რომ მისი ხილვით კვლავაც დატკბეს შთამომავლობა.

მე შენს საუბარს ყურს ვუგდებდი, როგორც გალობას,
და ტბილ სიცოცხლეს ხარბად ვსავამდით ტრფობის წყაროდან.



შენს შესახვედრად რა არ ვცადე, რა არ ვიღონე,
ისე წახველი შენი ხმაც კი ვერ გავიგონე,
ვიყავ მდიდარი, უცებ გავხდი მე არრას მქონე,
დავრჩი მინდორში — წვიმისაგან ჩამქრალი თონე.

თუ წასვლა გსურდა, გული ჩემი რად დაიმონე?
რად მომიძღვნიდი ნაზ ყვავილთა ცრემლიან კონებს?
ჯერ მიმიზიდე, სიყვარული გულს მომიფონე,
შემდეგ კი სევდა ჩამოჩრდილე ლექსთა სტრიქონებს.

გულს, მარტოდ შეთენილს, ნუგეში რამ ვერ შევაგონე,
გემუდარები, დაბრუნებას ნუ დააყოვნებ;
შენს თვალთა შუქთა კელავად ხილვას მე ვიმედოვნებ,
რომ ჩემს სიცოცხლეს შეემატოს მეტი ძალ-ღონე.

შენს შესახვედრად რა არ ვცადე, რა არ ვიღონე...
შემდეგ კი სევდა ჩამოჩრდილე ლექსთა სტრიქონებს,



შენი შეხვედრით გული ჩემი ისევ გალალდა,
ფრთები შეესხა და მიილტვის ცხრა მთის გადაღმა;
მინდისავეთ ვესაუბრე მინდვრად ბალახთა
და ვიგრძენ — ჩემში სიჭაბუკე როგორ განახლდა.

უშენოდ ჩემს სულს ნაპერწკლების შუქიც არ ახლდა,
ლამის ეს გული დაიბრიყვა დარღმა ვაგლახმა;
ახლა აზღვავდა, გაიშალა, გამიამაყდა,
და დაივიწყა განსაცდელი, რაც რამ გადახდა.

ჩვენი ტრფიალის თვით განგება არის თანახმა,
სიცოცხლედ მიღირს შენი თუნდაც ერთხელ დანახვა,
და რადგან ვხედავ, შენს სახელზე ლექსი ამალლდა,
იქნება შევეძლო პოეზიის ვალის გადახდა.

შენი შეხვედრით გული ჩემი ისევ გალალდა
და დაივიწყა განსაცდელი, რაც რამ გადახდა!



მატარებელი რომ დაიძრა და დავრჩი მარტო,
გაოგნებული გავცქეროდი შორეულ ტატნობს;
იღუმალი ხმით გულს ჩავკითხე: წავიდა რატომ?
მაგრამ მიზეზი შენმა ლანდმა ვით განმიმარტოს!

მე ჩუმად მოველ, რომ შორიდან შენახე სატრფო,
ვფიქრობდი, ხილვამ იქნებ დარდი შორს გამიფანტოს,
ხმა რად არ გამეც, ხომ არ ვიყავ მოსული სამტროდ?
რად მრისხანებდნენ თვალნი შენნი — ესოდენ სათნო?!

შენს მოლოდინში თვალთა ჩემთა ცრემლები ალტობს,
და შენს ცისიერ შემოხედვას ისევე ვნატრობ,
მსურს შენი სახე შთაგონებად გულს ჩავიხატო,
რომ ჩემს სიმღერებს ნათელშუქი შემოემატოს.

მატარებელი რომ დაიძრა და დავრჩი მარტო,
რად მრისხანებდნენ თვალნი შენნი — ესოდენ სათნო?!

ჩემი ცხოვრება სულ ბრძოლების გზით მაქვს გავლილი,
ბედის ყორანთან შეყივლების ხმით ვარ დაღლილი;
ზოგჯერ ტალღა ვარ, ქარისაგან კლდეზე დახლილი,
ზოგჯერ აღმაფრენს სიხარული — ცრემლში გაცვლილი.

ვეფხის ტყავე ვარ, რუსთაველის წიგნად გაშლილი,
მშვილდ-ისარი ვარ, ავთანდილის ხელით გათლილი,
აზარფეშა ვარ, ღვინით სავსე, ჟერ არ დაცლილი,
საუკუნე ვარ, წუთ-წამების ისრით დათვლილი.

მყინვარის მთა ვარ, მწვერვალი მაქვს გადათოვლილი,
და ცისარტყელა გვირგვინად მაქვს შუბლს შემოვლილი,
კალთებს მიმშვენებს გაზაფხული — მკერდმეფოთლილი,
მაგრამ უშენოდ გულს სევდა მაქვს შემოწოლილი.

ჩემი ცხოვრება სულ ბრძოლების გზით მაქვს გავლილი,
საუკუნე ვარ, წუთ-წამების ისრით დათვლილი.



შენს მოლოდინში გული ჩემი თრთის და კანკალებს...
მსასოფარო, ჭარბობის სევდა მაკმარე;
მინდა ჩემს ახლოს ხშირად ვმზერდე შენს ფერხთ ნაკვალევს,
რომელსაც ახლოს ცივ ნიაფსაც არ მივაკარებ.

გზისაკენ ცქერით თვალნი ჩემი უღვთოდ დავდალე,
რა ვქნა, გულიდან შევღრუბელი ვერ გადავყარე,
გამოჩნდი ბარემ, სულს ცრემლების ხუნდი აჰყარე
და სიჭაბუკის სიმღერები კვლავ შემაყვარე.

ჩემო ტრფიალო, მო, ჩემს გულში დაესახლკარე,
რომ ჩვენი ხვედრით იამაყოს სამშობლო მხარემ;
ხედავ, იქ ბნელში ბელზებელი როგორ ხარხარებს?
გემუდარები, მტერთა ჩემთა ნუ გაახარებ!

შენს მოლოდინში გული ჩემი თრთის და კანკალებს...
გზისაკენ ცქერით თვალნი ჩემი უღვთოდ დავდალე,
ჩემო ტრფიალო, მო, ჩემს გულში დაესახლკარე!

ისევ წახველი?.. რა გამიხდა შენი წაღვერი!..
 ისევ ამავესე გამოუცნობ ზევდა-ნაღველით;
 სიყვარულის წილ დარდი გახდი, სულის დამღლელი,
 მზე ზენიტს მდგარი—პორიზონტზე ღრუბლად დახველი.

თუმც მეშინია ლექსისათვის ამის გამხელის,
 რათა არ შედრკეს რწმენა ყრმობით შეულახველი,
 რომ პოეზიას არ შეეზოს ხელი მსახვრელი
 და აღარ გახდეს ხალხი ჩემი ჩანგის მძრახველი.

მაგრამ კალამზე მაინც ბრწყინავს შენი სახელი,
 ცხოვრების ჩემის მოულოდნელ თვალისამხელი,
 ჩემი სიმღერის წლებს გადაღმა გადამძახველი,
 ვის მშვენებასაც ვერ შებღალავს მტერი ავხელი.

ისევ წახველი?.. რა გამიხდა შენი წაღვერი!..
 თუმც მეშინია ლექსისათვის ამის გამხელის,
 მაგრამ კალამზე მაინც ბრწყინავს შენი სახელი.



მე განა ისე უნდა მოვკვდე, შენ ვერ გიხილო?
და შენმა ბაგემ ტკბილად ერთხელ არ გამიღიმოს?
შენ ჩემი ბალის ყვავილნარის თეთრო ღიღილო,
მსურს შენს ფოთლებ ქვეშ სიყვარულზე სულ ვიღიღინო.

გინდა ჩემს ცაზე მარტო ელვად გადაირბინო?
წამწამთა ისრით მოყმე გული რომ გამიგმირო?
ჩემს აზვირთებულ ოცნებათა ოქროს გვირგვინო,
შენმა მნატვრელმა ჩუმი ოხვრით სანამ ვიგმინო?!

რად დამინისლე ვაჟკაცური სიმღერის კილო?
რად არ მოელტვი შენგან დამწვარ გულს მომიჩრდილო?
კვლავ შენი ღვიძლი შორს რად გყავარ, როგორც ინგილო,
ნუთუ ჩემს ახლოს გაზაფხულმა არ დაიგრგვინოს?!

მე განა ისე უნდა მოვკვდე, შენ ვერ გიხილო?
შენმა მნატვრელმა ჩუმი ოხვრით სანამ ვიგმინო!?

1959 წ.



მე შენს ღღეობას ვერასოდეს ვერ დავესწარი
და გულს ამიტომ დამეფარა მწუხრის ზეწარი;
ჩემი ლექსების სალამური შენზე მკვნესარი
გულმორეულმა გადავტეხე, აი, ეს არი.

რად მინდა სატრფო ქაჯეთს მყოფი, როგორც ნესტანი,
ან ბაღის ვარდი, თუ მის გაშლას ვერ მოვესწარი?
ტკბილო ფუტკარო, თაფლის ნაცვლად გულს მკარ ნესტარი
და გადიკარგე ცხრა მთას იქით, ვით დაღესტანი.

ჩააქრე ჩემი ამა ქვეყნის ნათელ მიზანი,
სიხარულის წილ მომაფინე გულს გლოვის ზარი,
არ მიწკრიალეbs ძველებურად ლექსის ეჟვანი
და ვეღარ ვარჩევ, სიმღერა მფლობს თუ კაეშანი!..

მე შენს ღღეობას ვერასოდეს ვერ დავესწარი
და გადიკარგე ცხრა მთას იქით, ვით დაღესტანი!

1960 წ.



რამდენი ხანი შენს სახელზე არ მიმღერია,
თითქოს დაგბერდი, თმაში თოვლი გამოიმერია;
შენი ლანდის წინ გულს ძალუმად კვლავ უძგერია,
სიყვარულს ჩემსას, ვგრძნობ, დალუპვა არ უწერია.

შენი გულის ხმას ჩემს ყურამდე ფრთა უწევია,
ბაგემლიმარი შენი სახეც სიზმრად მწვევია;
სულში რამდენი ქარიშხალი დამიმწყვდევია,
დავეცი, მაგრამ ჯერ სიკვდილი ვერ დამწევია..

წინ ნათლით სავსე გზა სავალი კიდევ ბევრია,
ფიანდაზივით გადაშლილი მთა თუ ტევრია;
ვისწრაფვი შენკენ, გული მკერდში ვერ დამტევია,
შენზე ლოცვაში ღამეებიც გამითევია...

რამდენი ხანი შენს სახელზე არ მიმღერია,
დავეცი, მაგრამ ჯერ სიკვდილი ვერ დამწევია..

1966 წ.



როდესაც გულზე სევდის ნისლი შემომაწვება,
გავისეირნებ მთის კალთებზე მაღალ ნაძვებთან;
მიდამოს ხილვით თვალთა სფერო როცა ნათლდება,
წინ შენი ტანი ჭანდაკევით აილანდება.

გადაიარა მღელვარებამ გულზე რამდენმა,
მაგრამ სიმღერამ სხივებისამ სევდა განდევნა;
მზე ჩაეშვება, სულში მაინც არ დაღამდება,
ვგრძნობ, შენზე ლოცვით ტკივილები დამიამდება...

თუმც ზოგჯერ ეჭვი უღმობელი გულში ავდება,
ჯზა გატყორცნილი მომავლისკენ თითქოს თავდება,
ირგვლივ ყოველი ღამეული ფერით შავდება,
მაგრამ იმედი კმუნვას ჩემსას გაუმკლავდება.

როდესაც გულზე სევდის ნისლი შემომაწვება,
ვგრძნობ, შენზე ლოცვით ტკივილები დამიამდება...

1966 წ.

ფოთელ მემოზრებათაჲ

მასპრომბი

ქვეყნად ხომ ბევრი არის ლამაზი,
მაგრამ თუ შეგხვდა ქალი ფოთელი,
გულს დაგისერავს თვალთა აღმასით,
ვერ გაშორდები შეუშფოთველი.

და ახლა მივხვდი, ვაჟკაც იაზონს
რად მოუწევდა გული აქეთკენ;
მე მსურს მგოსნური რამ მოვიაზრო,
მათ სილამაზეს ლექსით ვაქებდე.

კალმით მოვეჭრე კოლხეთის ედემს,
ნაპირს მოვაგდო გულის ხომალდი,
ისე მოვტაცო ერთი მელდეა,
არ მივიყვანო საქმე ომამდი.

რომ მეც ვეტრფოდე იმ მზესახიანს,
ისიც შუქს ჰფენდეს ჩემს ძველ ნაფუზარს;
თქვით: ყაჩაღობა რა საძრახია,
თუ სიყვარული უდევს საფუძვლად?!

და დღეს ამ გრძნობას, ტალღად მოხეტქილს,
თქვენ წინ ავანთებ სავსე ჰიქითა,
მე სიყვარულით მოველ კოლხეთში
და სიყვარული მიმაქვს იქიდან!

1959 წ.

თ ბ ი ლ ი ს ი

საზეიმოდ თჳმული

თბილისი, ჩვენი თბილისი,
ჩემი. შენი და იმისიც,
ვინც დასანგრევად მოვარდნილ
მტერს შვერკინა პირისპირ.

ვინც მისი ძალა იწამა,
იშრომ-იბრძოლა, იწვალა,
და მერე მკერდში ჩაიკრა
ღედაქალაქის მიწამა.

იმისი სული აქ არი,
ლოდებქვეშ მიუსაფარი,
ხედავს, სიცოცხლედ ქცეულა
მისი ოცნების ზღაპარი.

ხედავს თბილისის კიდეგანს
გაშლილს, გატყორცნილს ველებზე,
წინსვლას, შენებას, ზეადსვლას
ქამთასვლით შეუჩერებელს.

და უცებ გაცისკროვნდება
თვალწინ იმ ღღეთა აისი,
როცა პირველად დაერქვა
თბილისს სახელი თავისი.

როს აფრენილი ორღობით
ფრთხანაირალი ხოხობი
მეფეს ანიშნებს თბილ წყაროს
ირგვლივ კლდეებით მოღობილს.

ბეფე გულდინჯად აღმოთქვამს:
„ამ ალაგს იყავნ ქალაქი!..“
და გადმოზიდეს მცხეთიდან
მთელი სატახტო ალაფი.

მას შემდეგ ღრონი წასულან,
ბევრ ღვართქათს გადაუვლია,
ხან ცრემლებს გადაურეცხავს,
ხან ავდარს დაუღრუბლია.

მაგრამ ცეცხლსა და გრიგალში
მაინც კლდედ იდგა თბილისი,
ის — საქართველოს სიცოცხლე,
მისი რწმენა და სინდისი.

მტერს ხომ მრავალჯერ უნდოდა
უფსკრულში გადავერეკეთ,
მაგრამ მგელმუხლა ვახტანგი,
მაგრამ ბერმუხა ერეკლე

გალომებული ხვდებოდნენ,
იყო რკენა და განგაში...
ხმალი მტრის სისხლის გარეშე
არ ჩაუგიათ ქარქაშში.

ცხრა ძმას თუ სამას არაგველს
გულზე ვერ გადააბიჯეს,
საკუთარ მკერდით გარაგვეს
თბილისის ყველა კარიბჭე.

კიდევ რამდენი ჭაბუკი
იქ დაცემულა გმირულად,
მათი ძვალ-სისხლით თბილისის
ზღუდენი ამოკირულა.

ახლა ხსოვნაშიც ქრებიან
ის ავბედითი ღლეები;
ირგვლივ მთებს გასჯიბრებია
შუქსავსე სასახლეები.

მღელვარე ფოთოლ შრიალით
ზღვას ეცილება ბალები;
შვენის ქარხნების გუმბათებს
თეთრ ნისლთა ბაირაღები.

ხომალდებივით მტკვრის ტალღებს
მიარღვევს ხიდთა ბურჯები;
ავტომობილთა ქარავნებს
გაუტაცნია ქუჩები.

ლამპიონების ლაშქარნი
ჩანან ვარსკვლავთა კრებულად,
ყოველი სახლის სარკმელში
ცისკარი დაბუდებულა.

გამქრალან სირაჯხანები,
ძველი ზურნა და დაფები,
ქუჩები გადაუქარგავს
ყვავილნარებს და ქვაფენილს.

თვით ნარიყალას ნანგრევიც
მზეს გრძნობს ახალი ძალისას,
მტკვარს გადმოჰყურებს მეტეხი —
მიმინო გორგასალისა.

აღმაშენებლის მხრებივით
აღზევებულა მთაწმინდა,
ბარათაშვილის ფიქრები
ზედ რომ ცრემლებად აწვიმდა.

იქ კვიპაროსებს ალაღებს
კოჯრის ნიავი ფრთამალი
და შუბლს უმშვენებს სასახლე,
როგორც გვირგვინი თამარის.

სადა ხართ ჩინგის-ხანებო,
ამაყნო, გულაფზნიანნო,
თქვენ მიწა-მტვერად იქეცით,
თბილისი ისევ მზიანობს.

ისევ წინ მიდის უშიშრად,
სხივს აფენს ნარიყალასა,
ერთ მკლავს ძველ მცხეთას გადახვევს,
მეორეს — რუსთაგ-ქალაქსა.

გულში მის ზოტბას ვისახავ
მისი მშვენებით მდიდარი,
მე მაშინ ვცხოვრობ, როცა ის
ათას ხუთასი წლის არი.

როცა მის ცაზე სხვა მზეა,
სხვა შუქგიზგიზა დარები,
მოყვრისთვის მუდამ კარლია,
მტრისთვის ხელმიუკარები.

და მეც მის მკერდზე სიმღერით
ამაყად დავიარები,
აგურად შემატებოდეს
მაა ს-ი ლექსის პწკარები!

1958 წ.

არაბვის სიმღერა

მე ამ მთებივით მშვიდი როდი ვარ,
მტკვართან ტალღების ფრთებით მოვდივარ,
ზღვის გულს შევეერთო მინდა,
ცად ავიზიდო თოვლისფერ ნისლად,
შევეხმიანო პირველად ცისკარს,
ჩამოვეპყურო მინდვრად.

ჩემით ხარობდეს მწვანე ჭეჩილი,
ზოგჯერ ქარისგან ფრთებდაგლეჯილი,
ზოგჯერ მღელვარე ლხენით;
ხან თოვლად მთის მწვერვალებზე,
ხან წყაროებად მოვჩხრიალებდე,
ვერ მაკაეებდეს კლდენი.

ხან ოფლი ვიყო, მიწას მაპყურონ,
ხან ცრემლად ვიქცე, გული განვკურონ,
ხანაც სიმღერად ვჩქერდე,
ყოველ ნაბიჯზე სიყვარულს ვთესდე,
უქმად იყო, არა თქვან ჩემზე
ჩემი სიცოცხლის შემდეგ.

თუმც მე სიკვდილი არ მიწერია,
ხან ყვავილი ვარ, ხან ტყის ფერია,
ხანაც ვარსკვლავად ვკრთები,
მიპყრობს სიცოცხლის ზეაღმაფრენა,
ვიცი ყოველი სულდგმულის ენა,
იღუმალება მთების.

და ვიდრე მტკვარი იქუხებს ქვეყნად,
არ შევუდრკები კლდეებთან შეხლას,
არ შევანელებ დენას;
ასეთი იყო, ასეთი არის
ჩემი ტრფიალი სამშობლო მხარის,
ჩემი გული და რწმენა!

ნაჩუქარ წიგნის პასუხად

„ლუშასპე და რიცა...
ლურჯი ავადპარა...
მოხვალ? ალბათ — არა!“

ა ნ ა კ ა ლ ა ნ დ ა ძ ე

ანა, შენი ლექსის ნანამ
მე ცათამდი ამიყვანა,
ფრთა შემასხა ქარიშხლისა
და ვერ გიგრძნობს გული განა,
რომ ჩემს სულში შემოიჭერ
ამოუხსნელ გამოცანად?!

გამოგზავნა ქვეყნად ცამან,
თუ მიწაზე იად მოხველ?
მეპყრები ხან ცის ნამად,
ხან გულს აგზნებ მემამბოხედ.

შენი ფიქრი მკერდით დამაქვს,
ჩამეგუბე გულში სევდად,
სიყვარულზე მეტი რა მაქვს,
შენთვის ძღვნად რომ გამებედა?

ხელთ ავიღებ შენ წიგნს ოდეს,
ვარსკვლავები ახლო ჩანან,
წყარო ხევში უნდა რბოდეს,
სიყვარული — გულთა თანა...
იქ, რიცასთან დამელოდე,
მე უთუოდ მოვალ, ანა!

1957 წ.

• •

მოგიახლოვდე? ვაითუ ჩაქრეს
ცეცხლი, შენგან რომ გულზე მედება,
ვაითუ დასწყდეს ჩონგურს სიმები,
ადრე გათავდეს შემოქმედება.

შორს ვიყო? მაშინ როგორ გავუძლო
შენს ნატერას, ფიქრს და სულის წვალებას?
როგორ გავკაფო პოეზიის გზა,
თუ არ მინათეს შენმა თვალებმა?!

მაშ რა ექნა, მითხარ! მოკვდე და მაშინ
მღელვარე გულის ცეცხლი ჩაქრება?
მე ხომ სიცოცხლის მომღერალი ვარ
და ჩემთან სიკვდილს რა ესაქმება!

მე ხომ ცხოვრების ღელვას ვესწრაფვი,
მსურს გრიგალს გული არ მოვარიდო,
მე ხომ იმიტომ მოვილტვი შენკენ,
რომ სიყვარულის ძალა ვადიდო?!

არა! სჯობს ისევ შორი ტრფიალით
შთამაგონებდე ლექსს და სიმღერას, —
ხომ იცი, მთვარე მზეს რომ შორდება,
მაშინ ანათებს უფრო ძლიერად!

1956 წ.



ჭეირანი ხარ, თუ ალვის ხეებს
გაშლილ მინდორზე გააქვს შრიალი?
გნახე, დავკარგე სულის სიმშვიდე,
გული გამიხდა ქარიშხლიანი.

გემუდარები, ნუ გამიფრთხები,
ნუ გახდი ჩემს გზას ბნელს და ჩრდილიანს,
თუ უმშვიდობო სულს შეიყვარებ,
თუ ქარიშხალის არ გეშინია.

მოდო, ამავეს შენი მშვენებით,
ნამდვილ სიცოცხლის ვიგრძნოთ დიდება,
თორემ თავისი დრო აქვს სიყვარულს
და სიჭაბუკე გაგვიფრინდება!..

1956 წ.



მაგ თვალების ისრით დამპკრი,
წახვალ, გაუჩინარდები...
და ჩემს წუხილს სიოს ენით
ჩურჩულებენ ჩინარები.

ვერც ვერავის ვუმხელ სევდას,
არც არავინ მაიმედებს,
და შენც ერთი ტკბილი სიტყვა
ჩემთვის აღარ გაიმეტე.

ბევრჯერ მინდა ლექსი გითხრა,
მუნჯი ვხდები შენს მახლობლად,
ყველა სიტყვა გულში რჩება
რაც მაქვს შენდა შესამკობლად.

თუმც უტყვია სიყვარული,
ჩუმი — თოვლის ფიფქის მსგავსად,
წამწამების ოდნავ რხევით
რომ გააბამს საუბარსა.

მე შენს თვალებს ბნელში ვუცდი,
სად გაფრინდი თეთრი მტრედი?
მოდო, მთვარედ მომიშუქდი,
ცისკარივით გამითენდი.

თორემ მეტი მოლოდინი,
ეჭვი, ძნელად ასატანი,
გულს გადაწვავს და ჩაქრება
სიყვარულის ჩირაღდანი!..

• •
|
იმ ღამეს ნამდვილ ანგელოზს ჰგავდი,
მეგონე მართლა წმინდა მარიამ,
შენი თვალების შუქისგან დავდნი,
მას შემდეგ აღარ გამიხარია.

ეს მოჩვენება გადმექცა მწუხრად,
უეცარ ხილვით სულ გავიწირე,
შემომასიე ფიქრები უხვად,
და მთელი ღამე ვერ დავიძინე.

რა ვქნა, არ მინდა შეგხვდე სრულებით.
უშენობასაც თუმც ველარ ვითმენ,
ჩუმაღ თავისთავს ვეჩურჩულები
შენს მშვენებაზე აწყობილ რითმებს.

განთიადს მოჰგავს შენი სიცილი,
რკინაც გალღვება მაგ მწველ თვალებზე,
ან მე არ ვიყო, ანდა ისინი,
ან ამნაირად არ მაწვალებდნენ.

მე რომ შემეძლოს ქვათა ღალადი,
ან გადაქცევა ძეგლთა ხელოსნად, —
მარმარილოში გამოგსახავდი,
კაცობრიობას ზედ რომ ელოცა,

ფარვანასავით მუდამ ცეცხლს ვეძებ,
გული უშენოდ მუდამ ღონდება,
იმ ღამის ხილვის წაშლა ვერ შევძელ,
წუთუ არასდროს განმეორდება?

1956 წ.

• •

ისევ იმ ცეცხლით მანთებ ყოველთვის,
რითაც მანთებდი სიკაბუკეში,
კვლავ ჩემი გული შენკენ მოელტვის,
შენა ხარ ჩემი ლექსის ნუგეში.

სულში მინთიხარ ჩაუქრობ ალად,
მაგრამ შორი-შორს ყოფნა ძნელია;
შენი თვალები ოდნავ შემკრთალან,
ჩემთვის კი მაინც ისევ მწველია.

და იმგვარ სევდას თუ შემომისევ,
სიკაბუკეში რამც შემაწუხა,
გაივლის დრო და იმღერებ ისევ
ჩემ ლექსს დაკარგულ ტრფობის პასუხად.

მაგრამ ეს გვიან იქნება მაშინ
და ჩემი გული, ლალი და წრფელი,
ჩაიძირება ცხოვრების ზღვაში
და მისი პოვნა გახდება ძნელი.

და სანამ დროა გულის დუდილის,
სანამ სიბერე კიდევ შორს არი,
გადმომაშუქე ცისკრის ღიმილი,
კვლავ ამამღერე შენი მგოსანი!

1956 წ.

კვლავ ჩემი მზე ხარ

კვლავ ჩემი მზე ხარ, ციციანთელა,
ჩემს სათნო გულზე ძარღვად მიკრულო,
ცხოვრებამ ჯერედ არ გამათენა,
მაინც არ მინდა ღამედ მიგულვო.

ყველას თავისი გზა აქვს ამქვეყნად,
მე ჩემს ბილიკებს წყნარად მივყვები;
მათ დიდებაზე იწყებენ კვენას
თვის სიცოცხლეში მხოლოდ ბრიყვები.

ბევრის გზა ზიზლით დასაგმოვია,
ბევრს შეუგინეს კიდეც საფლავი;
მზით განათებულ მთვარეს სჯობია
საკუთარ სხივის მქონე ვარსკვლავი;

ისევ აღვსდექი, ისევ მხნედა ვარ,
გადმომადარეს მუზებმა კალთა,
და ღრუბელთ ქროლვის მიუხედავად
თვალწინ ნათელი მზე აღიმართა.

ისევ მივაგენ გულწრფელ სიმღერას,
თავზე მეხვევა მერცხლების გუნდი;
მაშ, გაუმარჯოს მშობლიურ კერას,
რომელსაც ახლა მე დავუბრუნდი!

1956 წ.

მშობლიურ სოფელში

დღეს ვნახე ჩემი სოფელი,
გულში ბავშვობა განახლდა;
მოგონებებით ამავესო
მშობლიურ მთების დანახვამ.

ისევ ის წყარო ჩუხჩუხა
და მუხა ტოტებდახრილი,
ისევ ის მწვანე მინდორი,
ჩვენი სირბილით დაღლილი.

აქ ძმებად მყავდნენ ტოლები —
გოგი, გიო და აკაკი...
სადა ხართ, ნორჩო ბიჭებო,
ჩემი სასკოლო ასაკის?

ის ჩვენი სკოლა ისევ დგას
იმავე ბუხრით და სხვენითა,
სად აველურტულდით პირველად
გოგებაშვილის ენითა.

ისევ ის ზარი, ის დაფა,
თქვენ კი არც ერთი არა ხართ,
სულ სხვა თაობა მოსულა,
აღგაფრენთ მათი დანახვა.

ის კარგი გოგო სად არის,
ყველას რომ ჩუმად გვიყვარდა,
ქვეყნად რომ უფრო ძვირფასი
არვინ გვეგონა მის გარდა.

რამდენ ფიქრსა და ოცნებას
გულში სათუთად ვმაღავდით,
როგორი თრთოლვით დავწერეთ
მისი პირველი ბარათი.

მას შემდეგ ჩვენმა ცხოვრებამ
ბევრი კლდე გადაიარა,
ხან სიხარული გვარგუნა,
ხან ცრემლებს დაგვაზიარა.

ბევრი რამ ვნახე მეც ქვეყნად
მთაც ბევრი გადამილახავს,
მაგრამ ბავშვობის სადარი
მე არაფერი მინახავს!..

1956 წ.

ე პ ი ტ ა ზ ი ა

აი, ახლა, ჩემს საფლავთან
რომ დამდგარხარ, ახალგაზრდა,
სიცოცხლეში მეც შენსავით
მწარე ფიქრი გულს მიკლავდა.

მეც შენსავით სიყვარული
მაწვალებდა, მაეჭვებდა,
ხან მაისად გამფურჩქნიდა,
ხან ცრემლებით ამავსებდა.

ზოგჯერ მტრის გუნდს შევებმოდი,
ემორჩილებდი ზოგჯერ სულელს,
მაგრამ ქვეყნად ჩემი ვალი
მაინც წმინდად შევასრულე.

არც არავის ვუღალატე,
არც არავის დავემონე,
ვისაც ჩემი სიტყვა სწამდა,
სიყვარული ჩაეაგონე.

მე იმიტომ ვიქეც მიწად,
ცრემლი მიტომ დამეყარა,
რომ ქვეყნად შენ მოსულიყავ,
შენს სიცოცხლეს გაეხარა.

და თუ გინდა მიზანს მიწვდე,
ცხოვრების გზა გაგიმარჯვდეს,
სიძულვილის დასამხობად
სიყვარული მოიმარჯვე.

შენი ქვეყნის სიყვარვე
გაფიქრებდეს შინ და გარეთ,
თუნდ პატარა კენჭი გქონდეს,
ისიც მამულს მოახმარე!

1956 წ.

დგას პარტია მტერთა მძლევი

გაზაფხულის შუქ-ნათელი ეფინება ქვეყნის კარებს,
კომუნიზმის დიადი მზე ბნელს მუსრაეს და ასამარებს.

ჩვენი ქვეყნის დიდი ღროშა სულ მალლა და სულ წინ არი,
მისი ბრწყინვა არის ჩვენი გამარჯვების საწინდარი.

ქართველ ხალხის აღმაფრენაც აიკინძა უკვდავ ხმებად,
შიგ მომავლის უფრო დიდი გამარჯვება ისახება.

სხვა ფერები ამკობს მინდვრებს, სხვა სიმწვანე მოსავს ვაზებს,
სხვა იქნება ჩვენი ქვეყნის სიმდიდრე და სილამაზე.

კვლავ მალლდება ჩვენი წინსვლა, გამარჯვების ხმა გუგუნებს,
კვლავ გმირულად იქედება ჩვენი ოქროს საუკუნე.

დგას პარტია მტერთა მძლევი, გულში რწმენის ჩამკირველი,
მას ეკუთვნის ჩვენი ვაშა, ჩვენი ხალხის ხმა პირველი.

მისი ზრუნვა გვაფოლადებს, გვაღადებს და გვალომგულებს,
დიდ-პატარა მას მივუძღვნით სიყვარულით საცხე გულებს.

მისთვის გვინდა ხმაც და სიტყვაც, მასზე ფიქრი კვლავ წინ დგება
და როდესაც არჩევნების დიადი დღე გაბრწყინდება,

სიხარულით მივალთ ყუთთან, სად სიმართლე გვეგულება,
დიდ პარტიას ერთხელ კიდევ დავუმტკიცებთ ერთგულებას!

1954 წ.

სიმღერა სამტრედიაზე

(სამტრედიის რაიონული გუნდისათვის)

სამტრედია, სამტრედია...
შიგ ხომ მართლა მტრედებია?
კოლექტიურ შრომის შეილნი
ირგვლივ მთა-ბარს ედებიან.
მთელი მისი არემარე —
ველები თუ ქედებია,
ძველად იყო გადამხმარი,
ახლა მართლა ედემია.

რიონის ველს ტრაქტორები
გუგუნით რომ გადაყლავს,
ზედ ყანების უსაზღვრო ტყე,
ვით შავი ზღვა, ისე ღელავს;
სიმღერაა შრომის გმირთა
სიხარულად ცად ასული,
მინდვრად ჩაის პლანტაციებს
აღარ უჩანს დასასრული.

ოქროსფერად იფურჩქნება
ციტრუსოვან ხეთა ტევრი;
აბრეშუმის პარკიც მოდის
ზღვის ქვიშაზე უფრო ბევრი;
არხები თუ წყაროები
ეფინება ბალჩა-ბაღებს
და ილიჩის ნათურები
ყოველ კერას აჩირადლნებს.

ქარხნებიდან გუგუნის ხმა
იფანტება მინდორ-ველად,

ჩვენი ქვეყნის გასახარად,
მტრების კვალის წასაშლელად.
რკინიგზებმა ყოველი მხრით
გადასერეს ყამირები
და დაჰკრიან ელმავლები,
როგორც მთებში ხარ-ირმები.

მტევნებსავსე ვაზებიდან
ქარვის შუქი იფანტება,
კაცს ჰამა-სმა აღარ გახსოვს,
გული მარტო ცქერით ტკბება;
შემოდგომის ღვინით ვხვდებით
ქვევრში ღვინის დამაჰრებას
და ზეიმობს ჩვენი ხალხი
კომუნიზმის გამარჯვებას!

1954 წ.

სიძლევა მაიის დრო გეგმან



გაზაფხული იწყება ლენინით

აპრილის განთიადს ამოჰყვა ლენინი,
სიცოცხლე აპრილსაც ლენინმა მისცა;
აყვავდა ფიქრები გულში ჩაფენილი
და მინდორ-ველები ბაღებად იქცა.

აყვავდა ატმები და დროშად გაუძღვა
მზისა და ყვავილთა მღელვარე ლაშქრობას,
მთიდან გაზაფხულმა სამყაროს აუწყა,
რომ მამულს ზამთარი უკვე გადაშორდა.

აშორდა ზამთარი, ღრუბლებში ჩამჯდარი,
სამშობლოს მთა-ბარი მწვეანედ შეიმოსა,
მოვიდა ლენინი ბრძოლის ალამდარი
და ხალხებს ახარა გაზაფხულის მოსვლა.

გათენდა მაისი — აპრილის მკვიდრი და,
მშვიდობის ნათელი ხალხებს მოჰფენია,
სამშობლო მშვენდება ცხოვრებით მშვიდითა,
რომელსაც წინ უძღვის ლენინის გენია.

და როცა რაკეტა ზეცის კარს შეაღებს,
და როცა მოსკოვი აანთებს შუქურებს,
ეს ნიშნავს: იზრდება სიცოცხლის სიახლე,
რომელსაც უკვდავი ლენინი უყურებს.

იზრდება, ფრთებს ისხამს ყველა განზრახული,
და ქრება ზამთარი მზისგან განდევნილი;
აპრილით იწყება მოსვლა გაზაფხულის,
ხალხის გაზაფხული იწყება ლენინით!

1961 წ.

ადამიანმა დაიპყრო ზეცა

სამშობლოს ესმის, სამშობლომ იცის
გზების გაგნება სივრცეში იმ ცის,
ზე გადმომდგარი რომ იყო გუშინ
ვარსკვლავებიან გუმბათად მიწის.

ახლა ოცნება სიმღერად იწვის,
ლექსიც მზისაქენ ოქროს ფრთას იწვდის,
კოსმოსში მიჰქრის პირველი მგზავრი,
შემსრულებელი სამშობლოს ფიცის.
ვაშა!..

გმირული კაცთა გონება
გულთ აღიტაცეს მილიონებმა,
სამყაროს გზებზე მშვიდობის ქროლვა
არარა ძალას არ ემონება!..

წინ სწრაფვა, დროთა არ დაყოვნება!
ვარსკვლავთა ხმების გეწადს გაგონება!
დედამიწაზე სხვა რამ ქონება
ამ სიღიადეს არ ეწონება!..

უკვდავო ლენინ, შენს დიდ გენიას
რაც გამარჯვება დაუდგენია,
ყველა აღსრულდა და ამ დიადი
დღის განთიადი მხოლოდ ჩვენია.

შენმა აზრებმა შეისხა ფრთები,
ადამიანმა ზეცა დაიპყრო,
რომ ვარსკვლავებთან, არა ოცნებით,
არამედ, მართლა, ვიმუშაიდეთ.

რომ კვლავ ამაღლდეს შენი მიზნები,
ეფინოს შუქი ცას შენი ღროშის,
რომ მიდიოდეს ხალხი იმ გზებით,
შენ რომ გასჭერი ბნელ სამყაროში.

დაე, ყოველი აღსრულდეს ასე,
ჩემს დიდ სამშობლოს რაც დაუსაზავს,
რომ ხალხთა გული, სიკეთით სავსე,
სწვდებოდეს, ქმნიდეს გმირობას ახალს!

1961 წ.

განახლდა გული

განახლდა გული და შენკენ ვილტვი,
გახსენი ბალის ყველა კარები,
სევდის მომგვრელი გაფანტე ეპვი,
სულს მიეც შეება გამოდარების.

რაც დაკარგულა, ის აღარ მოვა,
რაც დარჩა, ისიც არის საკმარი;
და ყვავილების ჩავთვალოთ თოვად,
თუ თმებში აღრე გაჩნდა ზამთარი.

როს შენი ბაგის თრთოლვა ვიხილე,
მან ჩემი ლექსი გაამზიანა,
დღემდე ფიქრები ვერ გაგიმხილე,
რომ მსურხარ სულის თანაზიარად.

და მინდა გულში შუქად შთაეარდე,
სიცოცხლეს ახალს ვფენდეთ იმედებს,
მე ვგავდე ისევ მთების შავარდენს,
შენ კი ვარსკვლავად მიციმციმებდე!

!

1961 წ.

უპარელო

კუდიგორიდან დაეცქერი კახეთს,
ალაზნის ველის დიდებულებას,
და საქართველოს ღვთაებრივ სახედ
წინ მეხატება მისი ბუნება.

‘ოაეაყურადებ დუღუნს ალაზნის,
მწამს, წინაპარი არ გამიწყრება;
მე ახლა მიეხვდი, რომ სილამაზეს
სცოდნია კაცის თაეღაეიწყება.

გომბორის მთები, როგორც მერნები
დადევნებია ღრუბლის ქარავნებს;
აქ რომ ვესახლო, არ დავბერდები,
მწუხრის ლანდები ვერ დამფარავენ.

მთის კალთებიდან ბაღად ველები
გადმოღვარულა, როგორც ლანქერი;
ასეთ სამშობლოს შემოვევლები
და როგორც კვამლი, ისე გავქრები.

აღტაცებულმა გავშალე მხარი, ~
გადვიხსენ მკერდი, აღმართე ხელი,
სამშობლოვ ჩემო, ხომ მოვესწარი,
შორს გაიტყორცნა შენი სახელი.

და როგორც გიჟმაჟ დურუჯის ტალღა
ვერ შეაკავებს კლდეთა ლოდები,
ილიას შუბლის ნათელი გახლავს
და არასოდეს დაბოლოვდები.

თვალს შევაყენებ გრემის ციხესთან
და ძველ ქონგურებს მოვეჭიდები,
რომ უფრო ნათლად ვიგრძნო იქედახ
შარავანდელი წარსულ ღიღების.

შემდეგ გავყვები ალაზნის ზვირთებს,
ვაზების ფესვებს ჩავეღვარები,
და თუ მზე გულში ხანძარს დამინთებს,
გადამათარებს კალთას ყვარელი.

თუმცა ყვარელშიც სხვა ელვარებით
მომამუქდება სხივნი მხურვალე —
ხმები ილიას ჩანგის ღარების,
გზნება, რაც ახლავს კოტეს მწველ თვალებს.

ო, წინაპარნო, და სულთა მნათნო,
თქვენს აჩრდილებთან არა ბნელდება,
თქვენი გულთა ხმა ისევე გვათბობს,
სიცოცხლე თქვენი ისევ გრძელდება.

და ლაშაჲ კახეთს დავყურებ ოდეს,
მე თქვენი ცეცხლის ნაპერწკლებს ვნატრობ;
სიცოცხლე როგორ არ მიხაროდეს
ასე წარმტაცი სამშობლოს პატრონს!

1963 წ.

შენი ღიმილი მე მართლა მომწონს,
მე მართლა მიყვარს შენი თვალები...
და გულში ჩუმად გაჩენილ კოცონს
არ ვერიდები, არ ვეკრძალები.

პირიქით, მისმა ლალმა სინათლემ
გაკვალოს გზები ჩემი მყოფადის...
და ამ იმედებს თუ გამიმართლებ,
გულში გაჩნდება ძალა ფოლადის.

მე შენით მინდა სიცოცხლის ჩემის
უკანასკნელი წლები ავანთო.
გავშალო გული, როგორც ედემი
და შენი ბაგის ბანგით დავათრო.

ჩემო ძვირფასო, ხომ კარგად იცი
სიცოცხლის ჩვენის არარაობა?
თუ სიყვარულის ცეცხლით არ იწვი,
გადაგექცევა სული ჭაობად.

და სანამ ქვეყნად ცოცხალ ვართ კიდევ
და სანამ გული ვნებით მღელვარებს,
ამ ქვეყანაზე სიამეს ვმკიდეთ,
ბედნიერების შევწვდეთ მწვერვალებს!

შენი თვალები მე მართლა მომწონს,
მე მართლა მიყვარს შენი ღიმილი...
და მიხარია, რომ შენმა ტრფობამ
კელავ გამიჩინა გულის ტკივილი!

1963 წ.

სიმღერა მაისის ღროშებთან

მაისი ლექსია,
 სითბო და სიმღერა,
მაისებს ღროშების
 აღმური ედება,
ზეცამ გამოაღო
 ცისკარი შვიდფერად,
მზე გადმოაგორეს
 გომბორის ქედებმა.

ინთება,
 ნათლდება,
 იზრდება,
 ბევრდება,
ძნელდება
 ამდენი გრძნობების ტარება; —
გული მაისივით არასდროს ბერდება.
მუდამ სიყვარულის
 ხანძარს ეტანება!

მაისმა დანისლა
 ბორკილი ღამისა
და გვამცნო სიახლე
 ყოველი წამისა,
რომელიც მომავლის წიაღებს
 შეაღებს
და გულებს გვიღაღებს
 იმედით ხვალისა .

არც შიში,
 არც ძრწოლა,

კვლავ სწრაფვა,
კვლავ ბრძოლა,
შუქურად გაძლოლა
სამყაროს დიდ გზებზე,
როელიც მსოფლიოს
ერთ ნებად აერთებს,
და როგორც კოსმოსში რაკეტის გასროლა,
ხმას ვაწვდენთ
და ვაღწევთ შორეულ პლანეტებს.

აივსო ქუჩები
სიმშვიდეს უჩვენვი
და ყველას ტუჩები
ღიმილმა დაჰფარა,
მოდიან დროშებით,
სიმღერით,
ოცნებით
და მოაქვთ ფიქრები შუქივით ანკარა.

სალამი, მაისო,
სხივებით ნაისრო,
სადღელამისო
შუქურად გუგუნებ,
ბრძოლების დიდ გზებზე
ვერავენ გაგისწროს,
მომავალს იმედის თვალებით უყურე!

მაისი გაზაფხულს
ვარდებით ამშვენებს,
მაისი ჩვენს გულშიც
გაზაფხულს აშენებს,
მაისებს დროშების
ალმური ჰშვენია,
მაისის ლექსი და სიმღერა ჩვენია!

1964 წ.

საგაზაფხულო ლექსი

გამარჯობა, გაზაფხულო,
ლექსის,
აზრის,
ნიჭის ჰიმნო,
უნდა გაჰქრა სიტყვის სიმებს,
სიმღერა ვერ მოვითმინო.

შორს გადაწვდეს
მთიდან მთაზე
შენი შუქის ცისარტყელა,
მზით აივსოს წიგნის ღველფი,
იხუტებდეს გულში ყველა.

გაზაფხულო, მთად ნახულო,
განზრახულო ფიქრო ჩემო,
ცა ღრუბლებით არ დახურო,
შორს ოცნება გავაჰყენო.

მწვანე ფოთლის შარიშური
გულს ესმოდეს შორეულსაც.
გადაეელოს თაფლად სურვილს,
თითქოს მთების წყარო უსვამს.

დაეპყუროს ნამად,
როგორც
მინდორს შვენის ცის მანანა,
აუფრინდეს ფრთები კოკორს,
მოეფრქვიოს სულში ნანად.

რა გამოლევეს გულში იმედს,
გაზაფხულის დიდო ძალო,

მოდო, გაჰყარ სიტყვის სიმებს,
რომ სიმღერად გაიშალო.

არ დანებდეს ქარს და ზამთარს
მგოსნის სიტყვა თუ გალობა
და ფრინავდეს მუდამ მთა-მთა
ჩვენთა დღეთა გრიგალობა.

1964 წ.

ყაყაჩოებს რა უქნიათ

ყაყაჩოებს რა უქნიათ, ყველგან ცეცხლი დაუწოთათ,
ვერც წვიმას და ვერც მთოხნელებს
ვერასგზით ვერ ჩაუქრიათ.

ღათი ალი მოსდებია, მინდვრები თუ კორდებია,
ნაპერწკლებად შეფრქვეულნი თვალებს აღარ შორდებიან.

ციცნატლები შესეგია, თუ ვარსკვლავთა ფესვებია?
მინდორ-ველი დაუწვავს თუ გაუუკეთესებია?

ყაყაჩოებს რა უქნიათ, ჭეჭილები დაუბყრიათ,
გადავლილა მზის ბორბალი, ნაკვერჩხლები დაუყრია.

და როგორ არ დაეიჯერო, გადავხედავ მთას თუ ველობს,
ყაყაჩოთა ცეცხლის ალში გახვეულა საქართველო!

ყრმობის ბულბული

თანაკლასელ მეგობარს, რესპუბლიკის
სახალხო არტისტს ბათუ კრავეიშვილს
50 წლის შესრულების გამო.

რა შორს გაფრინდა ჩვენი ბავშვობა,
თითქოს არა ჩანს კვალი არსაით,
ყრმობის დღეებიც უხმოდ გაგვშორდა,
შორით ციმციმებს, როგორც ვარსკვლავი.

და ის, რაც თითქოს ქცეულა სიზმრად,
დღეს გეგებება კალთა გაშლილი,
შენი ქალაქი გხვდება მასპინძლად,
სტუმრად მოუხველ ძვირფასი შვილი.

აქ დარჩა ჩვენი ახალგაზრდობა
და ჰაბუკუური ოცნების მთები;
კვავდა ტოტებზე კვირტის გასკდომას
შენი სიმღერის პირველი ხმები.

შენ იყავ ჩემი ყრმობის ბულბული,
შენი ხმით გავხდი მეც ნასეტყვარი;
დღესაც იმ ჰანგით ვარ მოხიბლული,
მა'ა შემდეგ გული შენი ტყვე არი.

შენ აქ ბუნებამ სხვა გზა გაჩვენა,
გულს შთაგაგონა მუსიკის ენა,
მერე ანკარა წყაროს ჩანჩქერად
გადაედვარე ოპერის სცენას.

და შენშიც გაჩნდა უკვდავი რწმენა,
როცა ქუხილად ავარდა ტაში,

რომ ხელოვნებამ იცის გაფრენა
ბედნიერების უღრუბლო ცაში.

შენს მსმენელს გრძნობა მძლედა ბოლო დროს,
ზოგჯერ მინდოდა მართლა მეტირა,
შენი ნამღერი „სულო ბოროტო“
მესახებოდა სულში კეთილად.

სიმღერა შენი ვით არ მიყვარდეს,
როცა ის გულში თაფლად მეღვრება;
განუწყვეტელად ტაშს რომ გიკრავდე,
შენთვის ხელები არ დამეღლება.

ზოგჯერ სურვილით სული მევსება,
ბევრჯერაც ნდომით გული შეირხა,
რომ მომავალში ჩემმა ლექსებმა
შენი სიმღერის ფრთებიც შეისხას.

კვლავ მსურს მოგიძღვნა ხოტბა და ტაში,
შენს სიმხნეს წლები ვერ მოერიოს,
ჩვენი სამშობლოს დიდების ხმაში
შენი ჰანგები მეტი ერიოს.

რადგან სიყვარულს ასე აქვს წესად,
მინდა დღეს ძმურად მეც მოგეფერო;
იცოცხლე დიდხანს, გასცდი ას წელსაც
და მუდამ ასე ტკბილად გემღეროს!

1964 წ.

თვრამეტი ნოემბრის საღამო

მართული ზეხუროთის გმირებს

დიდება ხალხის რჩეულ ვაჟკაცებს,
შებმის, შეტევის ნათელმიზნობას,
რომ ასახელეს, ძირს რომ არ დასცეს
ქართული სულის მარადისობა.

როს ტაშის ღელვა ფლობდა სტადიონს
და იფრქვეოდა ხმა ერთგულების,
ოქრო სცვიოდა ყველგან რადიოს
და ნათლებოდა ხალხის გულები.

ქუჩებში ფრენენ თეთრი ალმები,
ფანჯრებს ესვრიან ვარდებს ფერადებს,
ნაპერწყლებივით ჰქრიან წამები
და ალტაცება ფარავს ყველაფერს.

ერთუროს კოცნიან, სასმისს აწვდიან
და გასძახიან ირგვლივ მიდამოს:
— წელს ბედნიერი წელიწადია,
გამარჯვებული ვივლით მუდამო!

სიხარულის ხმა ალად გვედება
და ვერ ეტევა გულის ჯებირში,
დიდება ბრძოლას, შებმას, შეტევას,
მაგრამ მშვიდობის გამარჯვებისთვის.

დიდება ბურთის დევგმირ ვაჟკაცებს,
ამ შერკინების ნათელმიზნობას,
რომ ასახელეს, რომ ძირს არ დასცეს
ქართული მკლავის მარადისობა!

თუ გულის ცეცხლი არ ახლავს

ვით ცაზე ცისკრის დანახვა, ან ბანზე დილის საარი, —
თუ გულის ცეცხლი არ ახლავს, ისე ლექსის თქმა რა არი?!

რად გინდა ჩლუნგი შაირი, თუ ვერ აგანთებს ბრძოლის დროს,
და ღელვით ვერ გადაივლის შენი სამშობლოს ჰორიზონტს.

თუ ლხინში ვერ იჩქრიალებს გულში ჩასაღვრელ ჰანგებად,
ან ჟამთა ფერფლის მორევში ნემსივით ჩაიფანგება.

თუ გულის სატრფოს ვერ ამცნობს ფიქრების ზღვათა ღელვასა,
თუ ვერ დაასწრებს ცის ქუხილს, თუ ვერ გაასწრებს ელვასა.

თუ გამარჯვებას ვერ გარგებს, ვერც დაგიყუჩებს იარას,
თუ მგოსნის ფიქრებს ვერ გახდის ხალხთ გულის თანაზიარად,

მაშინ რაღაა ლექსის თქმა, რად ებმი სიტყვის უღელში, —
მინდვრის პატარა ლერწამი როგორ ჩადგები მუხებში.

ხომ იცი, ქართულ ლექსის ქარს როგორი მკერდი სჭირდება,
რომ სიმღერაში დამკვიდრდეს საშვილთაშვილო დიდება.

ვით ცაზე ცისკრის დანახვა, ან ბანზე დილის საარი, —
თუ გულის ცეცხლი არ ახლავს, ისეთი ლექსი რა არი?!

1965 წ.

ღალადისი რუსთაველისა

„შვიდასი წელი შინმოუსვლელი
გვესაუბრება შოთა რუსთველი:

„შენ, საქართველოს ტკბილო მიწაო,
შენს გარდა ქვეყნად სხვა რა ვიწამო!

მე ვით დავთმობდი თმოგეს და ვარძიას,
მაგრამ ჩემს ძმათა შურმა დამძლია!

და გარდამხვეწა პალესტინაში;
ვიცხოვრე ქარში, თოვლში, წვიმაში.

იმედით ვძლიე ურვა ყოველი
და სამშობლოში წმინდად მოველი.

დღეს კვლავად აქ ვარ, ჩემს მთათა შორის,
მათი სიმაღლის და ქამის სწორი.

წავედი შვილი, მოვედი მამა,
ქამმა საწუთრო ვერ დამიღამა.

სული წარვსტაცე ვეფხვებს და ლომებს,
შიში და ცრემლი არ შევივრდომე.

ამბოხი გული ვუძღვენ ტარიელს,
ბილწსა და ბოროტს ხელი დავრიე.

გონება ჩემი ვანდე ავთანდილს
და სიმღერაში ისე გავთავდი,

სამშობლო იყო ჩემი ტაძარი,
წიგ დიდი ხატი — სახე თამარის.

მე ნაპერწკალი ავსხლიტე მღვიმეს,
ბაღისთვის უქრობ მზედ გავალვით

და სხივნი მისი ავაბი ცამდე,
აწ და მარადის უკუნისამდე!..“

1965 წ.

ს ა ი ა თ ნ ო ვ ა

საიათნოვას ფულისათვის არასოდეს არ
უმღერია, ის მღეროდა — გულისათვის!
სულისათვის! სიყვარულისათვის!

გ რ ი შ ა შ ვ ი ლ ი.

საიათნოვა!

იყო გლოვა
ლექსის, ჰანგის იმ შავ დროში,
მაგრამ შენი სიმთა შუქი
აფრენილი, ვით ქარბუქი,
ველად ქროდა ძმობის დროშით.

საიათნოვა!

როგორც თოვა
მოჩქეფს შენი სიტყვის შხეფი,
ელვენთება სულს ცრემლებად
და სამშობლოს თავს ევლებად,
ვით ბულბული, ვარდზე მყეფი.

საიათნოვა!

დამექსოვა
გულზე შენი დარდის ჩრდილი,
ფოთლებივით აშრიალდი,
მითხარ გულის ხეაშიადი,
მე ვარ შენი ავთანდილი.

საიათნოვამ

მიატოვა
მეჯლისებში პურის ჭამა,
თავადობა არ ინდომა,
არ დააგდო ხალხის ნდობა,
ავკაცობა არ იწამა.

საიათნოვამ

შორს დატოვა

ყველა დროის აშულები,

იგი გვასმევს სხვა წყაროს წყალს,

სხვა კაცია, სხვა ღველფი სწევას,

სხვა მზითაა ნაშუქები.

საიათნოვამ

გულის თრთოლვა

შეაღია ტრფობის მიზანს...

მაგრამ დაღრღნა მშურთა ცქერამ;

მანც დააგდო ყრმობის კერა,

მონასტერში გაიხიზნა.

საიათნოვამ

იქ იპოვა

მედგარ სულის საყუდარი,

შორს განუდგა თვალს-ბოროტთა,

ამა სოფლად რომ ჰქონოდა

მას სიცოცხლე საკუთარი.

მაგრამ როცა ლექსის ცეცხლი

გულს გაჰკრავდა ჟინის კვესსა,

როცა ყურნი შეისმენდა

უბეშიაც სიმთა კენესას,

მაშინ ნამდვილ ღმერთს კი არა,

მაშინ ნამდვილ მღვდელს კი არა,

გასწირავდა სიცოცხლესაც.

საიათნოვა!

იყო გლოვა

ლექსის, ჰანგის იმ შავ დროში,

მაგრამ შენი სიმთა შუქი

აფრენილი, ვით ქარბუქი,

ცელად დაჰქრის ძმობის დროშით!

1965 წ.

ი. გრიშაშვილს

(75-ე გაზაფხულზე)

სოსო, მე მინდა დიდხანს იცოცხო,
 დიდხანს ვისმენდე შენს ტკბილ საუბარს,
 იმ სიყვარულის სიმეზი ვკოცნო,
 შენს ლექსს რომ ხალხის გულზე გაუბამს.

დაგიმეგობრდა მკაცრი სიბერე
 და სურს ღრუბლების კალთა დაგხუროს,
 მაგრამ შენს ნაზ და ფრთიან სიმღერებს
 გააქვს შრიალი საგაზაფხულო.

მშობლიურ ხალხის შუქით გამთბარი
 მოხატული გაქვს გულის დარბაზი,
 ახლა თავს გადგას თეთრი ზამთარი,
 თუმცა ზამთარიც არის ლამაზი.

შენ იყავ ლექსით მოიერიშე,
 სიტყვის ჭეჭილი ზომ დააბურე, —
 ვით დათოვლილი ქართლის მედროშე
 წარსულს საამო ღიმით გაპყურებ.

და გვინდა კიდევ დიდხანს იცოცხო,
 დიდხანს ვისმენდეთ შენს ტკბილ საუბარს,
 იმ სიყვარულის სიმეზი ვკოცნოთ,
 შენს ლექსს რომ ხალხის გულზე გაუბამს!

1965 წ.

ახალგაზრდული

ხალხურ მოტივზე

თოვლი თოვს, წვიმა ჩქრიალებს,
თუ სხივმფინარე დარია,
გულში გვაპყრებს სიამეს,
სიცოცხლით გაგვიხარია.

მთა არის, ზღვა თუ ხმელეთი,
ან ვარსკვლავების ჯარია,
გინდ მთვარე — მტერი ბნელეთის,
მთის მხარზე შემომჯდარია.

დიდი მზე ცაში მბრუნავი,
ვით ხნულში ლომა ხარია,
შორს ცისარტყელა ბრიალა,
ვით ამირანის ხმალია.

ტოტჩალასტული ბაღნარი,
გზებზე ირმების კვალია,
მდინარეების ღულუნნი
არაგვია თუ მტკვარია.

ტოტჩალასტური ბაღნარი,
პურის ყანა თუ ზეარია,
ბელელ-მარნებთან ქალ-ვაჟთა
ერთი ზათქი და ზარია.

მოიმღერიან, თითქოს და
ზღვით მოვარდნილი ქარია,
მკერდ მოღელღილი ბიჭები,
თმებ აჯონქილი ქალია.

მათი გაბმული ყიჟინი,
ხმა გამყივარი არია,
სულ სიყვარულის, სიცოცხლის
და სიჭაბუკის ბრალია!

1965 წ.

გზად გურიაში

რა მზიანი დილა იყო,
რა შუქლადი საღამოა
ღობეს ციცა მოადგება,
წყალს მოსთხოვ და ღვინო მოაქვს.

გადავცქერი. მწვანე ეზოს
და იზიდავს ჩემს გულს ასე:
ჩაზი მტევნებგავსებული
და ეს ციცაც მტევნებსავსე.

ისე მიდის, როგორც ბინდი
მთის ფერდობზე მოსრიალე,
შემომხედა, უცებ შევკრთი,
ნაპერწყლები ენთო თვალებს.

გულო, ხომ არ შეგეშინდა?
მშობლიური სოფელია!
ციცას თავი დაანებე,
შენ აქ სტუმრად მოგელიან;
განა ისე წახდი კაცი,
სიყვარული მოგერია?!

1965 წ.

შენ რომ წიგნი მოგეწერა

შენი თვალთა შუქის გარეთ რაა ჩემი გულის იგერა,
კაბუკურად გავიხარე, შენ რომ წიგნი მოგეწერა.

გადვიკითხე, ვკოცნე, ვკოცნე, მზე დასავლეთს დაიწვერა,
მკვდარი გული გამიცოცხლე, შენ რომ წიგნი მოგეწერა.

განმაშორა ბნელი დარდი, თითქოს მკვდრეთით აღმადგინა,
ასე ძლიერ თუ გიყვარდი, რატომ ღუმლი აქამდინა?

გული ჩემი შენზე ლოდინს ვამსხვერპლე და გადავქანცე,
თუკი შენად გეგულვოდი, რად მისევდი მწარე განცდებს?

ვინ გასწავლა, — არ აჩქარდე, თუკი გიყვარს, დასწვი ჯერა! —
არა სჯობდა, ცოტა ადრე შენ რომ წიგნი მოგეწერა?!

1965 წ.

დილა რუსთველის ანგლთან

რუსთაველის ქუჩით რუსთაველის ძეგლთან
მივალ, მოვისმენ რუსთაველის ამბებს,
სამგორის ზღვიდან ამოვა მზე და
თბილისის მხრებზე შეუქს გადააფენს.

ამღერდებიან შორით საყვირნი,
აფეთქდებიან ხმათა ეზონი,
მთების კალთები ცვარ-ნამდაყრილი
და ბილიკებიც საცალფეხონი.

ახმაურდება, გაცისკროვნდება,
აინთებიან მზით და ვარდებით;
თბილისის დილაჲ, მაისის დილაჲ,
განა მარტო მე გამეხარდები?

შენ ყოველ კაცის გულში იღვიძებ,
შენთვის ღიაა ყველა სარკმელი,
მკერდში ათასი სიმღერა გიძევს —
შენი მგოსნების ბაგით სათქმელი.

ღღესაც გათენდი სწორედ იმგვარად,
თითქოს სიზმარმა ფრთები მოისხა,
და მზის ემბაზი გადმოიღვარა,
ვით ჟრუანტელი სამყაროსა.

წამოიშართენ სახლები, თითქოს
გადმოიხედეს მთიდან ირმებმა;
ასეთი დილა ოდეს ეხილა,
თვით რუსთაველიც გაიკვირვებდა!

ახალა მიხვდი

მე საქართველოს მთელი მთა-ბარი
თითქმის ჩოქვით მაქვს შემოწერილი,
გულს გამჩენია ტრფობის ხანძარი,
ჩამოვღვარულვარ მთებს მეწყერივით.

ავმღერებულვარ, როგორც ბულბული,
ავმალლებულვარ, როგორც მყინვარი,
მახლდნენ ირმები რქადაბურდული,
არწივნი — კლდეებს გადამყვიპარი.

ალაზნის ველზე ხოხბად ვიფრინე,
არაგვის ჩქერში გავხდი კალმახი;
და რაჭის მთებით დავაგვირგვინე
მშვენიერება თვალდასანახი.

მაგრამ ჯერ არსად არ შემხვედრია
შავი ზღვისპირის მსგავსი მშვენება,
და რომ გურია სხვა ზღაპარია,
ეს ყველა თქვენგანს მოეხსენება.

მესხეთს და სვანეთს, მტკვარსა და რიონს
წაუხვალ სადმე, ან გაექცევი?
რომ შთაგონებით არ გადაგრიონ,
არ ჩაგაფრქვიონ გულს ნაპერწკლები?

ახალა მიხვდი, ჩვენს გალაკტიონს,
აკაკის, ვაჟას და თვით რუსთაველს
რამ შთაუწერგათ სიმღერის ძალა,
რითაც სამშობლო გააუკვდავეს!..

1966 წ.

წვიმიანი გაზაფხული

რაც უნდა ნისლი ახლდეს გაზაფხულს,
მას მაინც მოაქვს სითბო, სილალე;
და რომ ეწიო სურვილს განზრახულს,
პოეტო, გწამდეს შენი სიმაღლე!

ნუ შეგაღონებს აპრილის წვიმა,
ნურც შეგაშფოთებს გრგვინვის დაწყება,
მაღალ ზეციდან დიდი მზის ბრწყინვა
სამშობლოს ქედებს უხვად გაწვდება.

არ დახეიბრდეს ლექსის ზოდები,
არ დაიდრიკოს ფიქრთა თაღები,
პატარა ქარში ნუ დაღონდები,
მაისი მოვა და გალალდები.

სულ უნდა თესდე სიტყვის მარგალიტს,
რომ გაიხაროს წიგნშიც ჯეჯილმა;
სოფლელი კაცის მიჰყევ მაგალითს,
კალამი გუთნის კვალს შეეჭიბრა.

ამოღდანდეს რითმის მარცვალი,
სუნთქვის ნიაზეც ფრთები გაშალოს,
გაბრწყინდეს, როგორც ცაში ვარსკვლავი,
ქაღალდი ხნულით გადააშაოს.

მგოსნის სიმღერა ხალხს გააგონოს,
გაახაროს და უთხრას მადლობა,
რომ პოეზიამ გულს შთააგონოს
სულის მარადი ახალგაზრდობა!

1966 წ.

სადღეგრძელო

მე ვადღეგრძელებ დედა სამშობლოს,
ეს გაუმარჯოს ჩვენს დიდ წინაპრებს,
მათ მკერდით დაღვრილ სისხლს დაუშრობელს,
მათი საფლავის უქრობ სინათლეს.

მე ვადღეგრძელებ აკვნების რწევას,
ლულუნს არტახში ჩაკრულ მტრედების,
შეუპოვრობით დასაპყრობ მწვერვალს,
ღლეებს ახალი შემოქმედების.

მე ვადღეგრძელებ აღგზნებას ყოველს,
სწრაფვის ძიების, შებმის, შეტევის,
ცხოვრების გზების იმ სივიწროვეს,
საკუთარ გულში რომ ვერ ეტევი.

მე ვადღეგრძელებ მშობლიურ მთა-ველს,
მყინვარს, კოლხიდას, არაგვს, ალაზანს,
ვინც ზრდიდა ვაჟას, ტატოს, რუსთაველს,
ვინც ჩვენი სული გაალამაზა.

მე ვადღეგრძელებ თავთავის დახრას,
ვაზის მტევანში დამწყვდევას მზისას,
ყრმა ტარიელის მოქნეულ მათრახს
და ავთანდილის გასროლილ ისარს.

მე ვადღეგრძელებ იმ დიდ სიყვარულს,
მე და შენ გულში მზედ რომ გვინთია,
ვინც აჰყვა მის შუქს, ქვეყნად მოარულს,
და უთქმელობა ვერ მოითმინა.

მიტომ კი არ ვსვამ, რომ მსურდეს ღვინო,
ან მარტო სიტყვა გითხრა ორიოდ,
არა, მე მინდა შენთან ვილხინო
და სიმღერაში აგიყოლიო.

რადგან სიმღერა გულის შვებაა,
წადილი დარდის არ დაბრუნების,
სიმღერა მუხთალ ბედთან შებმაა
და დამარცხება უბედურების!

1966 წ.

მამლერებს გურიბ

„ამიერიდან აქ დაესახლდები,
ჩემი სამშობლო არის გურია“.

ი რ. ა ბ ა შ ი ძ ე.

ეს ლექსი ახლა აქაურია,
სადაც ბალებში ჰყვავის გურია,
სად მწვანე ფუნჯით დახატულ სერებს
ვარსკლავიანი ცა ახურიათ.

სადაც სიცოცხლე მზით შენაფერი
თვით სიცოცხლეზე მეტი გგონია,
სად ყველაფერი, სულ ყველაფერი
ადამიანის მკლავის ღონეა.

მთაგრეხილები ღრუბლებთან ახლო
ცას ეკერის ლურჯად ნახვერდები;
ასე მგონია, აქ რომ ვესახლო,
აღბათ, არასდროს არ დავბერდები.

და წყაროსავით ჩამოიღვრება
სიტყვა ნარნარი, ჯავარიანი,
ხალხში გასული ხმატკბილ სიმღერად,
ვით გუგუნავს „თამარიანი“.

ყველა სოფელი კალთას გამიშლის,
რომ მის წიაღში გული ვახარო, —
უსპეტაკესი ტალღა შავი ზღვის,
უდიადესი მთები ბახმაროს.

ნასაკირალი, ბახვი, სურები,
ეს ნატერფალი მეგრძოლ წინაპრის;
აქ დამკვიდრებას მეც ვისურვებდი,
მაგრამ დამასწრო ჩვენმა ირაკლიმ.

და მეც რომ დავრჩე, გურიისათვის
აზრი არა აქვს არავითარსა;
ამდენ პოეტებს არ საჭიროებს
თავად პოეტურ სიტყვით მდიდარი!

1966 წ.

ქარის მეგობარი

წყალტუბოდან ქუთაისში მიდიოდა ის, :
გზაზე ქარი აედევნა არწივული ფრთის, :
ყურში ჩუმად ჩასჩურჩულებს ამბებს მაღალ მთის,
და მგოსანიც მის შრიალზე უცნაურად კრთის.

ჰკითხავს: „ქარო, ფრთამედგარო, მიიმღერბ-სად?
გულში რატომ ჩამცლვარე წინაპართა ხმად?
რად აღმტყორცნე, რად აღმანთე ვარსკვლავივით ცად?
მეგობრობას ეძებ ჩემში, თუ გიგულვო მტრად?“

ქარი ეტყვის: „ჩემს გულისთქმას ვერ მიხვდება სხვა,
გადმილახავს მწვერვალები, ხმელეთი და ზღვა,
მაგრამ ვერვის განუცდია ჩემი გულის წვა,
მხოლოდ ერთი, მხოლოდ ერთი შენ გამიგებ, მწამს!

ქვეყანაზე ყოველივეს საყუდარი აქვს,
მე კი ვერსად და ვერაფერს ვერ ვაფარებ თავს,
დაევგრიალეზ აღმა-დაღმა, ვრეკავ ბრძოლის ზარს,
მაგრამ ბინას არვინ მაძლევს უთვისტომო მგზავრს!“

რა ისმინა, ქარის წინა თავს მდუმარედ ხრის,
იმ ხმაურში იცნო ხმები მშობლიური მხრის,
მეგობარის პოვნა მის გულს აღტაცებას ჰგვრის,
და მას შემდეგ მისი სუნთქვაც ქარიშხალად ჰქრის!..

1966 წ

როცა მარტო ვარ

მე როცა ლექსებს ვწერ და როცა მარტო ვარ,
მაშინ შენც ჩემთან ხარ, ოცნებით გიგონებ,
შენ მივი პოეტურ სახეთა პატრონად,
და ჩუმად მკარნახობ სანუკვარ სტრიქონებს.

და თუ რამ აკლია, და თუ რამ სუსტია,
ეს შენი ბრალია, ალბათ, არ გიყვარვარ,
მაკლებ შთაგონებას, მაკლებ აღმაფრენას
და ლექსის მუზებთან ახლოს არ მიგყავარ.

მომხედე, ძვირფასო, ის შუქი მომმადლე,
მთა-გორებს ზეციურ ნამად რომ აწვიმებს,
რომელიც ზღვის გულზე ატარებს ხომალდებს
და ცაში ააფრენს ფოლადის არწივებს.

სადა ხარ? არ ჩანხარ! მიდიხარ? სადაც ხარ,
ჩემს შთაგონებაში ოცნებად იქროლებ,
მე როცა ლექსებს ვწერ, შენ თვალწინ მინთიხარ
და ჩუმად მკარნახობ სანუკვარ სტრიქონებს!

1966 წ.

იმ დღეთა მოგონება

მოგონება იმ დღეთა, სიჭაბუკის, ოცნების,
პოეზიის სასახლე, ახალგაზრდა მგოსნები.
ჭადრის გრილი ნიაფი, გადახსნილი საკინძე,
რუსთაველის გამზირი, გალაკტიონ ტაბიძე,
მიდიოდა ვეფხვივით, მიეყვებოდით ნუკრებად:
და მგოსანი ღიმილით შორით გვასაჩუქრებდა.
ოპერასთან აკაკი სუროს ტბაში მცურავი;
აღტაცებას უფრო დიდს ნუ ინატრებს, ნურავინ.
ჩვენი გუნდი ბალის წინ ლადოს მოსვლას ელოდა;
„აონს“ ვათქმევინებდით გზაში მირზა გელოვანს.
ქუჩა კალთას გვიშლიდა ბიჭებს გულმდუღარეებს.
რუსთაველის კვარცხლბეკთან ვათენებდით ღამეებს.
და ვერ წარმოგვედგინა ჩვენი გულის სამეფო
ლექსის წერის გარეშე, ანდა უერთმანეთოდ.
მაგრამ ომის ქარბუქმა შორით მიგვეყარ-მოგვეყარა;
მაინც დარჩა უდრეკად პოეზიის ქვეყანა.
იმ დროს ნათქვამ სიმღერებს დარდი ჰქონდა რაიმე?! —
შორეული სიბერე ახლოვდება... ვაიმე!..

1966 წ.

როცა ვნახე

როცა ვნახე შენი სახე,
წამს შევახე ხელი კალამს,
და ვით ციხე „მოდი ნახე“,
სულს დააჩნდი ღრუბლის კვამლად.
როგორც მახე, გულში ჩახველ,
სევდა-ნალველს გავეზრახე
და სიმღერით შემოგძახე:
ჩემო კარგო საით წახველ?
რად მიმაღავ შენს მზე სახეს?
რად არ მეტყვი შენს ტკბილ სახელს?
და ეს ჩემი მღელვარება,
დავჯე, ლექსად გარდავსახე!

1966 წ.

დაუწყია მერცხალს ბუდე

ჩემს ერდოზე მერცხალს ბუდე
დაუწყია... რა მელირსა! —
წელს მექნება მეტი ხვათი
ლექსის, სიტყვის, სიმღერისა!..

პაწაწინა ჩიორებმა
ამიმღერეს სახლის ბანი
და ჭიკჭიკით გადმომძახეს
დედაჩემის დანაბარი.

ჩიორებო, მალხაზებო,
ძია შიოს ნაფერებო,
ღია არის სახლის კარი,
მობრძანდით და რაც გენებოთ

მიირთვით და მიითვალეთ,
პური, ფეტვი, რძე თუ თაფლი,
ყველაფერი მხოლოდ თქვენდა
შესახვედრად მოისწრაფვის.

არა მარტო სახლის ბანი,
ან ერდოზე ვიწრო კუთხე,
აქ — ჩემს საწერ მაგიდაზეც
მსურს ხანდახან შემოსკუბდეთ.

რომ შევიგრძნო თქვენს ჭიკჭიკში
ჩვენი სულის დამოყვრება,
რადგან ვიცი, თქვენს მოფრენას
გაზაფხული თან მოყვება!..

1966 წ.



ვსვამ პოეზიის უტკბილეს ბადაგს,
ლექსია ჩემი სულის სტიქია,
მე საქართველო ლექსებით დამაქვს
და მისი მთები ლექსით მიქია.

არ მიძებნია სხვა სანუკვარი,
განძით, დიდებით სავსე საწუთრო,
მხოლოდ სიმღერა ვთქვა სანუკვარი,
რომ ყველას გულმა დაისაკუთროს.

ლექსია ჩემი სიცოცხლის ფესვი,
გამარჯვების თუ ტანჯვის სათავე,
მისი ჩანჩქერის შხეფები შეესვი,
ავიტოტე და ნაპირს გადაველ.

რომ ბნელი ღამის შეეძლო შერისხვა,
სათნოებისთვის გავხდე ნუგეში,
რომ გუგუნებდეს ჩემი გულის ხმა
სამშობლოსა და ხალხის გულებში!

1966 წ.

გამოთხოვნა ი. გრიშაშვილთან

ლექსისთვის სიტყვა ვერ მოვაბრუნე,
შენი სიკვდილი ისე მემძიმა,
და გულის სითბო, რაც მე მარგუნე,
თვალებს ცრემლებად ჩამოეწვიმა.

ლექსი ხომ გულის ამღერებაა,
შენს არ ყოფნაზე როგორ ვიმღერო?
სიტყვა ჰანგებად ვით დაიღვრება
ამ დიდი გლოვის სამაგიეროდ!

შენ იყავ კაცი, მაგრამ, ო, არა,
კაცი კი არა — კაცი ჩვენცა ვართ,
შენ დაპყვებოდი ნიავს ონავარს
ხმამოლულუნე მინდვრის ლერწამად.

შენ სუნთქვა იყავ ქართული ლექსის,
ხელთ გეპყრა მისი ნაზი სიმები,
მის ბელზე მუდამ ხმამაღლა კენესდი,
თავს ცისკარივით დასციმციმებდი.

შენს სულში ენთო თბილისის დილა,
თითქოს მისი მზე შენ ერთს გებარა,
მან საიდუმლო შენ გაგიმხილა,
რომ ტკბილ ლექსებად გადმოგელვარა.

რომ გვეგრძნო სიტყვის უშრეტი მადლი,
იღვენთებოდი, როგორც სანთელი,
თავს გადგა დიდი თამარის ლანდი
და რუსთაველის ჩანგის ნათელი.

მაგრამ გათავდა... შენც იმ გზით წახველ,
სულმნათ წინაპრებს რითაც უვლია,
ვინც ამალლებდა სამშობლოს სახელს
და მისთვის შრომას არ დაუღლია.

და გული წყდებათ მტკვრის კლდეთა ბურჯებს,
ძველ ნანგრევებს თუ ახლად ნაშენებს,
რომ მზით ანთებულ თბილისის ქუჩებს
შენი ღიმილი არ დაამშვენებს.

მაგრამ დარჩები მუდამ სულმნათი,
სიტყვის ბეგთარით გაუცვეთელი,
როგორც მეტეხის თეთრი გუმბათი
და ნარიყალას ძველი კედელი!..

1966 წ.

გიორგი ლეონიძის ხსოვნას

შენს ტირილში მე არ მოვალ,
არ დაგხედავ კუბოს მძინარს,
ჩამქრალ თვალებს არ ვიხილავ,
არც ბაგეებს გაუღიმარს.

მინდა გულში ისე დარჩე,
როგორც იყავ, ლომის დარი,
თვალციკარი, გულლადარი,
ქართულ სიტყვის მოისარი.

სანამ პირში სული მიდგას
და შენს სურათს ვუცქერ ვიდრე,
არ მოგავლებ შავ არშიას,
მკედრად არასდროს წარმოგიდგენ.

პოეზიის დიდო მუხავ,
საქართველოს თავში მდგარო,
როგორ ჩაგდვით სამარეში,
მიწა როგორ მოგაყაროთ!

არა, არ მსურს გნახო მკვდარი,
ვერ შევხედავ შენს დიდ კუბოს,
როგორ გნახავ შენს ბადრ სახეს
უცეცხლოს და უსაუბროს!

მაგ სიკვდილით განა მოკვდა
შენი ჩანგი ფრთაბრიალა?
შენმა ლექსმა ქართლის მთები
ქუხილივით გადიარა.

შორს გასტყორცნა გულის ჭუჭი,
სიკვდილის ზღვარს გააცილა,
გააწბილა მისი ხუნდი,
უკვდავება გარგო წილად.

არა, არ მსურს გნახო მკვდარი,
ვერ შევხედავ შენს დიდ კუბოს,
როგორ ვნახავ შენს ბადრ ჰახეს
უცეცხლოს და უსაუბროს!

მინდა გულში ისე დარჩე,
როგორც იყავ — ლომის დარი,
თვალციკარი, გულდადარი,
ქართულ სიტყვის მოისარი!...

1966 წ.

მოდარნიჳმით გაბაცეჳულ პოეტიჳს

გზა პოეზიას!..

გზა პოეზიას!..

ღამურებივით ნუ შემოესიეთ,
ნუ გიბნელდებათ მზეში თვალები!

ბევრნი ყოფილან,

ბევრს უბორგია,

ბევრიც გამქრალა თქვენისთანები!

ისმის უაზრო თქვენი ზუზუნი,
აზორებთ სიტყვებს ყრუ რითმებიანს,
და მე მალეღვებს, ზოგჯერ უძღურნი
გოლიათებად რომ ითვლებიან.

თქვენ, მომღერლებო გაჩეჩილ თმების,
თქვენი ლექსები ბანგის ტყვე არი,
ვით უსიმებო ჩონგურის ხმები,
როგორც უენო ზარის წკრიალი.

გაჩენის დღესვე უხმოდ ქრებიან,
ფერფლად რჩებიან მემატთანეს, —
უსიმო ჩონგურს განა ხმები აქვს,
უენო ზარი განა წკრიალებს?

სიტყვა და აზრი,

აზრი და სიტყვა!

მხოლოდ ეს არის სიმღერის დედა,
რომლითაც რალაც უხილავს იგრძნობ,
სამყაროს მიღმა გადაიხედავ.

ლექსი მოსდევდა ქართველთა გვარ-ტომს,
აბჯრად აგვასხეს ფშაველ-მესხებმა,

რუსთველის, ვაჟას, აკაკის პატრონს
სხვისგან რად გვინდა სულის სესხება?!

სხვისი ბალისკენ რად იშვერთ ხელებს?
შეხედეთ ჩვენს მთებს, კლდეებს, მონასტრებს,
ყურს თუ დაუგდებთ, პატარა ღელეც
ნამდვილ პოეტურ ჰანგებს მოგასმენთ.

უცხო ქვეყნების გიპყრობთ ტრფიალი,
ჩვენთვის რამე სჯობს რუსთველის გამზირს?
როგორ გიზიდავთ ველურთ ღრიალი
ფალიაშვილის მუსიკით გაზრდილთ?!

მონად გაუხდით აბსტრაქციონიზმს,
გენიოსებად სახავთ ძმა-ბიჭებს,
თავი გგონიათ გალაკტიონი
და დედამიწას მძიმედ აბიჯებთ.

მაგრამ რა არის პოეტის შრომა,
იფიქრო, სწერო, ბეჭდო, იწვალო,
და შენი ლექსის ერთი სტრიქონიც
ხალხმა ზეპირად არ დაისწავლოს!

გზა პოეზიას!

გზა პოეზიას!..

ლამურებივით ნუ შემოესიეთ,
ნუ გიბნელდებათ მზეში თვალები!

ბევრნი ყოფილან,

ბევრს უბოროგია,

ბევრიც გამქრალა თქვენისთანები!

1966 წ.

ბევრი თუ მეტყვის:
რად სდუმხარ,
რად არ იმღერი ხშირადო,
— ხალხს ვუგდებ ყურს და
არ მინდა
ლექსის ხმა გავაპირადო.

არ ავყოლილვარ აროდეს
სხვათა ხმის უშნო როკვასა,
არც მიეჩვევივარ დიდკაცთა
მუხლისთაგების ლოკვასა.

ზოგჯერ სულ წარმოსდინდება
ღვინო რაცა სდგას კოკასა;
ხანდახან წამოჩოქებაც
ხომ უნდა ირმის მოკვლასა?

თუმცა რად უნდა იმღერო.
გინდ აატრინო ალალი,
თუ ყურის ბამბა ვერ გასჭრა,
ვითომც სიმღერა არ არი!

დრო არის, კრიტიკოსებო,
თვალზე საბურველს იხევდეთ,
თორემ იმგვარად დადიხართ,
ქვასაც ვერ ამჩნევთ რიყეზე.

გაოხრდეს იმის კალამი,
ვინც თქვენი ქება ინატროს;
დიდება მხოლოდ ხალხის გულს,
სადაც ნამღვილი პოეტი
სამარადისოდ ბინადრობს!.

კენესა გულისა, ტრფობის ნაშთი
მიეცე ზღვის ღელვას...

ნ. ბ ა რ ა თ ა შ ვ ი ლ ი

• • |

სიცოცხლე არ მწამს,
სიკვდილიც არ მსურს,
მაშ, რა ვქნა, მითხარ, ჩემო იმედო,
რა იქნება, რომ ტკბილი ღიმილი
ერთხელ ჩემთვისაც გამოიმეტო?!

მე პოეზიის უმანკო ფრთებით
ვეჭიდებოდი მარადისობას,
მაგრამ ცხოვრებამ მომაბა ლოდი
და ზღვაში ისე გადამისროლა.

შემიპყრო სევდამ,
და როგორც ელდა
დამეცა მისი სიმძიმის ძალა,
სულის ამოთქმაც არ დამაცალა,
და როგორც თოფი, ისე დამცალა.

ლექსი გათავდა, როგორც ყიზული
დადნება ხოლმე სიმხურვალეში,
ისე წავიდა ცხოვრება ჩემი,
ველარ გავიგე მისი ალერსი.

სიცოცხლე არ მწამს,
სიკვდილიც არ მსურს,
მაშ, რა ვქნა, მითხარ, ჩემო ძვირფასო,
რა იქნება, რომ ჩემს ფიქრთა ბაღში
ზოგჯერ ბუღბუღად გაიკისკასო?!



მე შენს სიყვარულს მტლად დავედევით
შენ კი ამაგი არ დამიფასე,
გამოაცალე გულს იმედები,
სამაგიეროდ მწუხრით ამავესე.

არ დამანებე არბენა მალლა,
არც დამალამე, არც გამათენე,
გადამიარე გულზე ნიაღვრად
და ჩემი რწმენა ფეხქვეშ გათელე.

არ. მომეც ნება, საქვეყნო ხმებად
რომ შენი ქება მეთქვა სხვისთვისაც,
მაგრამ ეს გული კვლავ შენთან რჩება,
ეულად ყოფნა ვერ შეითვისა.

და სულში მწუხრის ზარები რეკენ,
გარეთ ქარია, ციდან წვიმა ცრის,
მე ვილტვი შენკენ, მე ვილტვი შენკენ,
შენ კი მიდიხარ, საით, ვინ იცის?!



მე ვარსკვლავების ხეტიალს ვუშვებ,
მე ვხედავ მთვარე როგორ ბრიალებს,
მათი არილი მაცვივა გულზე
და მიშუქებენ სულში იარებს.

მეც მთა-ზღვა შორის ბევრი ვიარე,
ქარიშხლის ტალღებს ავყევ-დავყევი,
ტყვილი მაინც ვერ დავიამე
და სიყვარულის დავრჩი ნაყმევი.

დავრჩი ცხოვრების მიუსაფარი,
უკიდევანო, როგორც ღრუბელი,
ალარ ანათებს ჩემს გზას ლამპარი,
ნავი ვარ, გემზე გამოუბმელი.
შევიგრძენ ქვეყნის ამაოება,
ცისარტყელგმა ცივად იელვეს,

მე მივალწიე უსაზღვროებას
და დავინახე სიცარიელე!..

* *

თვით ჩემი სიტყვა, თვით ჩემი ლექსი,
თვით ჩემი აზრი არ არის ჩემი...
დავდივარ, როგორც ოკეანეში
უიალქანოდ მცურავი გემი.

ამოვარდება დროდადრო ქარი,
საითაც უნდა, იქით წამიღებს,
ამიტომ ლექსებს და ჟღერას ქნარის
დროით, ეპოქით ვერ ვათარილებ.

ურწმუნოება სულს დაეუფლა,
არა ჩანს ბოლო ან დასასრული,
რა გვეშველება, რა გვეშველება,
რომ არ გვათბობდეს სუნთქვა წარსულის.

ამაო არის შრომა და ჯაფა,
გზად ჩვენი კვალი რჩება წაშლილი;
მაინც წინ სწრაფვა, მაინც წინ სწრაფვა!
ასე მოგვძახის ბარათაშვილი.

* *

ჩემთან ღრუბელო ფრთამოტეხილო,
სხვასთან — ცისკარო გათენებულო,
ნეტავი ოდეს თვალით მეხილოს,
შენც რომ დარღები ჩემებრ გებუროს.

მაშინ იგრძნობდი ჩემს გაოგნებას,
ყოფნა-არყოფნის შუა გარჩენილს
როგორ მელევა ხელში ცხოვრება,
ვით სალი კლდეზე დენა ჩანჩქერის.

შენ იყავ ჩემი ლოცვის ტაძარი,
სულში ქარიშხლის ძალას ვგუზავდი,

მაგრამ კარებში ვერ გავასწარი,
ისე დამენგრა თავზე გუმბათი.

ისევ ცრემლით მაქვს თვალი მორწყული,
შენს ჩრდილსაც რომ არ დამასაკუთრე:
რაღაა ლოცვა იმგვარ მორწმუნის,
რომელსაც ხატი თვალში აფურთხებპ'..

* *

მე შენს სიყვარულს რომ ვლირებოდი,
შენი ღიმილი ერთხელ მეხილა,
ღვთიური ძალით აღვივებოდი,
ვერ წამაქცევდა ზეცა მეხითა.

მაგრამ გზად ეშმა გადამეხიდა,
შენს წმინდა ბაგეს არ მიმაკარა,
დასეტყვა ჩემი ბალი ხეხილთა,
და დამიშრიტა წყარო ანკარა.

გულს შემოავლო ცეცხლი თაკარა,
დანაცრა ყველა ჩემი ოცნება,
ველარ ვახერხებ მშვიდად ლაპარაკს,
დავაგდე ხატი ღმერთზე მლოცველმა.

ვით შევეურიგდე ამ საოცრებას,
რომ სიყვარული ნისლი ყოფილა,
ჯერ მპირდებოდა მზის გაღმოცემას,
ია-ვარდები გულზე მომფინა.

მერე განმაშთო წუთისოფლიდან,
ზღგური გამხადა უღრან-მღვიმეთა,
მისი პატარა შუქი მყოფნიდა
და ჩემთვის ისიც არ გაიმეტა.

მაგრამ გულს დარჩა მცირე იმედად
გრძნობა, რომელიც მას შეალია,
ჰვრეტდეს ვარსკვლავებს მოციმცაჟეთა,
რომლებიც მუდამ ცაში არიან!..

ჰველგან საქართველოში

აქ, სადაც ახლა ჩვენ ვდგავართ,
ოდესმე იდგა რუსთველი,
ამ მაღალ მთების მცქერალი,
ამ ლალ ჰაერის მსუნთქველი.

ამა მზის სხივთა შემკვერელი
ლექსების ხელეუბრებად;
იქნებ აქედან უყვარდა
თამარის თვალთა ყურება.

იქნებ ამ ველზე აღმოსთქვა
მან ავთანდილის სიმღერა,
მარადი სიყვარულისთვის
მეფენი გადაიმტერა.

იქნება ვაჟას არწივი
აქ ღაითრიეს ყორნებმა,
იქნებ სამშობლომ აკაკის
აქ გაუბრწყინა გონება.

იქნება ბარათაშვილმა
აქ გააქროლა მერანი,
იქნება გალაკტიონმაც
აქ ამოაშრო მელანი.

მე კი რა ღმერთი გამიწყრა,
რომ ჩემი ქვეყნის საუნჯე
უკვდავ მშვენებით მალეღვებს
და ლექსის თქმისთვის მამუნჯებს!

1967 წ.

ჩემი და შენი სამშობლო

მეგობარ უკრაინელ პოეტს,
ოლესა ნოვიცკის.

ჩემია ჩემი სამშობლო,
შენი სამშობლო შენია;
ეს სალოცველი გულისა
ღმერთს ჩვენთვის გაუჩენია.

მე ჩემი მიყვარს, შენ — შენი,
გვაქვს სიყვარულის ბარაქა,
ამიტომც ჩვენმა ცხოვრებამ
გაილალ-გაიარაგვა.

ახლაც მახარებს ბილიკი,
ბაღობის დროს რომ მიეღია;
ჩემი სამშობლო მთების რძე
დედის ძუძუსებრ ტკბილია.

სიამით ავსებს თვალს და ყურს
ბუჩქებში ბუღბუღლთ გალობა,
ცის თაღზე ვარსკვლავთ კენჭები
დახვავებული კალოდა.

ვისაც თავისი არა სწამს,
გულს არ უნთია ხატივით...
ჩემმა სამშობლომ მასწავლა
სხვისი სამშობლოს პატივი.

და მინდა შუქი გეფინოს
ჩემი მზის გაზაფხულიდან;
მეც მალხენს შენი სამშობლო,
ჩადგან შენ გიყვარს გულითა!..

1967 წ.

ს ი ყ ვ ა რ უ ლ ი

სიყვარულზე ვის არ უმღერია,
სიყვარულით ვინ არ დასეტყვილა?
სიყვარული მარტის ღრუბელია,
ხან გაცრემლებს, ხან გახარებს ტკბილად

სიყვარულმა ბევრი დაამწუხრა,
სიყვარულთან მეფეც დაჩოქილა,
სიყვარულსა, როგორც ველზე შუხა,
თვით სიცოცხლე ეფარება ჩრდილად.

სიყვარულმა მეც დამიგო მახე,
სიყვარულმა ამამღერა მხოლოდ,
სიყვარულში ამალღება ვნახე,
მაგრამ მანვე გამაწუბილა ბოლოს.

სიყვარულო, დაიქეცი ბარემ,
შენგანა მჭირს გულის მწარე კვნესა,
ჩემს ახლოს ხარ დალეული მთვარე,
მშორდები და ემსგავსები მზესა!..

1967 წ.

ლვინის სადღეგრძელო

ლვინო გამდნარი ოქროა,
ემბაზი სიყვარულისა,
მზეა, ჰიქაში ჩაღვრილი,
ამფეთქებელი სულსა.

ლვინო არაგვის ტალღა
ძარღვებში მიმომქუხარი;
ლვინოს გაქცატან შეხვედრა
სიყვარულივით უხარის.

ლვინოა დარდის წაშალი,
სულში შემტანი შუქისა,
თვალეებში ელვად გააქრობს
გულში ჩადენილ ქუხილსა.

ლვინო უძლევი ძალაა,
გამწევი მძიმე ულლისა,
კაცის სიცოცხლის განმგრძობი
და დამლოცველი უფლისა.

ლვინო დამისხით, დამისხით,
ლვინო დავლით, დავლით,
რომ ჩვენი წუთისოფელი
დარდის გარეშე გავლით!..

1967 წ.

ალავერდის ტაძართან

ალავერდო, გთხოვ, მავედრო
შენი სრულქმნის სიძლიერეს,
ჩემი სული სანთლად გენტოს,
ჩამოგვხედე მიწიერებს.

ალავერდო, არ ინებო
დავიწყება ბალავრისა,
ბნელში დათქმულ ქვათა ძალამ
აგამაღლა ლაღადისად.

თეთრი კედლის შუქით ვთბები
და გუმბათის მზიბლავს ეშხი;
შენი ჯვარი ნისლის ფრთებით
გარეულა ვარსკვლავებში.

კვლავ ამაღლდი ველთა ზედა,
ხმა შთაბერე ჩამქრალ ზარებს,
განაწამებ ქართველის დედას
დამწვარ მკერდზე დაეფარე.

ალავერდო, გთხოვ, მავედრო,
შენი სრულქმნის სიძლიერეს,
ჩემი სული სანთლად გენტოს,
ჩამოგვხედე მიწიერებს!..

1967 წ.

ი ა ზ ნ ა ნ ა

იავნანას როცა ვისმენ, მეფინება გულზე ია,
თითქოს მშობლიური მთებით მონაბერი ნიავეა.

იგი მზრდიდა ბაღლობიდან ღედის უტკბეს რძესთან ერთად;
თითქოს ვდგავარ ხელანკესით ჩემი სოფლის მდინარესთან.

თითქოს მესმის აკვნის რწვევა, ღინჭილები ხაჭახუქი,
შიგ ბურცხალა ბიჭი გორავს, თვალბრიალა, თმახუქუქი.

მინდერად დასდევს ფრთაჭრელ პებლებს,
კაკლით ივსებს კალთა-უბებს,
კენწეროებს დაღმა არხევს, არ აყენებს ჩიტის ბუდეს.

გადაპენტილ ზამთრის დილით მუხლზე თოვლში კოტრიალი,
ყინულების ჩურჩხელები მარტის მზეში მოტირალი.

ყვავილების ველზე ცვენა — დილის ცვარით დანამული,
ხევში ვერცხლის წყარო, როგორც ხმაწკრიალა სალაშური.

ღედის კაბის შარიშური, თავმანდილის ქარში ფრენა;
მხოლოდ მათ შუქს შეუძლია ჩემი ლექსის გადარჩენა.

იაღონის ხმით მოსილი ჩემი ტკბილი ღედა ენა
რა გისმინე, წამს გულიდან სევდის ჩრდილი განიდევნა.

როცა მესმის იავნანა, გულზე ია მეფინება,
ტკბილი ყრმობა მაგონდება და საამოდ მეძინება!..

1967 წ.

ჩვეულებრივი კაცი

ხეს რომ ფოთლები დასცვივა, ისევ ამოვა ახალი;
ჩვეულებრივი კაცი ვარ, მხოლოდ სული მაქვს მაღალი.

ჩემი სამშობლოს ველ-მინდვრებს პეპელასავით დაეხარი,
გულში სიმღერის ხვედია, ვით სკაში ფუტკრის ნაყარი

ამოქროლდება ნიავი, ამივსებს გულის ბუდეცა,
დამავიწყდება, რომ ქვეყნად სიკვდილსაც წილი უღევსა.

თვალს გავუსწორებ ვარსკვლავებს, გავხედავ ირმის ნახტომსა,
ვინატრებ: ყველა მწვერვალი სურვილში გადალახოსა.

მზისა და მიწის კიდილში ქვეყანამ გაიღალღალა,
მეც ჩემი ლექსის ფუტკარმა მინდვრის ყვავილად მნახოსა...

გულს ამოსწოვოს ბოლომდე, სიტყვის სიამე რაც არი,
და ჩემს სამშობლოს ასხუროს, როგორც თაფლი და შაქარი.

შემდეგ სიცოცხლის ლამაზ ხეს როცა ფოთლები დასცვივა,
მეც წავალ, რადგან სხვებივით ჩვეულებრივი კაცი ვარ!

1967 წ.



მე შენს ნატვრაში ვათენ-ვალამებ,
ცხრა მთა თუ ცხრა ზღვა გვაშორიშორებს;
ხანდახან ჩუმად ცრემლიც დავღვარე,
მაგრამ ნუგეში ვერსად ვიშოვე.

სიზმარში მაინც მეჩვენე ერთხელ,
შენი ხატება დამალოცვინე,
მერე თვალების სეტყვით დამსეტყვე,
გინდ შემომწყერი, გინდ შემომცინე,

ოღონ შორიდან გამომეცხადე,
გულს მაგრძნობინე იების ფენა;
სიცოცხლეს გავცვლი ერთ შავ მერცხალზე,
რომ შენს სახლის წინ შემეძლოს ფრენა.

ყველა წამალზე უმაღლესო,
ყველა ტკივილის დამაყუჩებო,
მინდა შენი მზით სული ამეცხოს
და მერე სიკვდილს მუშტი ვუჩვენო!

1967 წ.



მე კი არ ვხუმრობ! შენმა თვალებმა
მართლა წამართვეს ვაჟკაცს ძალ-ღონე!..
და მაგიერად, სასიყვარულო
შენ ერთი სიტყვაც არ გამაგონე!

ო, როგორ ვწუხვარ, რომ გვიან შეგხვდი
და ჩავლილია ჩემი მდინარე...
იმედის შუქად მაინც გამიჩნდი,
ჩემს ავადმყოფ გულს ესხიმე მდინარე.

როგორ მახარებს, რომ ქვეყანაზე
მეც იმ დროს ვცხოვრობ, როცა შენა ხარ;
ცის ელვარებას მაინც ვიგრძნობდი,
თუნდ მზე არასდროს არ დამენახა.

როცა შემხედავ და გულს დამიარს
შენი თვალების შუქთა მეწყერი —
თითქოს შევდივარ სვეტიცხოველში
და იქ ღვთისმშობლის ხატებს შევცქერი.

მინდა იმ ხატთან სანთელი ვანთო
ჩემი პოეტურ შემოქმედების,
და სულ ვინატრო, რომ საქართველო
აივსოს შენებრ ლამაზ დედებით!

1967 წ.



ღვთაებავ ჩემო, სიყვარულო დაუშრობელო,
ჩემს ჩამქრალ გულში ლექსის ცეცხლის წარმომშობელო;

ოცნების ციდან ჯავრის ღრუბლის გადამწმენდელო,
თვით ჩემო სულო, ჯოჯოხეთშიც წაუწყმდელო.

სიმღერავ ტკბილო, სიკვდილამდე შეუწყვეტელო,
დაუნგრეველო მომავალის რკინის კედელო.

მე ყავარჯენად შენი ლანდის შუქიც მეყოფა,
რომ ავმა სენმა ვერ გაბედოს ჩემი ხელყოფა.

ჩადგან შენს სახეს, მზედ ანთებულს, გულით მოველტვი,
შენს დარიგებას აღვასრულებ, ვფიცავ ყოველთვის!..

1967 წ.



შენი თვალები, ცეცხლის თვალები,
ჩემი ცხოვრების დამაჰთავრება;
რა თავისუფლად დაენათარდობდი,
რა გამოუვალ ქსელში გავები.

სადაც გავხედე. სადაც წაველი,
გადავიარე ცხრა მთა, ცხრა ველი,
და ყველგან, მუდამ თან დამყვებოდნენ
ნაპერწყლიანი შენი თვალები.

ახალგაზრდობა განვვლე წვალებით,
უხვად დამედო ლექსის ვალები;
სიბერის ჟამსაც მაგ ცეცხლის თვალებს,
აღბათ, ვეღარსად დავემალები!..

1967 წ.



ვერ გასწავლე სიყვარული,
ვერ გაგზარდე სულის მეფად,
დაბრძანდები ჩემს ბაღში
მხოლოდ ხილის დასაკრეთად.

გზნების წყაროს დასაშრობად,
გულის ტახტის დასაღწად...
და მტევნები პოეზიის
ვერ დაისხა ვაზის ლერწმა.

სულის ტრფობა სხვა რამეა,
მისი ცეცხლი მარტო მე მწევავს;
ხომ იცი, რომ უქარბუქოდ
არ ამოდის ხმა ტბის ლერწმას.

შენი ქარი კი ისე ქრის.
ლამის უფსკრულს გარდამხვეწა,
გეაჯები, მაგრამ შენს ყურს
არ ეგების ჩემი ხვეწნა.

ჩემგან ლექსი გინდა მხოლოდ
გასაკილად, გასაქენწლად;
წყვეულ იყოს ღმერთი, ვინაც
ჩემს ამკლებად გამოგძერწა!..

1967 წ.

ქება ქართულ სილამაზეს

უცნობ ასულს, რომელსაც ვხვდები
რუსთაველის გამზირზე

მე არ ვფიქრობდი შენზე სრულიად,
და რუსთაველზე როდესაც გნახე,
ვთქვი: ეს ფრესკიდან ჩამოსულია
ანგელოზის თუ ღვთისმშობლის სახედ.

გნახე და უმაღ გული აღმიგზენ,
რომ მხოლოდ ერთადერთი ასული
დადიხარ შოთას ლამაზ გამზირზე
და შენში ბრწყინავს ჩვენი წარსული.

ვერ გაგიტაცა ბევრის სიციტემ,
არ აჰყოლიხარ მოდურ ცდუნებას
და ლერწმის ტანი არ გაიმეტე
სიველურეში დასაბრუნებლად.

შენი თვალების წამწამთყარილობა
ჰგავს იალალზე მოსულ მაისებს,
და გიშრისფერი თმის ვარცხნილობა
გმატებს ქართველურ სიღარბაისღეს.

ქალს თმა ამშვენებს, ვით ხეს ფოთოლი
როგორც ვარდის ბუჩქს ყვავილთ ფურცელი,
ზოგჯერ მას შეცვლის წვიმა და თოვლი,
მაგრამ სიმწვანე რჩება უცვლელი.

აწეწილ ყვავილს შნო ვით ექნება,
გაძარცულ ტოტებს სიო არ არხევს;
უეცრად გული ამიფეთქდება
შენი ლამაზი თმების დამნახველს.

მე შენი ქებით, ძვირფასო დაბ,
კი არ ვატარებ უამურ აზრებს,
არამედ ღროსთან ვიბრძვი და ვდავობ,
რომ დაუკარგა ქალს სილამაზე.

ქართველი ქალი აწრთო ძველ დროში
ბრძოლების ცეცხლმა და იარებმა,
დღეს, განათლებულ საქართველოში,
თითქმის უიშველი დაიარება.

თუნდ ჩამორჩენა ბრალად დამწამონ
და სიყვარულშიც არ შემიცოდონ,
თმაბურძგვნილ და უწარბწამწამო
ქალს მშვენიერი როგორ ვუწოდო?!
და სიყვარულშიც არ შემიცოდონ,

უცხო ჟურნალებს შენაც კითხულობ,
სხვადასხვა ქვეყნის ფილმებს ნახულობ,
მაგრამ ამისთვის არ მედიდურობ
და არც გსურს ყოველ ღმერთს ემსახურო.

დადიხარ ნაზად, როგორც შეჰფერის
ქართველი ქალის ჰაეროვნებას,
სხვათა ნიღაბის არ ხარ მძებნელი,
არ ემსგავსები სხვა ეროვნებას.

და შემიყვარდი, მიტომ კი არა
შენი მანდილის შუქი შევბღალო,
არა, მე მინდა შენთვის წკრილა
სიმღერით ყელი არ დამეღალოს.

მე შენი ქებით, ძვირფასო დაბ,
კი არ ვისახავ უამურ აზრებს,
არამედ ღროსთან ვიბრძვი და ვდავობ,
რომ დაუკარგა ქალს სილამაზე!

1968 წ.

ახალგაზრდობას

სიქაბუჯეს გავცდი უკვე,
მაგრამ გული მაინც ღელავს,
მაინც ილტვის ლექსის სიმის
ხალხის გულზე. გასაბმელად;
ბრძოლის გზაზე სევდის ქარმა
თუმცა ბევრჯერ დაგვიხელა,
მაგრამ რწმენა მომავლისა
მუდამ გვენთო. ცისარტყელად.

წინაპართა კვალს გავყევით,
ჩნდა, ვით ღევის ნამუხლარი,
ჩვენც გავტეხეთ ის ყამირი,
რაც მათ დარჩათ დაუხნავი,
მტერს მახვილი მივაგებეთ,
მომგეს ლუკმა გავუყავით
და მოზღვავედა გულში ტალღად
სიხარულის ოქროს ხეავი.

დროშაზე თქვენ ორდენს ხედავთ,
ჩვენ ვხედავდით სისხლის წვეთებს,
მოდითაჲ ერთზე ასი,
გზები მკერდით გადავკეტეთ;
შემდეგ ოფლით ვაშენებდით
ახალ ქვეყნის მაღალ კედელს;
ვისწრაფოდით და ვიყავით
ჯამარჯვების მოიმედე.

ახლა, როცა იმ გზებს ვზომავთ,
ვზეიმობთ და გულით ვხარობთ,
გვაამაყებს ჩვენი შრომა,
გამოვსულვართ საბაღნაროდ,

გვიდგას ოქროს შემოდგომა
და გვსურს შვილებს დაგიბაროთ,
რომ სამშობლოს სადიდებლად
მარტო სიტყვა არ იკმაროთ!

დღეს სულ სხვაა თქვენი ძალა
და ბევრიც გაქვთ საამაყო,
ჩვენ ბილიკზე დავბორგავდით,
თქვენ დაფრინავთ მზესთან ახლო;
სულ გეფრინოთ, მაგრამ ციდან
მიწაც უნდა დაინახოთ,
ხეს თუ ფესვი არ ექნება,
ვერ მოისხამს მწიფე ნაყოფს.

სიკაბუკე სიცოცხლეა,
მზის შუქია სადილო,
არ ექნება არ იშფოთოს,
არ ეძიოს, არ იღავოს:
მსოფლიოში ყველას ზიზღავს
თქვენი წინსვლა საიგავო,
სიკაბუკეს ცაშიც უნდა
მზის ადგილი დაიკავოს.

და მე მინდა ჩემი ლექსი
იყოს თქვენი გზების ლოცვა.
რომ გქონოდეთ კიდევ ბევრი
სიყვარულის გარემოცვა,
ბედნიერი ლხინისაგან
არასოდეს გქონდეთ მოცლა
და მამებიც გაგვიხსენოთ.
წარმატებას აღწევთ როცა.

ნახევარმა საუკუნემ
გამარჯვება ჰპოვა სრული,
ზეცის მაღალ თაღებშია
ჩვენი დროშა ვარდასხმული,
გულებს გვივსებს სიამაყით
განცდილი და გარდასული,
თქვენთვის იყოს ბედნიერი
საუკუნის დასასრულიც!

1968 წ.



ერთხელ რომ შენი კოცნა მღირსებოდა,
ერთხელ რომ შენს ლოყას შევხებოდი,
ვერაფერი შეაქრთობდა ჩემს ღირსებას,
თუგინდ ქარიშხალსაც მკერდით შევხვდებოდი.

ერთხელ რომ შემერხია შენი საყურე.
მე განა ოდესმე დავიკვნესებდი?
შენ ჩემი ცხოვრების კარები დახურე,
შიგ დარჩა შენზე მტირალი ლექსები.

მთელ ჩემს სიცოცხლეს აღარ დავშურავდი,
და პოეზიის ძალას, რაცა მაქვს,
ოღონდ დამეხატა შენი სურათი
ჩემი ოცნებების დასანაცრავად.

მაგრამ ყოველივე გახდა ამაო,
ახლა ქვეყანაზე ვარ და არცა ვარ,
შენ ჩემი ცრემლების ტბაში ბანაობ
და ძალა არ მყოფნის თავდასაცავად!

1968 წ.



იმ ღელვას გაუმარჯოს, გულს რომ გამიჩინე,
როგორც გასურდეს, დამტანჯე, ოღონდ გამიცინე.
ხანდახან გადამაყარე ღრუბლის ნაფლეთები,
თორემ გაჭაღარავდა დარდით საფეთქლები.

შენი გულის ცემისთვის დამაყურებინე,
ჯეჯილი ხარ, ნიავზე ლაღად მობიბინე.
შენმა თვალთა ბრიალმა გული ამიტოკა,
წამწამების ისრები დამეხვია თოკად.

და რად გიკვირს გრძნობათა ესოდენი ღელვა?
მოგიზგიზე ალისგან ფოლადიც კი დნება!
აღარ გესმის დაჭრილი გულის კარის მტვრევა?
მარტო შენი უთქმელი სიყვარულის ტყვე ვარ!..

1968 წ.

ახალი წლისადმი

რალაც სხვანაირი ლექსი მინდა,
რალაც სხვაგვარი სიმღერა მსურს,
რომ გაგვიღვიძოს გრძნობა წმინდა,
რომ ეხალისებოდეს სულს.

ამ სიხარულით შთაგონებული
ვიმორჩილებდეთ ყველაფერს ძნელს,
არავინ იყოს დაღონებული,
ტკბილ სიმღერებით ვივსებდეთ ყელს.

ახალწლის მოსვლა ბედნიერებაა,
ცაო დიდებულო, გახსენი გზა,
მხოლოდ ვარსკვლავების გვინდა მოფერება,
მოვდივართ ჩვენ და არავინ სხვა!

ქვეყნად სულ რომ გაზაფხული იყოს,
ისიც ხომ მობეზრდება გულს?
და შენაც კარგად უნდა გაგვიგო:
ყველაფერი ერთფეროვანი გვძულს!

ჯერ ხომ არც კი ვიცნობთ ერთმანეთს,
ჩვენ მხოლოდ შენი იმედის გეწამს,
გთხოვ, სხვანაირი ლექსი მოგვიტანო,
რალაც სხვაგვარი სუნთქვა და წვა!

1968 წ.

ენგურის სიმჟონია

პირველად იგი იყო ოცნება,
იგი ოცნება იქცა ფიქრებად,
ფიქრები იგი იშვა სიტყვებად,
იგი სიტყვები იქმნა წიგნებად.

წიგნებმა ფრთები შეისხეს მალი,
მიმოეფინენ ქვეყნის კიდე-განს;
გულები ხდება გრიგალის ძალის,
სულს ღელვის ცეცხლი წაეკიდება.

და ხალხმა მუშტი შემართა მაღლა,
სასახლის კარმა დაიწყო მსხვრევა,
იმ დიდი ზამთრის ყინული გალღვა
და გაზაფხულმა გამოიმწევა.

მერე „ავრორამ“ დაიმქუხარა
და ჯავშანოზე გადმოდგა კაცი,
თქვა: კმარა, ხალხმა რაც სისხლი ღვარა,
აღვისუფალნი ვიქნებით აწი!

თავისუფლებამ ყველა უფლება
დაუთმო შრომას ადამიანურს;
და მის წინაშე მთებიც უქმდება,
ენგურიც დასთმობს ზღვისკენ სიარულს...

ეს გახსენება თავად მეწვია,
როცა შევდექი ენგურის პირად,
სადაც იწყება სვანეთის მთები,
ზღვისკენ დაძრულნი, როგორც ლომები;

კაცი შებშია, დაულეწია
კლდეები მარად ბნელში მდგომელი;
შევცქერი, ვხარობ და ეუფლება
გულს სიამაყე განუზომელი.

მთამ გადახვიოს მთას უნდა მხარი,
გზა გადაუჭრან ენგურს ღონიერს;
პირველად თითქოს გაჩიქდა ხარი,
ბოლოს ნებაზე დაიყოლიეს.

მე ვხედავ ყველგან მღელვარე გულებს,
დაძარღვულ კუნთებს, მოქნეულ მკლავებს;
წევში გმირული შრომა გუგუნებს,
მთებს შესევიან და ღამეს ჰკლავენ.

წყალი ცეცხლს აქრობს,
აქ კი ცეცხლს აჩენს,
თვისება ძველი რამ შეუცვალა?
— აი იმ მრავალ ოცნების, ფიქრის,
სიტყვებისა და წიგნების ძალამ!

შენ გაიხარე, სამშობლო მთებო,
ტყეო, მინდორო, ბაღო, ვენახო,
ადამიანის სულის ამგზნები
რათა სიცოცხლის მზე მოგვეახლოს.

სვანეთის მთები მოჰგავს ჯაფანოს
და მეჩვენება: ზედა დგას კაცი,
რომლითაც თითქოს მზე იჩრდილება,
ვინაც გვასწავლა მათათა გარღვევა
და სტიქიათა დამორჩილება!

1968 წ.

ჰიმნი გაგაფხულს

მაისის თვალი იაა, მერცხალი სალამურია,
წყარო დამდნარი თოვლია, მინდვრებს ცის ნამი სწყურიათ,
ცაში ტოროლას ხმებია, ბალებში ბუღბუღოთ გალობა,
სამშობლოს ნუ მოაკლდება, მზეო, ეგ შენი წყალობა!

მაისი ისე მობრძანდა, ადრე არ გაგვაგებინა,
თითქოს ფოთლებიც უცდიდა, ახლახან გამოეფინა,
მზემ მინდორ-ველი ააესო სხივების ოქრო-ვერცხლითა
და ქარიშხალმა ჩონგურის სიმებთან ომი შესწყვიტა.

ღროშები წამოიმართნენ შავი ზღვის ტალღებივითა,
მშვიდობის მტრედი აფრინდა, დანიშნულ ადგილს მივიდა;
ღროშებს მოჰყვება ჰაბუკთა სიმღერის აგუგუნება,
რომ ამოძრავდეს სამყარო, იდილოს საუკუნემა.

რომ ვარსკვლავების სიაში იწერებოდეს გმირები,
რომ გამარჯვებით დასრულდეს ბრძოლებში დანაპირები,
რომ გაზაფხულის აღლუმში მიიღოს შთამომავლობამ,
ჩემს მამულს ნუ მოაკლდება, მზეო, ეგ შენი წყალობა!

1969 წ.



სიჭაბუკეში არ მქონდა ბედი
და ჩემი მტრელი წამართვა ძერამ;
ის დადიოდა, ვით თეთრი გელი,
ხანდახან შორით მტყორცნიდა მზერას.

მაგრამ არ იქნა, ვერა და ვერა,
ვერ ჩავაყენე გული საგულეს;
ის შეეგუა თვის ბედისწერას,
მე კი ცრემლებმა გამანადგურეს.

ის გახდა სხვისთვის სხივთა მფინარი,
ჩემთვის — მყინვარი მიუკარები;
და როს სიბერემ ჩამოჰკრა ზარი,
მერე გავაღეთ გულის კარები.

მაგრამ რაღაი! უამთა ღრუბლებმა
ცა დამიჩრდილეს, გაქრა ნუგეში;
არ განახლდება, არ დაბრუნდება
ის, რაც დავკარგეთ სიჭაბუკეში.

და სინანული დარდად გვეწევა
და დაგვეწყება სულის დაზრობა;
გაფრენილ ღღეებს ვინ დაეწევა,
ვინ დაგვიბრუნებს ახალგაზრდობას?!

1969 წ.



ვაითუ შენმა დიდმა ტრფიალმა
ისე აღმაგზნოს, რომ სულ დაეიწვა?
ვერ ვკვრეტდე თვალებს, რომლის ცქრიალმა
ყველა ტკივილი გადამავეიწვა.

ვაითუ გულმა, დარდით სნეულმა,
ველარ გაუძლოს ამ მგზნებარებას
და აღრე მამცნოს, რომ ყოველივეს
სამარის მიწა დაეთარება.

მაშინ რაღაი ჩემს სიჭაბუკეს,
ან ამ გულს, შენკენ გზნებით გაფრენილს,
თუ ოქროს გემი ზღვაში ჩაღუპეს,
თუ ქარს არ გაჰყვა მისი აფრები...

თუ გაღუკეტეს გზა პოეზიას,
თუ აღრე გაჩნდა დღის დასასრული?! —
გულზე დარდები შემომმესია
და დამაჩოქა ბრძოლად გასული...

მაგრამ იმედი ყოვლისმომცველი
ახლოს ციმციმებს, გული მაგრდება,
რომ ყოველივე, რაც დაეცემა,
გაივლის დრო და კვლავ ამაღლდება!

1970 წ.



ბარათაშვილის გენია ისეთი აღმამფრენია,
რომ მისი ჩანგის სიმთ ჟღერას ხმა მზისთვის მიუწვდენია,
მისმა ნუგეშმა დაატკბო ჩვენი კაცობის დღენია,
მის მერანს ფრთები ლაჟვარდში ღრუბლებად გაუფენია.

თუმცა ღრუბლები სად არი, ზეცა სამოთხის ფერია,
გზად შემომხვდარი სიკვდილი ფლოქვებით გაუთქერია;
იმისი ოქროს ფაფარი კლდიდან ნასხლეტი ჩქერია,
აბა, ყოვანო, გზა მიეც, მისი გაფრენის ჯერია!

გადაიქუხა, გადიქრა, სამყაროს გადაერია,
სიცოცხლის საზღვარს გადასცდა, სიბნელე მოიგერია,
და მისთა ფრთათა შრიალზე ცად ვარსკვლავები მღერიან.
რომ პოეზიის სიკვდილი ჯერ არვის დაუწერია!..

1970 წ.



შენი ღიმილის სითბო სიცოცხლე არის ჩემი,
კვლავ სიხარულით ვლადობ, როგორც ჰაბუკი მრწემი,
აღმართული ვარ მთაზე, ვით ძველისძველი გრემი,
კვლავ წინ მივცურავ, როგორც ოკეანეში გემი.

არა და არა, მზეო, ღრუბელს რა უნდა შენთან?
ჩვენ სიყვარულის ძალამ ერთ ჰანგად შეგვავერთა!
იმ სიყვარულის ძალით შეფიცული ვართ ღმერთთან,
არ გაახარო გული ავად მოშურნე მტერთა.

მე კვლავ იმ ხმაზე ვმღერი, რაც არის მგოსნის ჯერი,
რასაც მისმენდა მარად ჩემი მშობელი ერი,
ისევ მომესმის ზარად ხმა მისი გულის ძვერის,
— არ დაივიწყო, არა, სიმღერა ძველისძველი!..

1970 წ.

ჭ ა ვ ი უ ი

აბა ჭყვიში რა არის? წყალს მიკრული კუნძული,
ერთი თითის დადება, უსახო და უფერო;
ბევრი ბედს იწყევლიდა მისი ნესტით უძლური,
მის უბრალო ბუნებას როგორ უნდა ვუმღერო?!

ჩემში ეჭვი დაბუდდა, გულში ბოღმა აზღვავდა,
და მოვითხოვ მე პასუხს, ღმერთი ხარ თუ სატანა,
ჭაობიან სოფელმა ბუმბერაზი გაზარდა,
მე კი, მთიდან მოსული, რად ვარ ასე პატარა?!

იგი ბევრჯერ დაჰფარა აღიდებულ რიონმა,
გადასილულ ჭალებში ეგდო ღმერთის ანაბრად,
მაგრამ მისმა ნაშობმა, დიდმა გალაკტიონმა
ეს უჩინო სოფელი ჩარგალს გაუთანაბრა.

შენ პატარა სოფელო, დიდი ლექსის მფლობელო,
გრძნობის დამატრობელო, გულის აღმა აღმტყორცნო,
როგორ ძლიერ მომწყურდა შენი გზები მომეველო,
რომ სადმე ჩავიმუხლო და შენს მიწას ვაკოცო!..

1970 წ.

მ ა რ ტ ო ო ზ ა

როცა ხალხში ვარ, ვერ ვფიქრობ შენზე,
ასე მგონია, ფიქრი ხმაურობს;
და მუდამ მყუდრო სავანეს ვეძებ,
რომ ოცნებებში ვიმოგზაურო.

მე მარტოობას ვცდილობ ამიტომ,
რომ ვინმემ სულში არ ჩამაყუროს;
ჩემი სიცოცხლის ოქროს კრამიტო,
მინდა ჩემი ცა შენით დავხურო.

ხშირად ქუჩაში უმიზნოდ დავალ,
ზოგჯერაც გული უცეცხლოდ იწვის,
ხანდახან ნამდვილ ავადმყოფს ვგავარ,
რა მიხარია, ზოგჯერ არც ვიცი.

ყურს ვუგდებ ჰანგებს კეთილხმოვანებს,
ხან სიმღერაში ვბაძავ ჩანგურებს;
სულ მცირე რამე აღმაფრთოვანებს
და იმდენივე გამანადგურებს.

ხან განაბული მტრედი ვარ თითქოს,
იდუმალებით ჩავყურებ ჩემს გულს,
და ვეპარები თვითეულ სტრიქოსს,
ვით მონადირე მტრედს ჩაყუჩებულს.

ხან უსასრულო ცის მიღმა ვილტვი,
სული უმძიმეს უღელს ეწევა,
ცეცხლში შევდივარ, ყოველი სიტყვის
გამოტანისთვის ხორცი მეწეება.

სიცოცხლეს ამგვარ ყოფაში ვხარჯავ,
არ ვეპუები გზათა სიძნელეს;
ეს არის მგოსნის ისეთი ტანჯვა,
სხვა რომ ვერაფრით ვერ გაგინელებს.

და ვშიშობ: იქნებ მძიმე განცდებმა
ზოგჯერ თვალთაგან ცრემლად იდინოს,
და სულ უბრალო კენჭის დაცემამ
ოცნების მტრედი შორს გამიფრინოს.

ამიტომ უყვარს სულს მარტოობა,
გულის უფსკრულში ხშირად ჩახედვა,
გულთამხილავის ძალთა ტოლობა
და გაცოცხლება გამჭრალ სახეთა.

გემუდარები, ნუღარა დარდობ,
შემინდე, ჩემო თვალთა კანდელი,
რომ ხან მოგშორდე და ვიყო მარტო
და გეტრფილო, როგორც ანგელოზს!

1970 წ.

დუმილი, ზღვა და სიცოცხლე

მთა უნდა დუმდეს, ზღვა უნდა დუღდეს,
გული კი უნდა დუღდეს და დუმდეს;
ფიქრები მუდამ ტალღებად ფრენდეს
და არ ტოვებდეს მშობლიურ ბუდეს.

მე გუშინ ზღვა ვნახე ფიქრით მდუმარი,
წყნარი, ვით ნიავი, ფოთლებში მთვლემარე,
თითქოს ყურს უგდებდა სამყაროს დუმილს...
ვუცქირე, ვუცქირე და ბოლოს ასე ვთქვი:
ზღვა ნამდვილ არ ვარგა წყნარი და ჩუმი!

ის, რაც ჩუმი, ის, რაც წყნარია,
ასე მგონია, თითქოს მკვდარია,
რაც ღელავს, იბრძვის, ელავს თუ იწვის,
რისი ხმაც ქვეყნად გრიგალად ისმის,
მხოლოდ ის არის, მუდამ ის არის,
მარტო ის არის სიცოცხლის ღირსი!..

1970 წ.

რ მ ა ნ ს ო

ვერ დავმალე გულში სევდა, ლექსმა თავი აიწყვიტა;
შენი ლანდი ყველგან მსდევდა, როგორც ძველი სერაფიტა.
შენს სიშორეს ველარ ვიტან, მომაშველე სიტყვის თაფლი
მაგ უმანკო გულის სკიდან და შუბლს ლექსით დაგიდაფნი.

მზეს წაართვი სხივთა ძაფი, მომიქსოვე სულის ბადე,
მე ხომ შენკენ მოვისწრაფვი, შენ ხომ ჩემთვის დაიბადე!
თუ გამანდობ გულისნადებს, შევინახავ, როგორც ჯერ არს,
წამოვხტები დილით ადრე შენი შუქის დასაჰერად.

შემოვძახებ ლალ სიმღერას, ჩამოვკრიფავ ცად ვარსკვლავებს,
გავაქროლებ ველზე მერანს, გრიგალიც ვერ დამაჰაფებს.
და გავძახებ ირგვლივ მთა-ველს სიყვარულის მაღალ ქებას:
იგი სწამდა დიდ რუსთაველს, მე რომ მწამდეს, რა იქნება?!

1970 წ.

ქ ვ ი უ ხ ე თ უ ი

ქარი არის ქარაშოტი,
მოქნეული, როგორც შოლტი;
მთა დამდგარა, როგორც ხოლტი,
იგერიებს ქარის რქენას;
მე გავცქერი ქართლის ველებს,
რაც დაუცავს სისხლით ძველებს,
ვინ ჩამოთვლის მათ სახელებს,
ან მათ გმირულ აღმაფრენას?

გადაშლილა ტაშისკარი,
ნარბევი და ნაშიშარი,
აქ რამდენჯერ მტერთა ჯარი
შეხვედრია ჩვენს რაინდებს;
შორს ბორჯომის მწვერვალები —
ზოგან ნისლით ფერმკრთალები,
ქარიშხალის მღელვარებით
მხრებზე ღრუბლებს გადაიგდებს.

მობრძანდება გაზაფხული,
აღსრულდება განზრახული,
გამრავლდება ველზე ხნული,
სახლში — ხეავი და ბარაქა;
მზემ დარეკა ოქროს ზარი,
გააღვიძა მთა და ბარი,
გადმოშალა სხივთა ჯარი
და მინდვრებზე დაბანაკდა.

გულს უნდა, რომ შორს გაფრინდეს,
გინდ მზე იყოს, გინდა წვიმდეს,
სურვილი ხომ გაიმინდვრებს,

სხვა რა უნდა მგოსნურ ვნებას!
მტკვარს გავყვები ქართლის გზაზე,
დადინჯებულ ტალღის ხმაზე,
და ღვთიური სილამაზე
გულში ლექსად აინთება!

ჩემს ყურს ესმის, რომ ბუნება
გულისპასუხს მეუბნება:
— არ დაკარგო ძველი მცნება,
გიყვარდესო საქართველო,
ნუ დააჰკნობ მის ვრცელ ბაღებს
და ვინც სამტროდ ხელს შეახებს,
ძველი რისხვა დაანახე,
ქართლო გმირებდაუთვლელო!

მეც მივდივარ, მივიმღერი,
თელს იტაცებს ფერთა ჩქერი,
ჩემს გარშემო ყველაფერი
გულს აგზნებს და აღიადებს,
სამშობლოო, ახლა ვიცი,
სიყვარულით რატომ ვიწვი,
ან საგმიროდ საით მიძღვი,
შთაგონებას როგორ ბადებ!..

1970 წ.



როგორც ავგაროზს, მე შენს ბარათს ისე ვინახავ,
მითხარ, ვინა ხარ, ჩემს სულში რომ ასე ბინადრობ?
უნდა ვინატრო სიჰაბუკე გაჩნდეს ხელახლა,
დილა შენა ხარ, სხივთა შენთა გული მიევანდო.

გადამიარა თავზე ბევრმა ქვამ წისქვილისამ
და გზა წინსვლისა გადამიჭრა ბევრჯერ გრიგალმა,
ხან ცეცხლის ალმა ღამანავლა, მტვერში მიმსრისა,
ცა გამიცრიცა, მზეს კინალამ გამომასალმა.

მაგრამ ჩემს ბედად შენ გაბრწყინდი ოცნების ცაზე,
ვით მწვანე ვაზებს, მომეფინა შუქი დილისა,
გზა სიკვდილისა სიყვარულის მზით გადავხაზე
და ვდგავარ მთაზე, ვით არწივი ჟამს ყივილისა.

გაეყურებ ირგელივ ჩემ გარშემო მთათა მწვერვალებს,
ცა მოელვარე რომ დაუდგამთ თავზე გვირგვინად.
ვარსკვლავთა ბრწყინვამ, განთიადის შუქში მთვლემარემ,
გულზე მგზნებარე სისხარულად გადამირბინა.

და გამიბრწყინა კვლავ სიცოცხლე მოუწყინარი,
როგორც მყინვარი ცად აჰრილი, კლდეებფრიალო,
სულის ზიარო, საოცნებო გზები წინ არი,
რომ ჩემი ქნარით შენ გიმღერო და გეტრფიალო!..

1970 წ.

აპადმუოზის დღიური

ის წმინდა გრძნობა ჯერ არ გამქრალა,
ადრე რომ გულში გამიჩხრიალდა;
თუმც აჯობებდა, კვირტში გენახე,
სანამ გრიგალი გადამიარდა.

ახლა რაღა ვარ? დავეკნი, დავბერდი,
მზეც აღარ მაცლის გამოღვიძებას,
მე მაშინ ვქრები, როცა ამქვეყნად
სხვა ჰაბუკების ტრფობა იწყება.

მაგრამ გულს მაინც მხედება იმედად
შენი ღიმილის შარავენდელი,
რომ შენს თვალეში კვლავ ის ცეცხლია,
მე რომ ლექსების ფიჩხით ვანთებდი!..

* *

ახლა გიგონებ და მენატრები,
შენზე ფიქრები ისევ მათრთოლებს,
სად არის შენი მკერდის ატმები,
რომ ვარსკვლავებად თავს დამნათოდეს

შენი ღიმილი რად არ მეფრქვევა,
გული მომდის და ფიქრს ვეურჩები;
როგორ დამატკბობს შუბლზე შეხება
შენი ალუბლისფერი ტუჩების.

ახლა სარეცელს ვარ მიჯაჭვული,
არ შემიძლია გავხსნა ფანჯრები,
ნუთუ არა გრძნობს მანდ შენი გული,
რომ მე უშენოდ აქ ვიტანჯები?!..

1970 წ.

ქუთაისი

„ქუთაისი საქართველოს დასაწყისია“.

ქ ე ლ ი ლ ი ტ. ქ უ რ ნ ა ლ ი დ ა ნ.

ქუთაისი!

ლაღად ისმის
როგორც სუნთქვა ვარდ-მაისის,
შორეული გზიდან მოდის,
სიცოცხლე აქვს მარადისი!

ქუთაისი

მუდამ რისხვით
უხვდებოდა მტრის ურდოებს,
მას დაუცავს წმინდა სისხლით
საქართველოს სიმყუდროვე.

გაუვლია ხნული ველზე,
დაუნთია ცეცხლი კაჟით,
როს ბერძნები ოქროს ვერძებს
იტაცებდნენ კოლხიდაში.

ახლა გზნებით გადავყურებ
შის ანთებულ არემარეს,
ირგვლივ ყველა ხე თუ სახლი
სილამაზით გაგახარებს.

როს ბაგრატის ტაძრით ვტკბები,
ვესიტყვები ამხანაგებს:
— ეს ნანგრევი, მგონი, ჯობნის,
ზოგ ღლევეანდელ ახლად ნაგებს.

მაგრამ ღლეებს ღლევეანდელთა
უგალობდეს მგოსნის ლექსი;

წარსულიც ხომ კარგი გვქონდა,
აწმყოც გვქონდეს უკეთესი!

იჩხრიალოს! იშრიალოს!
იღუღაბოს ქვა და რკინამ,
და აღსრულდეს, რაც სამშობლოს
სიყვარულმა დაადგინა!

ქუთაისი!
მე ვარ მისი
შენამტკიცარ-შენათვისი, .
იგი არის ჩემი სიყრმე,
ჩემი ლექსის დასაწყისი.

ქუთაისი!
ლაღად ისმის,
როგორც სუნთქვა ვარდ-მაისის,
შორეული გზიდან მოდის,
დღენი ჰქონდეს მარადისი!

1970 წ.

მხოლოდ რწმენა

მე სიცოცხლეს აღარ მინდა,
თუ არ ვმღერი ჩემი ჭკუით;
იმ ქართველ ქალს ვერ ვაკოცებ,
სიყვარულში ვინცა ტყუის.

გაუმარჯოს ყველა მართალს,
როცა ასეთს სადმე ვპოვებთ;
სამშობლო თუ მიმსახურებს,
სხვა რა უნდა მსურდეს პოეტს?!

ჩემი ლექსის ყველა სიტყვა
მძიმე შრომით მოვიპოვე;
სულ წამართვით ყველაფერი,
მხოლოდ რწმენა დამიტოვეთ!

მხოლოდ რწმენა, ჰირთა თმენა
გულის ენად მომცა ზენამ,
რაც სიცოცხლეს ძალას მატებს
და სულს აძლევს აღმაფრენას.

აღმაფრენა, ვარსკვლავთ წვდენა,
აი, ქვეყნად ყოფნის აზრი,
დედაარსი სიყვარულის,
სიცოცხლის და სილამაზის!

1970 წ.

„კომუნისტის“ 50 წლისთავზე

ჩვენი მაცნე და მოამბე,
ჩვენი ფიქრების მტვირთველი,
გაზეთი, რომლის გამოცვლას
შეჰხარის ყველა მკითხველი;
ჩვენი მარჯვენის მეხოტბე,
სიკარგის კარგზე მიმთვლელი,
მუდამ ერთგულთა ქრმაგი,
ორგულთა განუკითხველი.

ცა როცა მტრედისფერდება,
როცა ცისკარი ინთება,
ხან მზე მოასწრებს, ხან გაზეთს
მოაქვს მზიური დიდება,
დღე, შრომის აღში ჩაფლული,
ნალევრდალივით ღვივდება,
პურად მწიფდება ჩეჩილი,
შუმი ქვევრებში ღვინდება.

გრიანებს როტაციონი,
მოფრინავს თეთრი მტრედები,
კითხულობ: როგორ აყვავდა
ჩვენი ველი და ქედები,
ყოველ სვეტიდან ხმა ისმის
სამშობლოს შემოქმედების,
გულს სიხარული აღავსებს,
სიცოცხლით დაიმედდება.

მაგრამ სიხარულს თან ახლავს
დაღონებაც და ცრემლებიც,
როცა ვიეტნამს ან კონგოს
უშენენ ტყვიამფრქვევლები;

— ღმერთო, მტერს რისხვა მიაგე!
ხმამალლა დავიწყებულები,
თან ლოცვით ვიტყვი: — სამშობლო,
შენს მთა-ბარს შემოვევლები!

მოხატულ ქართულ ასოებს,
ჩაწიკნიკებულს გიშრებად,
გადახსნი, მთელი მსოფლიო
თვალისწინ გადაიშლება,
რომ ჩვენი ახალგაზრდობა
არ დაიზარდოს მშიშრებად,
რომ ნიქსაც უნდა, ვით მერანს,
ლალად სადავის მიშეება.

თავს დასტრიალებ სამშობლოს,
ცა ფირუზს, ზურმუხტ მთებიანს,
შენს ჩირაღდანზე რამდენ კაცს
გონება განათები,ა,
მეც შენი მძლავრი მარჯვენა
მხარზე იმედად მდებია,
და შენს დაზგებთან მრავალი
ლამე დღედ მითენებია.

შენა ხარ ყველა ბოროტის
დამტრგუნველი და მძრახველი,
აეს ავით ეპასუხები,
კარგს ამკობ კარგის სახელით,
შენი ხმა მწვერვალს ასცილდა,
მეცხრე ზღვის გაღმა გახველი,
ხარ ძალსა შიგან უდრეკი
და ჭირთა გადამლახველი.

საუკუნენი გაგველოს
ასე გმირული ბრძოლითა,
კვლავ დაუნდობლად ამხელდე
სიგლახეს გადაყოლილთა,
ხოტბას ასხამდე მშრომელ კაცს,
ვინც ხარობს ქვეყნის მოვლითა,
გიყვარდეს ყველა კაი ყმა
სიყვარულითა ყოვლითა!



უშთაგონებო ვრჩები მე იმ დღეს,
როცა ვერ ვხედავ შენს ხატოვნებას;
მარტო შენ გიმზერ, მარად შენ გიმღერ.
მხოლოდ შენ მაძლევ ზეშთაგონებას.

რისთვის მიკარგავ ამ ძვირფას წუთებს,
რომ არ მოდიხარ და თავს მანატრებ?
გამოჩნდი, ელვას დამასაკუთრე,
თავზე ცისკარი გადამანათე.

და შერე ნახე, როგორ ავანთებ
სულის ტაძარში ოქროს კელაპტრებს,
გადმოშუქდება ზეცის თავანზე,
მის შარავანდედს ბევრი შენატრებს.

მაგრამ შორია გზები შენამდე,
თვალწინ მყავხარ და მაინც ვერ გწვდები,
შენ გავხარ მთებში მფრინავ შევარდენს,
მე კი მამძიმებს სიბერის წლები.

ვაი, რა ვუთხრა ჩემ ბედის დამდებს,
რომ სატანჯველად მიმცა ქვეყანას,
რად გამაჩინა შენზე უადრეს,
ან შენი თავი რად შემაყვარა?!

1970 წ.

სულ გედნიერ ფეხზე გავლოთ

სექტემბერი,
შემოდგომა.
საოცნებო მზე და დარი,
ახალ ყრმათა მოსახმობად
აწკრიალდა სკოლის ზარი;
იფურცლება „დედა ენა“
ყმაწვილთა გულგასახარი,
რომ ვისწავლოთ,
რომ ვიმძლავროთ,
რომ მთასავით გვედგას მხარი.

აქლურტულდა,
აშრიალდა,
აფრთხილდა ბავშვთა ჯარი;
მეც სკოლისკენ მივიჩქარი,
რომ ხელახლა დავინახო
გაფრენილი ჩემი ყრმობა,
გულში მდგარი გაუქრობლად
და ფრინველთა მუსიკობად
გაირბინოს ჩემთან ახლო.

ჩემი სკოლა,
ჩემი სკოლა,
შორს, სოფელში ჩუმად მდგარი,
ალბათ ყრმათა მოსახმობად
ირეკება იქაც ზარი;
მისმა ნატვრამ დამაღონა,
გამიჩინა გულზე ბზარი,
ჩემი ყრმობა,
ტკბილი ყრმობა,

მაგრამ წინ დგას მომავალი
სამშობლოს და ჩემი ხალხის,
იავნანად ისმენს ყველა
დიდი ბრძენის გადმოძახილს:
რომ სწავლაა ჩვენი დედა,
რომ შრომაა სიხარული,
რომ ვეძებდეთ,
რომ ვპოვებდეთ,
რომ სიცოცხლით ჩქეფდეს გული!

და ნუ გინდათ სხვისი მთები,
სხვისი მზე თუ სხვისი ჩრდილი,
უნდა გწამდეს,
უნდა გახდეს
მხოლოდ შენი ქვეყნის შვილი;
ხის ტოტები ისე ზარდო,
როგორიც აქვს იმ ხეს ძირი,
თქვენს შემდგომად რომ ჩვენც გვექნეს
სამარეში მშვიდი ძილი!

ჩვენო ნორჩო მალხაზებო,
ფრთამერცხლებო,
თვალნაზებო,
ჩვენი ქვეყნის ტბილო რთველო,
შვილებო და შვილიშვილნო,
სიყვარულით დასათვლელნო,
სულ სწავლაში,
სულ შრომაში,
სულ ბედნიერ ფეხზე გველოთ,
გემღეროთ და გაგემარჯვოთ
თქვენ — მომავალ საქართველოს!

რომანტიკული საღამო

ზღვას გავცქეროდით... მღელვარე ტალღა
თითქოს ლამობდა გაფრენას ცაში;
შენ გახარებდა სტიქიის ბრძოლა
და ალტაცებით შემოჰქარ ტაში,
ვითომ იდექი არა ზღვის პირად,
არამედ სადღაც, რთველში თუ მკაში,
და ვერც კი გრძნობდი რომ ჩემი გული
შენს ახლო უფრო ღელავდა მაშინ.

ეხედავდი შენს შუბლს, ზღვასავით გაშლილს,
ცისარტყელა რომ აკრავს სინათლედ,
როგორც დაისზე მზე დამავალი
ზღვის გაშლილ სარკეს აათინათებს;
მე შეგყურებდი და გულში ჩუმად
სადმე ჩარდახში ყოფნა ვინატრე,
რომ ჩემი ბაგით უხვად შემესვა
შენი მზიური სახის სინაზე.

რაც უფრო ტალღა კლდეს ეხლებოდა,
შენც სიხარულის ზღვად იღვრებოდი,
ჩემი ფიქრები შენ გეხებოდა,
შენი ოცნების გზებს მივყვებოდი,
გავეხვეოდი მეც იმ ტალღაში,
შენს თვალთა მზერას რომ შევხვედროდი,
მაგრამ მციოდა და უნებურად
შენი ღიმილის მზეზე ვთბებოდი.

ასე ვიყავით დაღამებამდე...
და როცა ზღვაზე დაჯდა უკუნი,
ჩაქრა ხანძარი და ქვეყნად დარჩა
ზღვაც და ეს გულიც გადაბუგულა,

აღარ ისმოდა ტყის შარიშური,
აღარც გალობდა ვარდზე ბუღბუღი,
მხოლოდ მარტოდენ პოეტის მკერდში
მძლავრად ისმოდა იმ ზღვის გუგუნნი.

იყო ფანჯარა ზღვას გადამდგარი
და ფანჯარაში ვით ბადრი მთვარე,
იცქირებოდა ჯეირნის სახე,
აბრიალებდა მოშვილდულ თვალებს,
გადმოხედავდა ზოგჯერ მალულად,
შემოანგრევდა ამ გულის კარებს,
მაშინ გადაწყდა, და ის თვალები
სამარადისოდ მე შევიყვარე!..

1970 წ.

რ ა დ ა გ ი შ ა ვ ე ?

რატომ ამაფორიაქე, რა დაგიშავე?
გთხოვდი, აგრე ნუ მიცქერი, არ დაიშალე,
ჩამიღვენთე გულში შენი თვალთა სიშავე
და ქვეყანა ბაღჩა-ბაღად გადამიშალე!

შენი შუქის აბრეშუმით სული მოვქარგე,
რაც კი სევდა-დარდი მქონდა, მიეკარგ-მოვქარგე,
შენს ძეხნაში ამ შორეთში გადმოვიქარგე,
მადლი უფალს, რომ ვიპოვე შენი სიკარგე.

ჩემი ფიქრის ალამდარო, ცამდე ასულო,
ჩემს მკლავებზე მოხვეულო ალადასტურო,
გთხოვ, სიცოცხლის სიხარული არ დაასრულო,
და ტრფიალით სიკაბუკე დამიდასტურო.

სიყვარულით გამიშუქე გულის ლამპარი,
ლაღად გამისინამდვილე ტრფობის ზღაპარი,
გაზაფხულად გამიმწვანე წლების ზამთარი,
და დავდივარ მაგ ღიმილის ელვით გამთბარი.

ჩემთა ლექსთა, ფიქრთა ჩემთა ოქრომქედელო,
ცრუ ბედის წინ აღმართულო მთების კედელო,
სევდის ზვავთა გზების ზღვართა გადამქეტელო,
და სიცოცხლის გზნების ტაძრად ასაგებელო.

ეს ქვეყანა ბაღჩა-ბაღად გადამიშალე,
ჩამიღვენთე გულში შენი თვალთა სიშავე,
გთხოვდი, აგრე ნუ მიცქერი, არ დაიშალე,
რატომ ამაფორიაქე, რა დაგიშავე?!

1970 წ.



შემოდგომით გაზაფხული
მაგრძნობინა შენმა გულმა,
ხევში თავქვე მიმავალი
აღმართისკენ შემაბრუნა.

გამიმზევა მომავალი,
გამიბრწყინა ლექსის ენა,
მე მეგონა ვლამდებოდი,
მან აისად გამათენა.

აღმიშენა ციხე-კოშკი,
დამაბრძანა, მომასვენა,
საალერსოდ მომეახლა,
სიჭაბუკე გამახსენა.

სევდის ჟანგით დაფარული
გადამფერა, გამამძაფრა,
და სიცოცხლის ნეტარებას
ხელმეორედ დამაწაფა!

1970 წ.

* *

უშენოდ ეს ზღვა წყალია,
შენ რომ ხარ, ეს წყალი ზღვა არი;
და მიხვდი, რომ მხოლოდ შენა ხარ
ჩემი სიხარულის საზღვარი.

წახველ და ზღვა დაცხრა ზეიადი,
მზეც ნაზად ეფრქვევა მწვერვალებს,
ბუნება დამშვიდდა და მარტო
მე დავრჩი, მე დავრჩი მღელვარე.

ზღვის გულზე დაისი აენტო,
ცა თითქოს ქართული თონეა,
დიდი მზე ტალღებზე მისცურავს,
შენ გიცქერ, შენ გიცქერ, მგონია!..

1970 წ.

მ თ ვ ა რ ე ს

„ახლა მე ვოცნებობ, შენთან ამოვიდე,
შენგან გადმოვხედო ჩვენს დედამიწას;
იქნებ მეც მოვესწრო,
თორემ ჩემი შვილი
რომ მოგინახულებს,
ეს ნამდვილად მწამს!“

როცა დავწერე ეს ერთი სტროფი
და სხვა სიტყვათა ძეხნად მივექროდი,
მთვარეს ესტუმრა უკვე ამსტრონგი
და შემაცივდა ხელში სტრიქონი.

ეს რა დროში ვართ!
პოეტი სიტყვით
ვერ დასწევინხარ მქროლავ ეპოქას;
ადამიანი კოსმოსში მიჰქრის
და მე ლექსებზე ფიქრი მეყოფა?!

თუმცა რას ვამბობ!
განა იმ ფოლადს,
ვარსკვლავთა გზებზე რომ დასრიალებს,
ადამიანის აზრი არ აწრთობს
და პოეზია არ ახმიანებს?!

მათი ერთუბრთის სიელვარეში
ცხოვრების წინსვლა უნდა ვეძიოთ,
არც ლექსი ვარგა რკინის გარეშე
და არც ფოლადი — უპოეზიოდ!

1971 წ.

ს ა გ უ რ ა მ ო შ ი

მე ახლა საგურამოში ვცხოვრობ,
„დიდის ღმერთის საკურთხეველის“ ახლოს;
ნამდვილი გლეხი გეგონები,
დილით რომ ჩემს ბაღში მნახო!

ხან ვბარავ, ხან ვთოხნი, ხან ვკაფავ,
შრომაში გულის დარღს ვიკლავ;
ზოგჯერ მტრედევით მოფრინდება
ლამაზი, სალექსო სიტყვა.

შემრცხვება!..

გავხედავ ილიას კაკალს,
თვალეებს მიმოვაფრენ ჩარგალის მთებზე...
მერე კრძალვით ავიღებ კალამს
და ვახსენებ პოეზიის ღმერთებს.

პირველად, რა თქმა უნდა, დავლოცავ სამშობლოს,
მერე შვილებს და შვილიშვილებს: —
რამდენი კარგი ფიქრი შემიძლია,
თვითონ ღმერთი რომ არ მიშლიდეს.

ღმერთო! მე, რაც გინდა, ის მიყავი,
ოღონდ ჩემს ქვეყანას გარდმოხედე,
ნუ აგვეყრი დედაბუდიანად
და ნუ გადაგვაქცევ მოხეტედ.

ჩვენი მიწა-წყალი დაიფარე,
ჩვენი ნაოფლარი დაგვიბედე;
არასდროს არავისი არაფერი გვინდა,
სულსაჲ გაგიყოფთ, ოღონდ გაყოფა დაგვანებე!

ჩემი ნალვერდალი უკვე დაიფერფლა,
დრომ მას ცივი ნაცარი მიაყარა,
ველარ მოვასწარი, რაც უნდა მეტქვეა,
და შომდის ცრემლი ნიაღვარად.

სიცოცხლეო, მაინც უსაზღვროდ მინდიხარ,
მაინც მსურს მომავალმა გამახაროს,
თითქოს ვემსგავსები ვაჟს მინდიას
და მინდა გადავძახო მთელ სამყაროს:

რამ აგაფორიაქათ, ადამიანებო,
რატომ ვერ ეტევიტ საკუთარ ტყავში, —
ამერიკაში განა ცუდი ბუნებაა,
რა გინდათ ვიეტნამში?!

1971 წ.

ისევ ის ცრემლი

როცა გიგონებ, ქვეყნად მხოლოდ მაშინ ვიწყები...
ვერ ვიფიქრებდი, თუ ოდესმე დამივიწყებდი;
მე ისევ გეტრფი, ჭაბუკურად, თავდავიწყებით.

და როცა თვალის მისალულად სადმე მივწვები,
და თავს მაცვია ვარსკვლავები, როგორც წიწვები,
ბურანში ვცურავ, სიცხისაგან აითქოს ვიწვები.

შენ კი ჩემს ახლო, ვით ლერწამი, ისე ირწევი,
სიზმარი ჩემი ახლოვდება და როგორც მრწემი,
ხელებგაშლილი მოსახვევად წამოვიწევი.

მაგრამ ამაოდ, შენ კვლავ ნისლად გადაიქცევი,
მეც, მოცელილი, სარეცელზე უხმოდ ვიქცევი
და იღვენთება წამწამთაგან ისევ ის ცრემლი.

1972 წ.



შენ, ჩემო გულის ტკივილო,
ჩემო დარდო და ვარამო,
მაინც შენა და შენა ხარ
ჩემი ჭრილობის მაღამო.

ყველა გზა შენთან თავდება,
შენს იქით დიდი ხრამია,
ახლოს ხარ — ბნელიც ციმციმებს,
შორს თუ ხარ — დღეც კი ღამეა.

ამიტომ ბლომად დავლიე
მე სიყვარულის შხამია,
და მწარე ცრემლით ავავსე
ჩემი ცხოვრების ჯამია.

გამოვიარე კლდე-ღრენი,
თვალიც არ მიხამხამია,
და შენს ტრფიალში დავხარჯე
სიცოცხლის ყველა წამია.

ხან ჩემი ლოყის ბალიში
ცრემლებით დამინამია,
მაგრამ განვლილი სიცოცხლე
არასდროს დამინანია.

კვლავ შენ ხარ ჩემი ტკივილი,
გულის დარდი და ვარამი,
მაინც შენა და შენ გიმღერს
ჩემი ალალი კალამი!..

1972 წ.

• •

შენს მოლოდინში ეს დღეები მძიმედ მიდიან,
და მე დავდივარ ეულივით ამ ზღვის არეზე;
შენი თვალები ჩემი სულის მეზთამრიდია
და ჩემს გულს სხვათა გაღიმებას არ აკარებენ.

აბა მგოსანმა უღიმღამოდ როგორ ვიარო,
ან შენს გარეშე ამ ვარსკვლავებს როგორ ვუცქირო?
ვისთვის ვიმღერო, ანდა ვისლა გავუზიარო
ჩემი ფიქრები, ამ ზღვასავით ღრმა და უძირო?!

გემუდარები, გამოჩენას ნუ დააყოვნებ,
ნუ შემოძრწუნებ გრძნობას ისეც ღრუბელმოსილსა,
რომ შეემატოს სევდიან გულს მეტი ძალ-ღონე,
და კვლავ ვიხილო სახე ციურ ანგელოზისა.

მე შენს გარეშე, კარგად იცი, აღარ ვარსებობ,
ველარ ვოცნებობ, ველარცა ვქსოვ ლექსის სტრიქონებს;
ვილას გავანდო ჩემი დარდი, ან ჩემი სევდა,
თუ შენი გული კეთილ ზრახვებს არ გამიგონებს?!

ჩემო სურვილო, გადმოლაზე გზები კლდოვანი,
გამომზეურდი, ჩემს დაღლილ გულს მოესალაბუნე,
რომ გაჭაბუკდეს სიყვარული ათასწლოვანი,
რომ კვლავ აღზევდეს სიხარული, რაც შენ მარგუნე!..

1973 წ.

გალაკტიონის კითხვისას

შუალამე გადასულა, საათს იპყრობს შიშის ზარი,
გარეთ ქარი დაჭირითობს, ვერაგი და უმეცარი;
ჩემს ახლოს კი გალაკტიონს გაუშლია თვისი ქნარი
და მეძახის: პოეზიას გაუღეო გულის კარი!

გაუღეო გულის კარი და დასკეჟე, როგორც ზარი,
მხოლოდ ხალხის წარმტაც ფიქრებს მთელი სული მიაპყარი,
ამღელვარდი და წინსვლისთვის ტალღებივით დაიძარი
და წამოდი, როგორც ქარი, ანდა მთათა ნიაღვარი!

მეც ავმღერდი, მეც ავბორგდი, მეც ავტეხე ზეიმ-ზარი,
ხან ქარბუქად მომქროლავი, ხან ტალღებად ამომსკდარი,
არ დავტოვე არც მთა-ბარი, არც ზღვისა და არც ცის კარი,
მაგრამ ვერა გავაწყვე რა და დავრჩი გულამომჯდარი.

და შევეუღვი ცრემლებს ღარი, იდინა და იმღელვარა,
ღა დაგროვდა ისე ბევრი, არასოდეს დაიღევა,
წამოვიღე, ვთქვი, ახლა ხომ მეც მექნება ტალღის ძალა,
მაგრამ გზაში შემისრუტეს ბუჩქებმა და ყვავილებმა.

დარჩა ისევ დიდი წიგნი, ჩემს წინ ცეცხლად დანთებული,
ვით რუსთველის მარგალიტი, ვით მზით სავსე დანტეს გული,
ან გოეთეს ელვარება, ან შექსპირის სიტყვის განძი,
მაგრამ ხელსაც არ ვაკარებ, მეშინია მისი ხანძრის!..

1973 წ.

ს ა ლ ხ ი ნ ო უ ი

ნოე ლორთქიფანიძის ეზო

ექსპრომტი

მე ამ ეზოში მეორედ მოველ.
პირველად იმ დიდ გალაკტიონთან;
მაშინ ამ ქადრის მწვანე ფოთლებში
მზისა და მთეარის ოქრო დიოდა.

ჩვენ დიდი მგოსნის ლექსი გვშიოდა,
მანც ღვთაებრივად გახსნა ბაგენი. .
მე ბევრი ვდიე მას კვალზე, მაგრამ
უკვდავების გზას ვერ მივაგენი.

ის მზეს მისდევდა ლურჯა ცხენებით,
მის ქროლვას თვალიც ვერ დავაწიე;
მერე დავცალე ღვინის თასები
და გულის დარდი ამით დავძლიე.

დღეს კი მეორედ ვარ ამ ეზოში,
დღესაც კვლავ ღვინო ძარღვებს ახურებს,
მაგრამ არ გვახლავს გალაკტიონი,
რომელიც, ალბათ, ციდან დაგვეურებს!..

1973 წ



მშვენიერება ღვინოსავით მათრობელია;
მე შენს მშვენებას ვაზის ლერწოდ შემოვებხვევი.
ახლა კი წავალ, მეგობრები რადგან მელიან, —
დაგვიანება სიყვარულში საშინელია;
ისე გაცოცხლებ, რომ ბაგეებს არ შევეხები.

მაგრამ თუ ჩემდა უნებურად ვერ გავუძელი
და შენს საყურეთ ჩრდილის ახლოს მოვიტყუარუნე,
გახსოვდეს მუდამ, რომ ქანაობს სიკვდილის ცელი
და ქვეყანაზე არაა რჩება მას შეუცვლელი
და ბოლოს მაინც განშორებას წილად გვარგუნებს.

და ნუ იქნები გულზგავი და შეუბრალები,
ნუ აღუდგები სიყვარულის მღელვარ მდინარეს,
ნუ განრისხდება გრძნებით სავსე შენი თვალები,
ნულა გახდება გულთა მწველი ცეცხლის ალებრივ,
თორემ ცხოვრების დასასრულში მწარედ ინანებ!..

1973 წ.

მოხუცის ფიქრები

გამარჯობა, სიკვდილო,
რალას მეკამათები?
ვიცი, ბოლოს ჩამიხვევს
შენი შავი კალთები.

ბოლოს მეც ხომ შევიცან
ამ ცხოვრების ზღაპრები;
შვებას არ ღირსებიან
არც ჩვენი წინაპრები.

და როგორც მსურს, მომავალს
ისე ვერ ვესწრაფები,
ნიავეს დაუხვევია
ჩემი ნავის აფრები.

მაინც ბლომად შემომრჩა
აბრეშუმის ძაფები,
რაც უნდ მუქთად გამყიდო,
ველარ გავიაფლდები.

სხვისი ოქრო—ზარნიშით
აწ ვერ მოვინამქრები,
ხანძრად აალებული
პატრუქივით ჩაეჭრები.

რომ არ ავეყვე ამ ფიქრებს,
მოდის, ერთი დავთვრები,
ჩემს მტრებსა და მოშურნეთ
ავურიო დავთრები.

გაზაფხულიც მინახავს,
უფრო მეტი — ზამთრები,
ცხოვრებამ თუ დამაზრო,
სამარეში გავთბები!..



მე შენს ბალჩაში სამოთხეს ვკერეტიდი.
სიცოცხლეს ვგრძნობდი ტკბილსა და ნეტარს,
შენ იდექ ჩემ წინ, ვინ ნათლის სვეტი,
მეც ვნათლებოდი, როგორც პლანეტა.

და გულში ვბჭობდი: ახ, ნეტავ, ნეტავ
შემეძლოს ახლად გაქაბუკება,
ვუძღვნიდი ყველა ჩემს გრძნობას ერთად
და ლექსებს, გულში რაც დაგუბდება.

თუმცა ხანდაზმა განა შემიშლის
ღირს ვიყო შენი ტრფობის ტარების?
რახან შენს ლამაზ ბალში შემიშვი,
უნდა გამიღო გულის კარებიც.

ნუ დაიშურებ მზე და მთვარული
შენი ციმციმის ელვა-ნათებას
და დარწმუნდები, რომ სიყვარული
სიკვდილ-სიცოცხლეს ალემატება.

რამეთუ იქეც სინათლის სვეტად,
ამაბი სხივი გულზე სიმებად,
რომ ვიდგე შენს წინ, როგორც პლანეტა
და სულ მანათოს შენმა სხივებმა!..

ღ ი მ ი ლ ი

ღიმილზე უფრო ქალს ძვირფასი რა უნდა ჰქონდეს?
შენც გააღიმე, ღიმილია ბაგეთ შშვენება;
მზეც ხომ იღიმის, ქვეყანაზე ამოდის ოდეს;
დე, სიყვარულიც ჩაუქრობელ ღიმილად ჰქროდეს,
რომლის გარეშე კაცთ ცხოვრება გადაშენდება.

და თუ ღიმილის ცისარტყელას ჩემკენ მოჰარბავ,
და თუ მოიღებ გულის კართა ეგზომ გაღებას,
იხევ გაგზდები საქებარი ტოლ-მეგობართა,
ვზღავ, თუ კი ოდეს სიყვარულის ვალი მემართა
და ჩემი ჩანგიც სიმღერებით კვლავ გალალდება.

და დაინახავ, რომ ეყოფილვარ სულ სხვა მესია.
დე, ჩემი ქნარი შენი გულის კართან აენტოს,
გამომზეურდეს, რაც ფიქრები გულზე მესია;
ღწამდეს მარადის: სიყვარული და პოეზია
იერ იარსებებს ქვეყანაზე უერთმანეთოდ!

1973 წ.



ლილისფერი ცა მთის გადაღმა ისე ელვარებს,
რომ მისი ლანდი აჩირალდნებს თმათეთრ მწვერვალებს;
გაღმოვიკარგე, რომ არ შევხვდე სადმე შენს თვალებს,
მაგრამ ვერ იქნა და ვერასგზით ვერ დავეშალე.

ამ ულრან მთებში მე ცხოვრებას გამოვეპარე,
რადგან ჩამიქრე მიწნურობის ალი მგზნებარე,
ვთქვი: უამური ჩემი ყოფა გათავდეს ბარემ,
აწ ხომ სიყვარულს ჩემი გული ვერ მიიკარებს.

უგზოდ დავდივარ, მიუსაფრად, მუდამ მღელვარე,
უხმოდ, უენოდ, უფიქრელად, თითქოს მთვლემარე.
მწვავს უალებო ჩუმი ცეცხლი გულში მნთებარე,
ზოგჯერ მგონია, რომ მკვდარი ვარ, კუბოს მღებარე.

ამ ულრან მთებში მე ცხოვრებას გამოვეპარე,
უგზოდ დავდივარ, მიუსაფრად, მუდამ მღელვარე!..

1973 წ.



შენი უარი როს ვისმინე, მაშინ გავთავდი,
მულღაზანზარზე გადმოხვეწილს ვგავდი ავთანდილს,
წუხილი ჩემი აღიოდა, ალბათ, ცათამდი,
და უნუგეშო ამოხვრას ნიავეს ვატანდი.

შენზე აწყობილ ჩანგის სიმებს ქარში ვფანტავდი,
შენთვის ჩამოქნილ ლექსთა ფურცლებს შუა ვფატრავდი,
შენს იერსახეს ცის გუმბათზე ცრემლით ვხატავდი,
და უმალ ვიგრძენ, რომ საოცრად დავპატარავდი.

როცა გიხილე, ორგულ მიჯნურს სულაც არ გავდი,
საამურ ენით საალერსო სიტყვებს ქარგავდი,
ო, რა ვიცოდი, თუ სიცოცხლის მიზანს ვკარგავდი,
თორემ ამგვარად სიკაბუკეს არ დავჩაგრავდი!..

შენი უარი როს ვისმინე, მაშინ გავთავდი,
და უმალ ვიგრძენ, რომ საოცრად დავპატარავდი.

1973 წ.



შენი გულის აბრეშუმი
თავზე გადმომეფარა,
ნეტავ რად ხარ აგრე ჩუმი,
რად აოცებ ქვეყანას!


მე შენსავით ვერ ვიყუჩებ,
გულის წადილს მივენდე,
უნდა დავწვდე მაგ ტკბილ ტუჩებს,
უნდა გავბედნიერდე...

რომ შევიქნე შენი გულის
მფლობელიც და მლოცველიც,
მალე დავთვრე სიყვარულის
იღუმალი ოცნებით.

ვერ ჩაგხედონ გიშრის ტბაში,
ჩადრს დაგხურავ თვალებზე,
გაგიტაცებ დალესტანში,
... ლეკებს დააბრალებენ!..

1971 წ.

პირველი ჟანრები



ქართული პოეზიის არწივს

მეც განმიცდია წყაროს სიზმარი,
ოზოლ შვლის ნუკრის ცრემლების დენა,
მეც გამიღია ბუნების კარი
და გამიგია ფრინველთა ენა.

მეც შემეგრძნია შენი ფანდურის
სიმების ჟღერა დამატკბობელი,
და გრძნობა, ლექსში გადასტამბული,
მიყვარდა, როგორც დედა მშობელი.

ვეცქერდი ბუჩქებს მე გატაცებით
და ხმელ წიფელზე შტოა ამონაყარს,
ბევრჯერაც ჩემი ბავშვურ განცდებით
ჩხიკვთა ქორწილში ვყოფილვარ მაყარად.

მინახავს ბევრჯერ მე ღამე მთაში
და ყვავილებზე ცრემლები დილის;
ბედნიერი ვარ, ჩემს გამოზრდაში
რომ შენს წიგნებსაც მიუძღვის წილი.

ვარსკვლავნი კვლავად გაიხარებენ,
მთებზეც დაწვება ნისლების გროვა,
ცის წიაღიდან ხევში წყაროზე
პირდასაბანად მთვარე ჩამოვა.

მდინარეები ხევში ჩქერებზე
ჰანგს იმღერებენ მზის და ვარდების,
შენსავით ფანდურს ააქლერებენ
ჩემი თაობის ახალგაზრდები.

სიცოცხლის ძალას კვლავ დავინახავთ,
იელვარებენ დღენი მზიანი,
მაგრამ მე ვწუხებარ, რომ შენ არა ხარ
ჩვენი ცხოვრების თანაზიარი.

ვერ მოგიარეს და ჩაგყვა დარდად,
მთების ჰავა რომ გენატრებოდა,
ან ვინ იცოდა, შენში შენს გარდა
მსოფლიოს დიდი ნიჭი კედებოდა?

წარსულმა თუ ვერ აგარიყრავა
და გქონდა გული დანაგესლავი,
დღეს შენს სიმღერებს, ძვირფასო ვაჟა,
მშრომელი ხალხი ეტრფის მზესავით.

გული მოიცვა სხვა გაზაფხულმა,
ახლა მთის ხალხი არ კლავენ სტუმრებს;
ამ მზის ხანაში რამ დაგადუმა,
შენ — უტყვ ბუნების მესაიდუმლე!

ვარდებმა გული წითლად გაშალა,
მკერდში ჩაიკრეს მზე მოცინარი,
შენი საფლავიც გამოიცვალა
და ახლა უფრო ლამაზი არი.

მთაწმინდის მიწა გინახავს ფრთხილად,
ჩარგალის მთებში აკვანნარწევო,
შენი ჩანგის ხმა უფრო გაზრდილა,
ქართული ლექსის დიდო არწივო!

რად გიდუმს ენა — გრძნობის მთაფლავი,
ჩამომქუხარი, როგორც არაგვი,
როგორ გავთხარო გულში საფლავი,
თორემ შენს ცხედარს მოვიპარავდი.

მზე — განთიადის ცაზე დამწერი,
შენს ხსოვნას ეტყვის ახალ სიმღერებს,
თანდათან გაგზრდის ყოველი წელი,
მაგრამ ვერასდროს ვერ დაგაბერებს.

კვლავაც დაგვატკობს შენი ხმა წმინდა,
მზის სხივებივით ხალხში გაშლილო,
მთების ახალი სიმღერა გვინდა,
სადა ხარ, ვაჟა რაზიკაშვილო!

1936 წ.

ჩემი თბილისი

ძველმა თბილისმა და ნარიყალამ
მხრებიდან ნისლი გადაიყარა.

ხ ა ლ ხ უ რ ი

ყოველი კუთხე, დამტკბარი დღისით,
სიამით ისმენს ღუღუნს მტკვარისას,
მოწმენდილ ცას ჰგავს ღამით თბილისი,
მთაწმინდა მკერდზე ვარსკვლავებს ისხამს.

მისი კალთები მაგონებს ლაქვარდს,
ღუმლით დგანან საფლავზე ხენი,
ძმად შეჰფიცვია აკაკის ვაჟა
და საუბრობენ გასაგებ ენით.

ლამაზ ბაღებში ჩახვალ თუ არა,
ზღვა სიხარულით შეიმოსები,
შეირხევიან ქალწულის გვარად
ტანაშოლტილი კვიპაროსები.

შეირხევიან, როგორც ზვირთები,
როცა ნიავე მიუალერსებს, —
ათასგვარ განცდით დაიტვირთები,
აბა, მოდი და ნუ დაწერ ლექსებს!

როცა მეზადე აუზში აშლის
შადრევნის ტალღებს მაღალტანიანს,
ასე მგონია, თითქოს გრიშაშვილს
პეტერგოფიდან მოუტანია.

ნარიყალა კი, ამაყად მდგარი,
ახლაც რომ ზოგჯერ მწუხრი სჩვევია,
იგონებს თითქოს, თუ მტრების ჯარი
თბილისს რამდენჯერ შემოსევია.

მეტეხმაც გული გამოიცვალა,
ამაღლდა ახალ ცხოვრების გზაზე;
თბილისი არის ლექსების ძალა
და პოეტებიც მღერიან მასზე.

1936 წ.

ილიას ხსოვნას

შენ მოგკლეს... მაგრამ შენი მგოსნობა
ჩვენში მზესავით დარჩენილია.
ვერაგებს სურდათ შენი მოსპობა,
მაგრამ ვერ მოგკლეს, დიდო ილია!

გასწირეს შენი დიდი სახელი,
დაუძრახველი, მზიურ გაშლილი,
ბარში აკაკის წვაედა ნალველი,
მთაში მოთქვამდა რაზიკაშვილი.

ახლა კი დადგა სხვა გაზაფხული,
მამა-პაპათა ღვაწლი ფასდება;
და შენი მუდამ მგზნებარე გული
ცივ აკლდამაში ველარ თავსდება.

შემოიმსხვრია ლოდები ძალით,
ახალ ქვეყანას აზრებით ჰმოსაეს, —
რად გადგას თავზე მტირალი ქალი,
ცრემლი რად უნდა დიდებულ მგოსანს?

ბევრი ცდილობდა შენს უკვდავ სახელს
დაუფლებოდა ჟანგი და მტვერი,
მაგრამ... ყველაზე უფრო ის შალხენს,
რომ საფლავიდან დასძლიე მტერი!

1936 წ.

საშოგლოს მთებზე

მთებმა სუდარა ჩამოიცილა
მიწიდან ცამდე შავად ასული,
და შემოიჭრა ზაფხულის დილა
მზის მშვილდ-ისრებით აბჯარასხმული.

უფსკრულმა შთანთქა ღამის ბინდები,
გაბრწყინდა ველი ცვარნამიანი,
სიცოცხლეს იგრძნობს ხე და მინდვრები
როგორც ყოველი ადამიანი.

აშრილდება ტყეში ფოთლები,
ჩიტების სტვენა მოგტაცებს ყურებს,
ახმაურდება გაღმა სოფლები
და გაჰყვებიან გლეხები ურმებს.

ბაღში ვაზებმა მომტაცეს თვალი,
ხანში შესულან ყურძნის მტევნები,
მწიფე ზვარების ცქერით დამთვრალი
მთებისკენ ბილიკს ავედევნები.

რომ ჩემი კანი დაეყანგო მზეში,
(გულში ბავშვური გრძნობა გამეფდა),
რომ ვისაუბრო ხეებთან ტყეში,
როგორც საყვარელ ამხანაგებთან.

მზემ გააჩინა მთებზე ალმური,
ხესთან შველივით წამოწვა ჩერო; .
ვის არ აევსოს ამ ღზენით გული.
ან ვინ იქნება, რომ არ იმღეროს?!

1936 წ.

ზადიშე გოგინიქე

პირველი აპარელი მზრინაჲი ქალი

აღარ სჯეროდა ყურანის ძალა,
ვერ დაუჩრდილა თვალეზი ჩადრმა
და აჰარელი გოგო შეთვალა
მოწინავეთა რიგებში ჩადგა.
მოაგონდება გამზრდელი მთები,
მისი პატარა ყმაწვილქალობა,
ლაქვარდი ღამე, საესე ფიქრებით,
როცა ბუღბული ტყეში გალობდა.
მოაგონდება ეზო და სახლი,
მოაგონდება ნაცნობი შარა
და აჰარელი მშრომელი ხალხი,
მისი მშობლების წმინდა ჭადარა.
მაგრამ დატოვა ყოველი ძეგლი,
დატოვა სოფლად შრიალი ჭადრის,
გულს მოაშორა შეფიქრა ქსელი
და ჩამოიხსნა თვალთაგან ჩადრი.
სურდა ფადიკოს გაფრენა ცაში,
უნდოდა ასვლა ღრუბლებზე მაღლა,
რომ თბილისიდან იქ — აჰარაში
მიფრენილიყო, ცხრა მთის გადაღმა.
და აისრულა სურვილი კიდევც,
დაფრინავს რკინის ფრთებიან რაშით,
ხან შევეულივითი ძირს გადმოჰკიდებს,
ხან, ვით მაშხალას, აისერის ცაში.
ხან აჰარაში შორეულ მთიდან
გადაუქროლებს მთებსა და კლდეებს
და დაუმტკიცებს მეზობლებს ციდან
საბჭოთა ქვეყნის გმირულ საქმეებს.

1936 წ.

სალამო ზღვასთან

ჰორიზონტს ფარავს ნისლის მანდილი,
თვალს მერცხალივით დავაფრენ ზღვაზე,
ასე მგონია, ცა მოწმენდილი
ძირს ჩამოსულა დედამიწაზე.

ქლდეებზე ქარი ტალღებს აკვნესებს,
იღვრება ქაფად ზღვა უნაპირო;
მინდა ეს ღელვა ვასწავლო ლექსებს,
რომ შემდეგ ხალხმა დაიზეპიროს.

ტალღები გემებს კვალდაკვალ მისდევს,
შორს აფრიანი ქანაობს ნავი;
ასალამოვდა და ელვარე მზემ
უძირო ზღვაში „დაიხრჩო“ თავი.

დაიწყო მშვიდი ღამე, უეცრად
თითქოს დაწყნარდა ზღვის ავი გულიც;
ზღვაში ბათუმი აენტო ცეცხლად
და მოსჩანს, როგორც ოქროს კუნძული.

1936 წ.

ლაშქრობა მყინვარზე

1936 წელს მყინვარზე პირველნი ავიდნენ
ფრუნზეს სახელობის არმიის ნაწილები.

გ ა ზ ე თ ე ბ ი დ ა ნ

„სადაც დიდებულს მთასა მყინვარსა
ორბნი, არწიენი ვერ შეჰხებიან“,
დღეს ფრუნზელები დაესხნენ თავს და
ყინულის კლდეებს ეომებიან...

ცეცხლივით ენთო მათი გულები,
უჩქეფდათ სისხლი, ვით ნიაღვარი,
ვერ აშინებდათ კლდე ყინულების,
როგორც. შმიდტელებს მკაცრი ზამთარი.

ესტუმრნენ მყინვარს სახე შევერცხლილს,
აუწვდათ თითქოს ცაში ხელები
და დანთებული ქვემეხის ცეცხლი
მოჩანდა, როგორც ცისარტყელები.

უთვალავ წლების გზაზე მღუშმარი
მყინვარის წვერი აახმაურეს,
სადაც ამდენ ხანს მარტოკა ქარი
იყო ლოდებას მოყარაულე.

დაადგეს, როგორც ბედნიერება,
ბელადის ძეგლი ყინულის კლდეებს,
რომ დროის წინსვლა და ძლიერება
უამბოს ახალ საუკუნეებს.

1936 წ.

ხალხურ კილოზე

მე შენმა ეშხმა ამანთო,
გული მიქცია ფიქრებად;
ნეტავი იმას, ლამაზო,
ვინც შენი ტოლი იქნება!

მსურს გაგიშალო ეს გული,
როგორც ლექსების რვეული; —
მკერდზე გიფეთქავს მერცხლები,
თეთრ ფრთებში გამოხვეული.

ეგ შენი ტანი მაგონებს
ალვის ხეს მინდვრად დარგულსა;
რად შემომიჩნდი და ცეცხლი
რად წაუკიდე ამ გულსა?!

შენი თითები ვამსგავსე
ლერწმებს აყრილებს ბუჩქებად;
მაგ ლაყვარლისფერ თვალებსა
ვერავინ გადაურჩება...

შენი ღიმილი ჩამოგავს
ცაზე გარბენილ ელვასო,
მომხედე, თორემ ვერ ვაცხრობ
ამ გულში ამტყდარ ღელვასო.

ჯერ სიყვარული მაჩუქე,
ამივსე გული ლხენითა,
და მერე მთხოვე ლექსები,
დაგიწერ ოქროს ენითა!

1936 წ.

ჩემი პატივია

ვცხოვრობდი ქვეყნად კაცი კეთილი
და მქონდა რწმენა არაარობის;
ჩემი ცხოვრებით უკმაყოფილო,
ჩემს გაჩენაზე მუდამ ვდაობდი.

მზით და სიცოცხლით დატკობა მსურდა,
თვალის გახელაც ვერ მოვასწარი,
და ახლა მივხვდი, რომ ყველაფერი
წარმავალია, ქვეყნად რაც არი!

თქვენი სიცოცხლეც და ბრძოლის ხმებიც
გაჰქრება, როგორც თოვლის ნამქერი;
წიგნების წერა, ლექსი, რითმები
გართობაა და სხვა არაფერი.

ამაყი გრძნობა გაჰყვა შავ დროსა,
ქანგმა შეჭამა ლექსის აბჯარი,
როგორც სიცოცხლემ არ მკითხა მოსვლა,
სიკვდილმაც ისე გააღო კარი.

და ნუ გახდებით გულმანკიერი,
ნურც გაგიტაცებთ მელანქოლია,
ლატაკი, მეფე თუ მეცნიერი
აქ ყველა ჩემი თანატოლია!

1936 წ.

როდესაც ლეკს ვწერ

ჩემი ფიქრები იმ აზრს ვერ გასცდა,
მკითხველო, ჩემი გრძნობის აკვანო,
რომ ახლა ჩემში შექმნილი განცდა
შენს გულში როგორ გადმოვიტანო.

როგორ დავწერო ისეთი ლექსი
შენამდე გზები ჩქარა იაროს,
გაგათბოს გულის ამონაკენესით
და შენც ჩემსავით შეგაჟრიალოს.

როგორ გაჩუქო მზედ დაღვარული
გრძნობა, რომელიც ყოველთვის მახლავს,
როგორ გადმოგცე ის სიხარული,
რომელსაც გული განიცდის ახლა?..

რამდენმა ფიქრმა გადამიარა,
რამდენ ოცნებამ იცვალა ფერი
და დამრჩა თითქოს სევდის იარად,
რომ ვერ ვთქვი ლექსად მე ყველაფერი!..

ზოთა რუსთაველს

რა სახელი მოგინახო, შენზე დიდს რას შეგადარო,
შენ, მგოსანო, სიბრძნით სავსე და განცდები ნიაღვარო,
წარსულიდან შენ გვეკუთვნი, ჩვენო დიდო წინაპარო,
მსურს მოვიდე დღეს შენს ძეგლთან და ვარდები მოგაყარო.

პოეზიის დიდი დროშა ცის თალამდე ვინ აღმართა,
ვინ იქნება, რომ არ ეგრძნოს ბრწყინვალემა მაღალ აზრთა,
სიხარულის სავსე ზღვა ხარ და ბაღი ხარ გაშლილ ვარდთა,
შვიდასი წლის მოხუცი ხარ და მაინც ხარ ახალგაზრდა.

ვინ დაგირწია აკვანი, ქარმა ზენამ თუ ქვენამა,
დედის ნანინამ გაგზარდა თუ იადონის სტვენამა,
რომ შენი ჩანგის სიმები ვერ დასჭრა დროთა დენამა,
ელვამ — ხმალივით დაკრულმა, ქუხილის გადარბენამა.

ვერც მოგერია სიკვდილი, ვერ შეგიხარა წარბია,
გულს სიყვარული გაგშლია და ცეცხლით მოგიქარგია,
შენი აზრები ქვეყნებში ხარირმებივით დარბიან,
მხნეობას ჰმატებს მეომარს, ამხიარულებს დარდიანს.

წიგნს რომ წერდი, თვალწინ გედგა თამარისა ლერწმის ტანი.
ყორნის ფრთიან გიშრის ცქერით გახდი ლექსის ფალავანი,
შენი აზრი შეგვიტყვია, შენი გულის ძეგრა ვცანით,
რომ სიყვარულს შეუძლია შექმნას „ვეფხისტყაოსანი“.

პოეზიის დიდი ცეცხლით სავსე იყო შენი ქურა,
იღვრებოდა მისი ალი სიყვარულის სამსახურად,
განსაცდელში ხიდი იყო, ხელს უწვდიდა ძმასა ძმურად
და ბრძოლაში — შეუდრეკი, მტერს იპყრობდა მამაცურად.

იგი დღესაც არ ჩამქრალა, მისი ალი მოსჩანს მთებად,
იტაცებენ მას მგოსნები ხალხის გულში დასანთებად,
იტაცებენ და აღნობენ ხან სიმღერად, ხან ლექსებად,
მაგრამ განა ოკეანეს წვეთი წყალი დააკლდება?

რამ ჩაგიქრო თვალთა ხედვა და მოდულარ სისხლის დენა,
რა გრიგალი მოერია შენი ჩანგის აღმაფრენას,
რამდენ ქუხილს პატრონობდი და ბულბულის რამდენ ენას,
ეჰ, ვინ იცის, გულში პოეტს ჩაგყვა ცეცხლი რამოდენა.

ვინც წაგიკითხავს, დატკბება, გულს ვარდად დაეფინები,
წამს გაზაფხული დადგება, დილის მზის ამობრწყინებით;
ჩვენ გვატკობს შენი აზრები, ჩვენ გვიყვარს შენი გმირები,
ჩვენც ბევრი ავთანდილი გვყავს, ჩვენ გყვანან თინათინები.

მრავალი ციხე ავიღეთ, შენს ღროსაც აუღებელი,
თავისუფლების სამშობლოს ავუგეთ მკერდის კედელი,
გამარჯვება და გმირობა მუდამ ჩვენია მხლებელი,
ჩვენ სიხარულის განცდა ვართ, ზეიმი შეუწყვეტელი.

1937 წ.

პატარა ლექსი

დიდება მას, ვინც პატარას
გიმღეროდა ნანას ტკბილად;
ერთმა დედამ გშობა, მაგრამ
ყველა დედას ჰყავხარ შვილად.
კავკასიის მყინვარები
გაწოვებდნენ ძუძუს რძიანს
და აკვანი მთის კალთებზე
ქარიშხალმა დაგირწია.
შენი მზერა გავდა არწივს
და ცეცხლიან გრიგალს სძლიე,
აქუხდი და „ხალხთ ბორკილი“
დალეწე და დაამსხვრიე.
თვალი ახლაც არწივს გიგავს,
ოქროს სიტყვებს აფრქვევ ღვარად,
გამარჯვების დროშა მიგაქვს
კომუნიზმის საწინდარად.
რა ძალა ხარ, რა ფოლადი,
რა ვაჟკაცი, რა დიადი,
შენ შეგვიქმენ გაზაფხული
და ნათელი განთიადი.
მზე გველეშაპს გამოსტაცე,
ხალხს სამშობლო დაუბრუნე. —
ჯულაშვილი დედამ შობა
და სტალინი — საუკუნემ.

1937 წ.

ფიქრები გზოსაწვებ

* *

წიწამურს ქარი თავს დასტრიალებს
და ტყიდან ნანას უმღერის ველებს;
არაგვი ხევში მოხეტიალე,
თითქოს დაეძებს ილიას მკვლევებს...

საგურამოში მზე აქვს სიახლის
მწვანე ტევრებით მოსილ მთა-გორებს;
დგას ნაღვლიანად ილიას სახლი
და უარწივო ბუდეს მაგონებს...

* *

საგურამო, ილიასეული მამული.

ყველაფერს შენი იერი აკრავს,
ბაღში ფუტკრები ისევ მღერიან,
ხშირი ტოტები ასწლოვან კაკალს
ირმის რქებივით მოუღერია.

აქ რაოდენჯერ ია მოსულა,
რამდენ ოცნებას აქ უფრენია,
შენი ჯარები აქ ჩამოსხმულა
და ვრცელ სამშობლოს გადაჰფენია.

და ვფიქრობ კაცის წარმავალ ბედზე,
რამდენჯერ შენს გულს აქ უძგერია...
და ყველაფერში მე შენ დაგეძებ,
მაგრამ შენს გარდა ყველაფერია!

თუ დღემდე შენთან ბურუსი იწვა,
ახლა ხომ ირგელივ გაზაფხულია?
რა უნდა შენთან საფლავის ჰიწას,
შენი აკლდამა ხალხის გულია!

შენი სახლ-კარი ალაღებს ფიქრებს
და გულს აგრილებს ანკარა წყარო;
აქ, შენს მამულში, ვარდნი დავკრიფეთ,
რომ მთაწმინდაში გულს დაგაყაროთ.

ჩვენი ხალისი ბუჩქებსაც დასწვდა,
ლალი ვართ, როგორც არაგვის ველი,
მე გული მხოლოდ იმაზე დამწყდა,
რომ არ დაგვიხვდი შინ მასპინძელი!..

1937 წ.

ს ი მ ლ ე რ ა

ანათებდეს მთვარე ბუჩქებს
და ფოთლებში ბადეს ქსოვდეს;
შენს სიყვარულს თუ მაჩუქებ,
არ მოვკვდები არასოდეს!

ვის აქვს ისე ბილწი გული,
რომ სამშობლო არ ახსოვდეს?!
ჩვენი ქვეყნის გაზაფხული
არ დაჰკნება არასოდეს!

იქნებ მტერი გათავხედდეს,
ტყვიას ჩვენკენ ჯარად სროდეს,
მაგრამ ღროშას ძირს არ დავხრით,
არ შევდრკებით არასოდეს !

მოვარაყდეს მზით ეს მთები,
ხევში წყარო ბაასობდეს,
ჩვენც ვიმღეროთ ისეთ ხმებით,
რაც არ თქმულა არასოდეს.

გული ცაში აზიდული,
სიხარულის განცდას შობდეს;
ჩემში შენი სიყვარული
არ გაქრება არასოდეს!

1937 წ.

ბალდათის მთეზუი

დგანან და ღუმან ბალდათის მთები,
ნისლის ბალდადი წაუკრავთ თავზე,
სიმღერას ამბობს ნიავის ფრთები
ცაში გაფრენილ არწივის ხმაზე.

გამოქცევია მთებს ხანისწყალი,
ბარად რომ შეხედეს სოფლებს, ქალაქებს,
საირმის მთების შთამომავალი,
ირმების ენით მოლაპარაკე.

წყალს ეურჩება კლდეების კოშკი,
მდინარე მაინც განაგრძობს დენას.
აქ იზრდებოდა მაიაკოვსკი,
სწავლობდა ბავშვი ტალღების ენას,

ახლა კი მივხვდი, მისი სიტყვები,
ბრძოლით გართულნი, თუ რად გალობენ;
აქედან წაჰყვა, ალბათ, ზვირთები,
მის ლექსებში რომ მოჩხრიალობენ.

ნისლებს მირეკავს ქარი — მეცხვარე,
ღრუბელთა ჯოგებს მთვარე ჰყავს გზირად,
და ინდუსტრიის ოქროს მერცხლები
ჩამოფრენილან ხანისწყლის პირად.

შეგხედება გზაზე გლეხი ხალისით,
მიგიპატიეებს შინ დაძალებით,
მოგეგებება დიასახლისი
და ქალიშვილის მორცხვი თვალები.

ვაზებს დაუბამს აივნის სვეტი,
დაგრეხილ რქებით ბაძავენ ირმებს;
ჯერ მასპინძელი ქარაგმას გეტყვის,
მერე მარნისკენ გაგასეირნებს.

ქვევრს მოხდის, სასმისს აავსებს როცა,
იხილავ ნამდვილ ვაჟკაც-გამრჯელად,
პირველად იგი სამშობლოს ლოცავს,
მერე ცოლშვილს და თავის მარჯვენას.

ვაზებს კალთები დაუბერტყია
და საწნახელში ღვივის ბარაქა,
მტევნებში სისხლი ვერ დაეტია,
ქვევრებში ჩადგა და ჩაიშაქრა.

ჩამოუშლია ყანასაც თმები
და არხევს ქარი ირმების მთისა;
ვის არ მოხიბლავს ბაღდათის მთები
და შემოდგომა იმერეთისა!

1938 წ.

ჩ ა ნ ჩ ე რ ე ბ ი

ჩანჩქერებო, რად ხარხარებთ,
რა გახარებთ, ნეტავ, ასე?
ხევი ნებით გილებთ კარებს,
რად მიდიხართ შეტევაზე?

ტყეს ეგ თქვენი ბროლის ტანი,
როგორც მკლავზე — ფესვზე ეწვა,
ახლა როგორ გაგიმეტათ
ამ კლდეებზე დასალეწად?

თქვენ კი მაინც სულ ხარხარებთ,
წინ ისწრაფით გამუდმებით;
რატომ სტოვებთ მშობელ მხარეს?
მთებში როდის დაბრუნდებით?

გიყვართ წინსვლა, გიყვართ ბრძოლა,
არ გედებათ ტანზე ხაესი;
თქვენც იცით, რომ მოძრაობა
არის ქვეყნის შინაარსი?

ჩანჩქერებო, რად ხარხარებთ,
რა გახარებთ, ნეტავ, ასე?
მე ცხოვრებას შეგადარეთ
და ერთმანეთს დაგამსგავსეთ.

შეგინახავთ ტყე და მთები,
სხივს დაგაფენთ მზე და მთვარე:
თქვენ არასდროს დაბერდებით,
მუდამ ასე იხარხარებთ!

მეც მწყურია თქვენი ხვედრი,
დღეგრძელობა რომ გულის ერგოს;
იხარხარეთ, იხარხარეთ,
გაზაფხულის ჩონგურებო!

1938 წ.

მოგზაურის სიმღერები

1938 წელს ქართველ სტუდენტთა ერთმა ჯგუფმა პირველად ვიმოგზაურეთ. ჩვენი სამშობლოს უდიდეს ქალაქებში. ჩემი განუზომელი შთაბეჭდილებანი ნაწილობრივ ავსახე რამდენიმე ლექსში, რომელთაც „მოგზაურის სიმღერები“ დავარქვი.

ბ ა მ გ ზ ა მ რ ა ბ ა

სადგურის ზარმა მშვიდობა გვითხრა,
მზის ჩასვლა ღამეს ველარ აბნელებს;
ჩვენ გვიცქეროდა თბილისი დიდხანს
და მთაწმინდიდან გვიქნევდა ხელებს.

შორეულ გზაზე მივემგზავრებით
ჩვენ — საქართველოს მკვიდრი შვილები,
რომ ვნახოთ მოძმე ხალხის ცხოვრება,
დავბრუნდეთ მდიდარ შთაბეჭდილებით.

გვიცქერენ მთები, აწვდილნი ცამდე,
ჩვენზე მშობლიურ გრძნობების მქონი,
დ. თბილისიდან განთიადამდე
ფეხით მოგვღევდა კავკასიონი.

ცეცხლი და რკინა ასე მორიგდნენ:
უნდა გადავლონ მთა და გორები...
ყველგან ხელს გვართმევს ვაგზლის მორიგე,
ქულებს გვიხდიან სემაფორები.

შენზე ფიქრებით აღვსილი ღამე

ჩემს თანამგზავრებს იპყრობს სიამე,
მე კი ხანდახან გავდგები ცალკე;
შენზე ფიქრებით აღვსილი ღამე
შენს სახედ მიმაქვს მოსკოვისაკენ.

შენზე ოცნება წამომყვია ჯავრად,
შენი აჩრდილი გულში ჩავრაზე,
რა იქნებოდა, შენაც გემგზავრა
ჩემთან, სამშობლოს შორეულ გზაზე?!

გულს ამინთებდა შენი თვალები,
ლექსებს ვიტყოდი უფრო ცეცხლიანს;
გახედე გარეთ, ცას ვარსკვალები
მზის ვარაყებით მოუვერცხლია.

მაგ ვარდისფერი ლოყების ქიმი
ყოველ დაკეტილ გულის კარს აღებს;
მე მახლავს შენი თვალთა ციმციმი,
რომელიც გულში დავატუსალე!

ა ზ ე რ ბ ა ი ჯ ა ნ შ ი

შორი მგზავრობა, შორი ველები,
მაგრამ არასდროს არ იქანცები;
ჩანს ამართული, როგორც ხელები,
ნავთის კოშკების ჯარისკაცები.

ჩქედს მოძმე ქვეყნის დიდი ცხოვრება,
შავი ქალაქი ნავთის, ქარების...
ბაქოს ყოველთვის ემახსოვრება
უმანკო სისხლი კომუნარების.

შაუმიანი და ჯაფარიძე...
ხსოვნას საფლავი ზოგჯერ ვერ ფარავს —
მათ შემოჰქონდათ ლენინური მზე
აზერბაიჯანის მთებში და ბარად.

მოგონებები მწარე და შავი,
ო, რანაირი წლები წასულან,
მათ დიად საქმეს შესწირეს თავი
და გულის ფიქრი მათი აღსრულდა.

კასპიის ზღვათან

აგერ კასპიის ზღვა წევს გულადმა,
შორს კი ცა და ზღვა შეერთებულან
და ჰორიზონტზე, თვალის გადაღმა,
ღრუბლების გუნდი ჩასაფრებულა.

ზღვას უნდა ვუთხრა ჩემი ოცნება,
ზღვამ იცის მრავალ ფიქრის დატევა,
იგი ნიავეთ დაიკოცნება
და ზღვიდან ცაში დაიხატება.

უკვე შორდება მატარებელი,
ცეცხლმა და რკინამ ასე იწევა;
მინდა ზღვა იყოს ჩემი მხლებელი,
ო, მეგობრებო, ნუ გეწყინებათ.

მე მას ვეტყვოდი ჩემს ალტაცებას,
დავინახავდი შიგ ჩემს ორეულს,
ჩემს ხმას ტალღები მოიტაცებდა
და გადასცემდა ნაპირს შორეულს.

შაანასკნელი ღღე

ცეცხლი და რკინა როგორც მორიგდნენ,
გადაირბინეს ცხრა მთა-გორები,
ყველგან ხელს გვართმევს ვაგზლის მორიგე
ქუდებს გვიხდიათ სემაფორები.

შატარბელი მიჰქრის და მიჰქრის,
მეზავრი თანამეზავრს საუბრით ართობს:
სიცილი, მღერა. ნახულზე ფიქრი
და ტრამალები ზღვასავით ფართო.

მანძილს სიჩქარე ადვილად მოსპობს,
ჯერ კიდევ დღეა ჩაუქრობელი,
აღბათ ამაღამ ვიქნებით მოსკოვს
და გულს ჩაგვიკრავს, როგორც მშობელი.

რამდენი განცდა გროვდება გულში,
ჩენი ხალისი ქვეყნის ტოლია; —
მთვარე თბილისში დავტოვეთ გუშინ,
თურმე მოსკოვში წამოგვეყოლია.

1938 წ.

მე ვნახე ლენინი

ზღვასავით ღელავს დღეს ჩემი გული:
დღეს მე პირველად ვნახე ლენინი,
დიდიხანია ჩვენგან წასული
და ჩვენს რიგებში კვლავ დარჩენილი.

უდიდეს ბელადს ვხედავდი მძინარს
და ჟრუანტელი მივლიდა ტანში,
ალარ ვიცოდი, ცრემლით მეტირა,
თუ გლოვა მეგრძნო მდუმარებაში.

ვხედავდი: ნათელ კუბოში იწვა
და ვიწრო იყო მისი სავანე;
ის მდუმარებდა, ვით ღედამიწა,
მაგრამ ღელავდა, ვით ოკეანე.

სიკვდილის ნისლით არ იფარება,
ვინაც შობილა ძლევის ვულკანად,
ვინაც წაართვა მზეს ელვარება
და ღედამიწას ჩამოუტანა.

მას ხომ არასდროს იპყრობდა სევდა,
მუდამ ბრძოლებზე იყო ჩვეული
და ამდენ გრიგალს როგორ იტევდა
ასე უბრალო კაცის სხეული?!

რა მოჰკლავს ვინაც გრიგალებს მოჰყვა,
ვინც საუკუნის ბჰე გაარღვია,
და თუ ლენინში სხეული მოკვდა,
ისიც ხომ ხალხის გულში მარხია?

ის დღეცაც ცოცხლობს, სიკვდილის წყევლიად!
მისი ჯან-ღონე ვერ დაუცლია,
ახლა ლენინი პარტიას ჰქვია
და მიუძღვება რევოლუციას!

სიმღერა თბილისზე

აინთება დილა თეთრად,
ცაზე მართავს მზე მარულას,
და თბილისი ჩემთან ერთად
მზეს დახვდება მხიარულად.

მზეს დახვდება ლალად, ლხენით,
მთის კალთებზე შემომჭდარი,
გამოჩნდება სასახლენი,
როგორც ზღვაში გემთა ჯარი.

ვით წარსულის საჩუქარი,
დგას ამაყად ნარიყალა,
ახალ ღლეებს მისცა მხარი
და ნისლები გადიყარა.

მტკვარს აკვანი გაუკეთეს
მოუჭედეს ვერცხლით კიდე,
მიწას ფერი შეუცვალეს,
ცას კოშკები ჩამოჰკიდეს.

კაცი სადაც უნდა შედგეს,
მწვანე ბალი გულმკერდს გაშლის,
რომ მშრომელმა შრომის შემდეგ
დაისვენოს მის წიაღში.

უცებ გახსნის ოქროს თვალებს
ლამე ჩუმად მორბენილი,
და თბილისის ცაზე მთვარე
ჩანს ლენინის ორდენივით.

1938 წ.

ე თ ე რ ს

უხსოვარ ღროდან გიმღერდა ხალხი,
გრძელი შაირი გითხრა ვაჟამაც,
მაგრამ ობოლმა ვერსაით ნახე
ბედი, რომელიც შენ გაქვს ამჟამად.

სახლში გებრძოდა დედინაცვალი,
სახლგარეთ გდევდა შიში და ძრწოლა;
ბოლოს შეგაშრა ცრემლების ცვარი,
ჭაბუკ მეფეს რომ გაჰყევი ცოლად.

მაგრამ გიმტყუნა ბედმა ცბიერმა
და სიყვარულში ჩაქსოვეს გესლი...
შენ დაგიტირა მშობელმა ერმა
და სიბრალულის გიმღერა ლექსი.

მას შემდეგ ბევრი ხანი გავიდა,
ღრუბლებმა ბრძოლით დატოვეს სივრცე.
ცხოვრება მოდის სხვა სათავიდან
და მზეს ახალი სინათლე მისცეს.

ახლა შენც სხვა ხარ, სხვა ღროის შვილი,
ბედნიერებით გიფეთქავს გული,
შენი სახეა ვარდი გაშლილი,
მკერდი კი — ტოტი ატმებდასხმული.

როცა ვიგონებ ეთერის წარსულს,
გუमानს ვეძლევი შენი მნახველი,
რომ შენ, ბედნიერ ეპოქის ასულს,
გქვია საბრალო ქალის სახელი.

მაგრამ მგონია, როს ვისმენ შენს ხმას,
იგი ეთერი აღმდგარა მკედრეთით,
დასწაფებია ცხოვრებას ახალს
და ღედის სახელს ატარებს მკერდით.

გმირებს დაუზრდი სამშობლო მხარეს,
რომ „ქართელის ღედა“ გახდე, ეთერი;
ნეტავი იმას, ვისაც ახარებ,
შენი ტოლობა ვისაც შეჰფერის!

მე კი ბუნებამ ხელი დამრია,
არ გაიმეტა ჩემთვის წყალობა,
არ შემახვედრა შენს თავს აღრიან,
რომ გაგხდომოდი აბესალომად!

მაგრამ სიამის ფიალას სვამდე,
სხვას ახარებდე, რად მეწყინება?
მეც დაგინახავ ხანდახან საღმე
და გულზე ვარდი დამეფინება!

1938 წ.

თეთრი ლამაზ ნეპაჩე

ნევა თეთრად დაფენილი,
თვალნი ტალღებს როგორ სვამენ,
ცა — მთვარეზე აფრენილი
და თოვლივით თეთრი ლამე.

მიღის ნავი ამ ლამეში
და შრიალი ისმის წყნარი,
თითქოს ვიყო სადღაც ტყეში
და ხის ფოთლებს წეწდეს ქარი.

ალმიტაცა მრავალ განცდით
გულმა მუდამ ცეცხლის მქონემ;
ნაპირზე დგას ორი ნაძვი,
შენს სიყვარულს მომაგონებს.

ნეტავ ახლა ჩემთან იჯდე,
ქარი შლიდეს შენ დაღალებს,
გადავლახავ ფიქრთა მიჯნებს,
თუ გავუძელ შენს მწველ თვალებს.

გნატრობ, სულო... ტალღა ზანტი
ჩემს ოცნებას გულში ირთავს,
შიგ ბანაობს მთვარის ლანდი
ოქროსთმიან ქალივითა.

მაღე გნახავ, გულის სწორო,
და სამშობლოს ჩრდილო მხრიდან
ამ განცდების სამახსოვროდ
თეთრ ლამეებს ჩამოგიტან!

1938 წ.

მარჯანიშვილის კორტაბი სარეპეტიციო დარბაზში

დაპყურებს დინჯად დარბაზის არეს,
ჩამოჰგავს მყინვარს ჰალარა თავი,
მისი თვალები, თითქოს მწუხარე,
ელვარებს, როგორც ორი ვარსკვლავი.

ელვარებს კოტეს სიდარბაისლე
და აკვირდება დარბაზს თამამად,
ყველა მსახიობს უცქერის ისე,
როგორც შეჰფერის საყვარელ მამას.

დარბაზში მიდის რეპეტიცია,
ხმის შადრევნები ასკდება კედლებს;
შემოქმედის სულს, მათ ხომ იციან,
საფერფლე ურნა ვერ დაატყვევებს.

აი, დატოვა ჩარჩო ლამაზი
და „შვილებისკენ“ წავიდა ნელა,
ჩამოიარა მთელი დარბაზი,
მიუალერსა მშობლურად ყველას.

ის დადიოდა, როგორც გუშაგი,
ხან შედგებოდა, როგორც წერტილი,
და რომ ვერ ნახა მათში უშანგი,
დაბრუნდა უკან გულდაწყვეტილი.

და მიაშურა მის ლიმაზ ჩარჩოს
და დაჭდა ისევ დარბაისლურად;
დუმს, მაგრამ გულში ბორგავს და ჯაერობს,
რომ დღეს სურვილი ვერ აისრულა.

ვერ გაიგონა მისი ტკბილი ხმა,
ვერ გაიხარა მიაღერებით,
და იგრძნო, როგორც ტოტის მოტეხას
იგრძნობს მიწაში მუხის ფესვები.

ისევ დაჰყურებს ღრმა დაფიქრებით
ღარბაზის არეს ჭალარა თავი,
შეხედავ, განცდით დაიტვირთები
და აენთები, როგორც ვარსკვლავი...

1938 წ.

ჩემი თაობა

ჩემი ტოლები რას არ დასძლევენ,
თუ გინდათ მზესაც წავართმევთ სიბოლს,
ერთად ვზეიმობთ, როგორც და-ძმები,
ერთი მშობლების შვილნი ვართ თითქოს.

ვინც უნდა იყოს, რუსი, ქართველი,
ადამის შვილი ჩემთვის ერთია,
მე ყველა მიყვარს, ვისი ფიქრებიც
ჩემი სამშობლოს ფიქრებს ერთვიან.

ცას ომის ცეცხლი თუ გაუჩნდება,
ჩვენი საზღვარი თუ არ დაინდვეს, —
რომელი მტერი გადაურჩება
საბჭოთა ქვეყნის მამაც რაინდებს?

მკერდით დავიცვათ სამშობლო მხარე,
ძარღვებში ჩქეფდეს ძალა რიონის,
ყოველი სიტყვა იყოს მქუხარე,
როგორც ლექსები გალაკტიონის!

1938 წ.

თ ბ ი ლ ი ს ს

(საჩინგურო)

თბილისო, მთებზე გაშლილო,
ჩვენო ლამაზო ქალაქო,
უწინ მტრის ფეხით თელილო,
დღეს ბედნიერო ალაგო,
მინდა გიმღერო, გულიდან
ფიქრები ამოვალაგო.

რამდენი მტერი გეხვია,
რამდენჯერ დაგწვეს ალითა,
მოკენჭილი გაქვს ველები
ქართველ გმირების ძვალითა,
ველარ გიშველა ერეკლემ
ვერც სიბრძნით, ვერცა ხმალითა.

ველარც მეტეხი გფარავდა
და ვერც კლდეები მტკვარისა,
მრავალჯერ მსხვერპლი გამხდარხარ
მტრების სისხლიან ჯარისა,
მუდამ ღრუბელი გფარავდა
მოსიყვარულეს დარისა.

მაგრამ დღეს სხვა ხარ, წარსულის
ალარ გაქვს ერთი ნიშანიც,
შენ სხვა ხანაში მოხველი,
სულ სხვა გმირები იცანი,
გამოგეცვალა იერი,
გამოგეცვალა მიზანი.

ისე იზრდები, მრავლდები,
არც სიგრძე გყოფნის, არც განი,

ახალ მშენებელ გმირთათვის
შენ გახდი ზრუნვის საგანი,
ასფალტის ლები დაგიგეს,
გზურავს ელექტროს საბანი.

რა ხელმა გთალა, მოგჰქედა
ამ ათასნაირ ქვებითა,
მკერდზე ბალები გაგშლია,
დასერილი ხარ გზებითა,
შენი მშენებლის შემქმნელნი
ვინ არ ახსენოს ქებითა?!

1938 წ.

მშობლიური მთების ქარი

მთების გაფერმწვანებამ გაზაფხული მახარა,
გასჩენოდა აქა-იქ ტყეს ტყემლების ქაღარა.
ხევი ღუმდა, ჩანჩქერი სიმღერებს აო ამბობდა
ქარი თაფარაშლილი ნადირივით დარბოდა.
ის ხან ჩასაფრდებოდა მუხებთან და არყებთან,
ხან ტყეს ახალ ძილდამტკბარს ტალღებივით არხევდა.
ეს ნამდვილი მთიელი, თავზე ხელაღებული,
მეც მომვარდა ჩამიქროს ოცნებათა კრებული.
მაგრამ, ქარო, აფთარო, არ შეეძრკები არასდროს,
თუგინდ აღგეს ეს მთები და გზა ხევში ჩარაზოს!
ჩემი ქვეყნის შვილი ხარ, როგორც ეს ტყე, ეს მთები,
ძალა გაქვს და მტრის მიმართ ერთხელაც არ ენთები.
ჩვენს სამშობლოს უტევენ, შენ კი, ქარო, ტიალო.
აქ, ამ მთებში, კლდეებში უქმად დახეტილობ.
შენი მკერდი რომ მქონდეს, შენებრ უქმად მნახავდი?
გადვივლიდი მთა-გორებს ზღვებსაც გადავლახავდი.
ვიქნებოდი რაინდი, მტრის პირველი მორკინე,
და დავლეწდი მსოფლიოს ციხეებს და ბორკილებს!
შენ კი მე მეჭიბრები, გზა ღრუბლებით მოჩრდილე,
მაგრამ დაგიმორჩილებ, მაინც დაგიმორჩილებ!
რომ შევიძლო ჩემს მკერდში შენი დატუსაღება,
რომ ამოჰყვე ხანდახან ლექსის ამოძახებას,
რომ ოცნების მდინარე შენებრ ოალად დიოდეს,
რომ პოეტის მაგიერ ქარიშხალი მქვიოდეს!
რომ ჩემი ხარ რიყრაჟთან ერთად აენტებოდეს,
სიმღერა ვთქვა რუსთველის მიწას დაშვენდებოდეს!
დაე დამწვას ამ ცეცხლმა, დაე ცრემლიც მცვიოდეს,
ოღონდ ჩემი სიმღერა ხალხში გადადიოდეს!..

1939 წ.

გაზაფხული ჩემს სოფელში

აქ უთვალავჯერ მოსულა იგი,
უხარებია ხალხის კერია,
მზეს გაუშლია ბუნების წიგნი
და რუსთველივით დაუწერია.

მთების კალთები მზით მონაქარგი,
წყაროს კამკაში, ფოთლების ტაში...
რა უნდა იყოს იმაზე კარგი,
როგორც მაისი ჩემს ქვეყანაში.

აი, მოვსულვარ, სამშობლო მთებო,
რომ თქვენს წიაღში დავტკბე, ვიხარო,
კვლავ იავნანა შემომაგებოთ,
გულიდან დარდი გადამიყაროთ.

თქვენი აჩრდილი ყოველთვის მახლდა,
თუშც გამატანეთ ბევრი ნაღველი,
გახარებული დავბრუნდი ახლა
ერთი პატარა მგოსნის სახელით.

ჩემი ბავშვობა თქვენთან ახლდება,
მინდა შეგფიცოთ კვლავ ერთგულება,
აქ მამის ძელები ხომ ინახება,
აქ დედის კალთა ხომ მეგულება!

თქვენს ლამაზ მინდვრებს, მთებსა და სერებს
თუგინდ მოვშორდე, ბედმა მიმუხთლოს, —
ახლა კი არა, სიცოცხლის მერეც
თქვენ მეყვარებით ყველაზე უფრო!

1939 წ.

ოცნება და სინამდვილე

თქმული ოპერის თეატრში გალაკტიონ
ტაბიძის საიუბილეო საღამოებზე.

რა მივუძღვნა მის დიდ სახელს, მთებზე ასულს, ბარად გაშლილს.
რა მივუძღვნა გალაკტიონს — ჩვენი დროის ბარათაშვილს!
მზის ქვეყანა, მზის სამშობლო, მზის მუდმივი საბუდარი,
სადაც ამაყ კავკასიონს აღუმართავს ცამდე მხარი,
სადაც კაცი, მთა და ველი მზის სხივებით შეიმოსნენ,
აქ ზეიმი გაუმართავთ პოეზიის გენიოსებს.
თავში ოქროს კვარცხლბეკი დგას, ზედ ბრძანდება რუსთაველი,
იქვე ახლოს ილია ზის, თვალში უდგას მზის ნათელი,
აქ აკაკი ჩამომჯდარა, უელვარებს თეთრი წვერი,
აგერ ჩარგლის რაინდი დგას და ფრანგულზე უდევს ხელი;
გურამიშვილს ლეკეთიდან ცხრა მთა გადმოუარია,
ვარდის ბუჩქთან დგას ბესიკი, თითქოს უცხო სტუმარია;
აელვარდა პორიზონტზე, როგორც ხმალი პირმახვილი,
და მოაპობს გზას მერანი კოჭლი მხედრის მოძახილით!..
გენიოსნი ღალადებენ: „ო, დიდება იმ გმირ კაცსა,
ვინაც ჩვენი სახელები დავიწყებას გამოსტაცა,
აღგვიდგინა უკვდავება, თანაც გულით შეგვიყვარა,
ვინც წაართვა მზეს სხივები და მიწაზე ჩამოყარა“.
სხვაც ბევრი რამ წმინდა აზრი წარმოსთქვეს და გაიხსენეს...
უცებ შეკრთნენ, მოიმზირეს, თვალი მოჰკრეს ლურჯა ცხენებს;
აქ მორბიან, რომ თვალები ლაქვარდებში გაახვიონ,
აქ მთაწმინდის მთვარე მოაქვს დაუდევარ გალაკტიონს
ის მოვიდა ბრძენ მგოსნებთან, დაიკავა თვისი ბინა,
ვაჟამ მხარზე ხელი დაჰკრა და რუსთველმა გაუღიმა.
ამშვენებდა გმირის მკერდი, სახე ჰგავდა ყალმით ნახატს
და თვალები ფიროსმანის — სურათებში რომ მინახავს.
მან თქვა: „ჩემო მეგობრებო, ოცნებებო ძველისძველნო,
თქვენს შემდგომად მე დავლიე ახალ ღღეთა სადღეგრძელო!“

სალმნენ ახალ სტუმარს და მიუძღვნეს ერთხმად ტაში,
ეს, რომ ცეცხლი არ ჩაქრება რუსთაველის ქვეყანაში!
მისი ხმა იმ მგოსანთ ხმებს შეერია, შეუერთდა
მე მჯერა, რომ ეს ხმები დარჩებიან მუდამ ერთად.
მოზენ, ვერ აშინებთ ვერც რისხვა და ვერც მუქარა,
ვერ წაშლის ისტორია, მათ სიკვდილი ვერ დაფარავს!
უნდ დიდი დრო გავიდეს, რაც უნდ წლებმა წლებს გასდიონ,
დაიპყრობს დავიწყება ჩვენს საყვარელ გალაკტიონს!

1939 წ.

ამ ყველაფერი მზით იფერება

ამ ზღვის ტალღებს და ამ სპეტაკ ნიაგს
ლალი ფიქრები მოაქვს და მიაქვს.

აქ ყველაფერი მზით იფერება,
ქეებიც კი გრძნობენ ბედნიერებას.

არც ღრუბელი ჩანს, არც დაქრის ქარი,
ზღვა მაინც არის მოუსვენარი.

ტალღაც ისწრაფვის ნახოს ეს მხარე,
მოვა და კლდესთან გადიხარხარებს.

შორს, ზღვის სივრცეში მიცურავს გემი
და მას მიჰყვება ოცნება ჩემი.

ფერხულის თამაშს ტალღების ჯარის
ლინჯად დასცქერის მთები აჭარის.

ნარინჯოვნების მწვანე ქსოვილი
ფორთოხლებითა მოოქროვილი.

ცა შეპარვია ამ დილით დარაჯს
ღა ვარსკვლავებით ბაღში დამჯდარა.

ლალი აჭარა ახარებს ამ გულს,
აქ ვერ გაარჩევ ზამთარს და ზაფხულს.

მახარებს ხალხის ბედნიერება,
და აღტაცებულ გულს ემღერება,

რომ აჭარასაც დასცქერს ცა დილის
და ამ ცაზეა შუქი სტალინის!

მოხუცის ნათქვამი

დავბერდი მუხლმა მიმტყუნა,
თვალმაც დამიწყო კლება,
რა ვუყო, შვილო, სიბერეს
თვალიც კი დაუდგება;
ქვეყნად ყოველი იზრდება,
დაბერდება და კვდება,
მეც ხომ 'ბუნების' შვილი ვარ,
სასჯელი არ ამცდება.

იქ რომ წითელი დროშაა,
რომ აფრიალებს ქარი,
ბრძოლებში შეღებილია,
შიგ ჩემი სისხლიც არის.
მასსოვს: სოფელში მოვიდა
ლამით დამსჯელი ჯარი,
უცებ ხანჯალი ვიშიშვლე,
მტერს მოვაცალე მხარი.

მოვაცალე და გავიქეცე,
მთას შევეფარე ტყიანს,
ვერ დამეწია მღევარი,
ვერ დამეწია ტყვია;
შევერთდით ხალხი მშრომელი,
ბრძოლას გავყევით მზიანს,
ჩვენი გმირული მიზანი
ვერაგინ დაარღვია.

მტერი ხომ ახლაც ბევრი გყავს,
სამშობლოვ მშვენიერო,
და მე უბედურს არ ძალმიძს
მტერს ხმალი დავაძგერო;

სადა ხარ, სიჭაბუკეო,
ძარღვებში სისხლის ჩქერო...
დავბერდით გულო? ოჰ, რა ვქნა
არ მინდა დავიჭერო.

უწინ კი სიკვდილს ვნატრობდი,
ახლა სიცოცხლე მინდა, '
ბედნიერების მზე ჰყვავის
კაცის გულში და მინდვრად,
მეც მსურს ვუცქერდე გაზაფხულს,
ჰაერს ვსუნთქავდე წმინდას.
მაგრამ სიბერე ოხერი
თვალს გადაეკრა ბინდად.

მტერი ვერაფერს დააკლებს
ძმურად შეფიცულ ერებს,
სადაც ბელადის მზის შუქი
ანათებს მინდორ-ველებს;
მე სიხარულში მოგვედები,
გულზე დავიკრეფ ხელებს,
თქვენ გაიხარეთ შვილებო,
სამშობლო ასახელეთ!

1939 წ.

თბილისი და წალვერი

ამ ლექსის მუსიკის ავტორს და პირველ
შემსრულებელს
მ ა რ ი ხ გოძიაშვილს.

გრძნობა როგორ დაგიამო,
ან რა ლექსი გიმღერო?
ქალო, ალვისტანიანო,
ვარდისა და მზის ფერო!

ნუთუ აღარ გაგახსენდი,
რაც აქედან წახველი?
ო, ნეტავი ერთად იყოს
თბილისი და წალვერი...

თვალს გავახელ, წიგნს გადავშლი
თუ მიდამოს გავცქერი,
მომანათებს შენი სახე
და თვალების ჩანჩქერი.

შენზე ფიქრებს გადავურჩე,
თუ თბილისის მზეწვიას?..
ვერ მოვუწწარ მატარებელს;
ეს რომ გამომეძია;

ბევრი კოცნა დაგადევნე,
ერთიც ვერ მოგეწია!..

აგერ თითქმის სამი თვეა,
რაც დატოვე ეს მზარე,
და წერილიც არ მომწერე,
ერთხელ არ გამახარე!

შენ ნაძვნარში დასეირნობ,
მე კი მადნობს ივლისი;
ო, ნეტავი ერთად იყოს
წალვერი და თბილისი!..

იქნებ სხვაზე გადამცვალე,
სხვას აენტე კელაპტრად?!
არ გიყვარვარ? ჩემი ლექსი
აბა, რად მოგენატრა?!

თუ გიყვარვარ, რად გამირბი,
რატომ თავაზიანობ?
თუ ჩემი ხარ, რატომ გინდა
ეჭვით დამაზიანო?
ჩემო ვარსკვლავთვალთანო,
მთვარის თანაზიარო!..

ჩემი გრძნობა წმინდა არის,
ვით ანკარა მთის წყარო,
და მგოსანზე უკეთესმა,
ქვეყნად ვინ შეგიყვაროს?!
პოეზიის სურნელება
მსურს რომ გადმოგიღვარო,
სიხარულის დღეებია,
მოდის, ჩვენც გავიხაროთ!..

1939 წ.

ზენი სოფლის სურათები

მზემ დაფერა ველ-მინდორი,
მთებს სიცოცხლე ჰქონდა დილის,
ხევის გაღმა ჩანდა შორით,
შეეწყვიტა ნისლებს ძილი;
მიფრინავდა მაღლა ქორი,
ვით ისარი ავთანდილის.

ღვას ხეები ყელმოღვრით,
აქვთ კაცური გამოშვრა,
აქ ფოთლების ენით მღერის
ეს მუხა და ეს წიფელა
და მზეს მათი მწვანე ფერი
შეუცვლია ოქროს ფერად.

ხევში წყარო — ირმის თვალი
კლდეზე ლესავს ვერცხლის დანას,
გადმოლაზა ზღუდე ძალით
და მდინარეს დაემგვანა;
მოფრენილა აქ მერცხალი
თეთრი მკერდის დასაბანად.

ცელქ ბავშვების ყრიაშული
სოფლის შარებს ლხენას ჰგვრიდა,
ვით სიმები ჭიანჭურის,
ვარდს სხივები დაეკიდა
და შორს ქარი გულმოსული
ღრუბლებს ზღვისკენ მიდენიდა.

დღეს სტუმრად ვარ შენს სოფელში,
მინდა სადმე მარტო გნახო,
რომ ფიქრების მთაგრეხილი,
გავბედო და გადავლახო;
ერთის მეტი თუ გავოცო,
დე, ტოლებში დავიძრახო!

ზღვის ნიაქარს ფაფარაშლილს
ეჭიბრება ველზე ყანა,
ბუჩქები კი ჩაის ბალში
მხედრებივით რიგში დგანან,
და ჩიტების სიმღერაში
უკვე ბინდმა მოატანა.

მზე ჩავიდა... მთების თავზე
გადიღვარა სხივთა ჩქერი,
მზე ჩიტებმა გააბრაზეს,
დაიღალა მათი ცქერით,
მზე ჩავიდა, მაგრამ ცაზე
დარჩა მისი ხელნაწერი...

1939 წ.

რალა ლექსის კაცი ვარ

ვიდექ. მხრებზე მეხურა
ლაშე, როგორც ნაბადი.
უცებ ჩამოიარე,
თვალეbs მორცხვად ნაბადი.

თითქოს მოწყდი ვარსკვლავი
ლურჯი ზეცის თავანზე,
და ღიმილით სალამი
დინჯად შემომთავაზე.

მე კი სევდა ფარული
გულს დამეცა ჩრდილებად,
რომ ჩემს ნაცვლად სხვა ვინმე
სახლში მიგაცილებდა.

რად მინდოდა სალამი,
ან ღიმილი ამგვარი?
ისე წავიბარბაცე,
თითქოს თოფი დამკარი.

ჩანგს სიმები დასწყვიტე,
მგოსნის მუზაც დაობლდა;
და დავბრუნდი ბინაზე
თითქო სასაფლაოდან.

მომყვა შენი თვალები
და ღიმილი მგესლავი,
და დავეშვი ჩემს ტახტზე
მოჭრილ ალვის ხესავით.

ჩამდენ ლექსს ვინახავდი
შენს სახელზე ფარულად,
შენებრ უხმოდ ამ გულში
არვინ შემოპარულა.

შენებრ გრძნობა მორევით
არვის გაუტაცნივარ,
ახლა ცეცხლი ჩამიქრე,
რალა ლექსის კაცი ვარ?

შენ იმგვარად დაჩლუნგდი
ჩემი ნანატრისთვალი,
რომ მგოსანს ამჯობინე
ვილაც ნაარტისტალი.

მსურდა გული ამეცხო
სიყვარულის რწმენითა,
დაფნის გვირგვინს გიწნავდი
პოეზიის ენითა.

მსურდა ლექსში მომეცა
გრძნობა აუსახველი
და ყველაფერს რქმეოდა
ქვეყნად შენი სახელი.

მაგრამ არ გამიმართლე,
დარჩი ისევ წარმართი,
ჯერ სასახლეს დამპირდი,
მერე ქოხიც წამართვი.

ცალად დავიარები
და ფიქრები სტირიან,
ყველგან ღია კარები
ჩემთვის დეკეტილია.

1939 წ.

შპანასკნელი ბარათი

რამდენი ლექსი დავწერე შენზე,
ვერ გავხდი ღირსი მათი ხილვისა.
შენი ოცნება სიმდიდრეს ეძებს,
მან მგოსნის გრძნობა ვერ შეითვისა.

სად გაჰქრა შენი იმ ღამის ეშხი
და მოცქრიალუ თვალთა ჩქერები,
როცა თბილისის სილაყვარდეში
ვიყავით მართლა ბედნიერები?!

ო, რანაირი ღამე ყუჩობდა..
და მოაჯირთან ახალი ქუჩის
მტკვარის ტალღები კლდესთან ურჩობდა,
შენ კი სრულებით არ იყავ ურჩი.

შენს თვალებს გული როგორ უფლიდა,
აწი ვერ ნახავ მასთან გამხელილს,
ჩემი ლექსების თაიგულიდან
ამოვარდება შენი სახელი.

რა უნდა შენთან პოეტის სიტყვებს?
ვნანობ, ეს ლექსიც გამიცდენია.
სან თუ ოცნებით დავისეტყვები,
ჩუმ ამოიხერას გავატან ნიაფს,

მაგრამ არასდროს ცრემლის ვარდებად
არ აყვავდება ჩემში ღარდები,
მე არასოდეს შემეყვარდება,
ვისაც არასდროს შევუყვარდები!

1939 წ.

წერტილი

როგორ მიყვარდი, როგორ გეტრფოდი,
მე შენ გსახავდი ზეციურ ქალად,
თვით პოეზიის ვარსკვლავებს ვფლობდი,
შენზე ფიქრიც კი მაძლევდა ძალას.

მაგრამ მოეტყუედი, ჰმ, მერე როგორ!
აენტე, ჩაქრი, როგორც ცის ელვა.
ო, სიყვარულის პირველად მომგონს
ჩემგანაც ჰქონდეს ათასი წყევლა.

რა კანონია, აილე თუნდაც
ქვეყნად უწესო მისი ტარება:
ვისაც ვუყვარვარ, ის გულს არ უნდა,
და ვინც მე მიყვარს — არ მეკარები!

და ერთი აზრი ვერ მოვიშორე,
რომ თურმე ქალი არ ღირს დიდებად —
სულს ვეძიებდი მე შენში თორემ
ხორცი ბაზარშიც კი იყიდება!..

1939 წ.

გადაიარს სიყვარული?

გადაიარს სიყვარული?
გადაჰყვება ცივ ნაქქერებს?
მოვა სულ სხვა გაზაფხული,
ყელს სხვა ვარდი მოიღერებს?
სხვა ბუღბული მოფრინდება
და ღაძაძეებს ტკბილ სიმღერებს?

მაგრამ მე ხომ უშენობით
ვერ ვიცოცხლებ მარტოხელა?
დავიბარებ, რომ მიმსხვერპლა
სიყვარულის ამბოხებამ.

დავიბარებ: მეგობრებო,
ნუ ჩაიცვამთ ჩემზე შავეებს,
ჩემს სიკვდილში მხოლოდ ერთი
ქალი არის დამნაშავე!

მას თვალებად ვარსკვლავი აქვს,
სახედ — მთვარე, ტანად — ალვა,
მე სიკვდილი არ ვიცოდი
და მან ადრე დამასწავლა.

გადაიარს სიყვარული?
გადაჰყვება ნისლის გროვას?
ჩემს გულში კი შენს მაგიერ
ველარავინ ვერ შემოვა!

შენებრ ამ გულს ვინ მოხიბლავს,
შენებრ ვნებით ვინ მაკოცებს?..
მე — ტრფილთ მოკლულ ვაჟკაცს
სხვა ვერავინ გამაცოცხლებს!..

ქ უ თ ა ი ს ს

მოვდივარ, მომიხარია,
შენკენ მომიძღვის გზა-კვალი.
შენ დამირწიე პირველად
პირველი ლექსის აკვანი-
უხსოვარ დროის ქალაქო,
ნაშენო ქვით და კირითა,
ვინ მოსთვლის შენზე რამდენმა
მტრის ურდომ გადიჯირითა.
ბევრჯერ დაგფატრეს მახვილით,
კალთები სისხლით აივსო;
ტყვილა გეძახდნენ მგოსნები
— ქალაქო სავარდმაისო.
შენთან ვარდი არ ჰყვოდა,
მაისშიც თოვლი გეყარა,
ახლა გამოხველ მზის შუქზე
და გიცნობს მთელი ქვეყანა.
მას შემდეგ ბევრი მივლია,
ცრემლში მიღესავს ნალგელი,
მიყვარხარ, რომ შენ პირველად
დამარქვი მგოსნის სახელი.
როცა არწივმა მე ბარტყი
ბუდიდან გადამაფრინე,
ბრძოლის გზას ფეხი დავარტყი,
გავცდი შენს ლამაზ ნაპირებს.
დავდივარ ასე... და მთები
დათოვოს თუნდა დაწვიმოს,
მინდა რომ ჩემი სიმღერა
სამშობლოს გადავაწვდინო!

1939 წ.

ოპერის ბალზი

ირმებს პარავდა რიჟრაჟი ფერებს;
მზე ამოსწიეს ფრთებით ჩიტებმა;
თვით ვაჟს ლექსიც ვერ დაიტევდა
იმ განთიადის სიმშვენიერეს.

ფოთლებს ცრემლებად ცვარი სცვიოდა,
მეც ამ ფოთლების შრიას მოვეყევი;
გასწითლებოდა ღრუბლებს ლოყები,
მთების გადაღმა ცა იცინოდა.

თითქოს მყინვარი დასთმეს ღრუბლებმა
(ცასაც სცოდნია მიწის ავ-კარგი);
დგას ზღვა ფოთლებში ძეგლი აკაკის,
ჩუმაღ მთაწმინდას ესაუბრება.

როგორც სამშობლოს ძვირფასი შიგნი,
გადაუხსნია მკერდი გულამდე,
რომ ნახოს ხალხმა, დარდებს თუ რამდენს
გამოუთქმელად მალავდა შიგნით.

უცებ შეირხა მთაწმინდის კალთა
და მკვდრეთით აღსდგა სამი აჩრდილი,
ბევრჯერ სიკვდილის შემდეგ დასჯილი;
ლიმილის ფრქვევით მოვიდნენ ბაღთან.

მოვიდნენ, მოჰყვათ მზე სხივოსანი,
მზეს იზიდავდნენ ბალის კარებთან;
მერნის კიხვინი, ხმლის ელვარება,
შუბლ განგმირული ბრძენის ლოცვანი.

აქაც გაიხსნა აკლდამის თალი,
აქაც წამოდგა სამი აჩრდილი,
რომ იგრძნონ სიტყბო ამ ლამაზ დილის,
რომ კვლავ იხილონ წარმტაცი ბალი.

ერთი მეტყველებს ჩანგის ენაზე,
ერთი — ბუღბუღი სიმღერით ხარობს,
ერთიც გასცქერის დინჯად სამყაროს,
რომ ეს სურათი დადგას სცენაზე.

შემოერთყმიან ჭალარა მგოსანს,
როგორც თოვლიან მთას მთა ათასი,
ბიულოცავენ ზეიმს მზის თასით
და სამშობლოში მეორედ მოსვლას.

უთრთოდათ გული ნათელით სავსე,
მათ ხმას ლაყვარდში მზეც კი ისმენდა,
შემდეგ აღმართეს ხელი ცისკენ და
დაფნის გვირგვინი დაადგეს თავზე.

1940 წ.

ივანე ჯავახიშვილის კუბოსთან

რა გულმა გაუძლოს ამ დიდ მწუხარებას,
რა თვალმა დაღვაროს სამყოფი ცრემლები.
მოდინა, კუბოსთან დუმილით დგებიან
მისი და სამშობლოს პატივისმცემლები.

ცრემლები არ გვიყვარს ბედნიერ ჩვენს დროში
და მხოლოდ დღეს არის ნიაღვრად მომსკდარი,
ალარ გვყავს ამ ტაძრის ერთგული მედროშე,
ქართული კულტურის სულმნათი მოძღვარი.

დავკარგეთ მზე კაცი, ქართველთა მშვენება,
შედგა და ისვენებს აწ სამარადისოდ...
ის ახლა რომ აღდგეს, ჩვენ მოგვეფერება
და გვეტყვის, ცრემლები სირცხვილი არისო.

იმისი ფიქრები ქვეყნად ზომ აღსრულდა,
ზომ აღსდგა სამშობლო დიდების ლამპარად?
ცრემლები მას უნდა, ტირილიც მას უნდა,
ვინც ქვეყნად ყოფილა და უხმოდ ჩამქრალა.

მის სპეტაკ ჭაღარას, მის სათუთ ბაგეებს,
მაიხის ვარდები თვის ფოთლებს შეახებს,
საფლავთან ბუღბუღი გაუთევს ღამეებს,
უმღერებს სამშობლოს გმირობის შესახებ.

ჩვენ მაინც წუხილი ვერ გაგვტეხს ვეროდეს,
მზე გვახლავს გაშლილი მთებიდან ბარამდის;
დიადო ქართველო, გჯეროდეს, გჯეროდეს,
რომ საქართველოსთან იცოცხლებ მარადის!..

ა კ ა კ ი ს

ყოველ ვარდში შენ მეგულვი,
ყოველ გულში ანთებ ხანძარს
და მინდვრებში- ნაზ ბულბულებს,
ალბათ, შენთვის მიუბაძავს.
დაჩაგრულთა ნათელ მიზანს
დაალვენთე გული ღვარად,
მკერდს უშვერდი მტრების ისარს,
ხამშობლო რომ დაგეფარა.
სატრფოს წყლულებს ცრემლით ბანდი,
გულს ტანჯვა რომ აწვა ლოდად
და გჯეროდა, განთიადი
შენს ქვეყანას მოელოდა.
„გადიყარა, დადგა დარი“,
სატრფოს წყლული განიკურნა,
ამირანის ხმა მქუხარი
გრიგალებსაც წელში ღუნავს;
და შენ — ხალხის გულის ფეთქვა,
სამარემც ვერ დაგადუმბა.
ტკბილი ჩანგის ტკბილი ხმები
დაფრინავენ ხალხში გუნდად,
აღსდგა შენი საქართველო,
შენც ღიდება დაგიბრუნდა;
შენი ცეცხლი არ ჩაჰქრება,
მზე რომ ჩაჰქრეს ქვეყნად თუნდაც;
ო, სიცოცხლე ამას ჰქვია
და სიკვდილიც ასე უნდა!..

1940 წ.

ახალი წლის სადღეგრძელო

ამივსეთ თასი! გულმა უძირომ
ამ ძმობის ნიშნად ღვინო დალიოს!
ამ ლამაზ ღამეს ვათევთ უძილოდ,
რომ ჩვენ პირველნი შევხვდეთ ალიონს.

ახალო წელო! იყავ კედელი
კიდევ მრავალი ახალწელისა,
იყავი მუდამ დაუშრეტელი,
როგორც კალამი რუსთაველისა!

ამ საუკუნის უღრმეს წიაღში
შენი ღღეები ია-ვარდობდეს,
გადასულიყო ძველთა სიაში
და შენი ხსოვნა არ დაგვკარგოდეს!

აავსეთ თასი! გულმა უძირომ
ამ ძმობის ნიშნად ღვინო დალიოს!
ძმებო, ვათიოთ ღამე უძილოდ
და ტაშით შევხვდეთ პირველ ალიონს!

1940 წ.

* * *

სიყვარული ბევრჯერ გითხარ
და მაინც ვერ დაგაჯერე,
შელის ნუკრივით გამირბიხარ,
მე კი შენთვის ჩანგს ვაჟღერებ.

თუგინდ დადგეს განსაცდელი,
თავს გავეწირავ შენთვის უხმოდ,
გინდ მომეცი ბრძოლის ველი,
ვაუკაცურად დავიჭუხო.

ვერ აღმართოს მტერმა ხელი
ჩვენი ქვეყნის მიწის ახლო,
გულს დამეცეს შენი ცრემლი,
თუ გმირულად მკვდარი მნახო.

რა ვქნა...
სიტყვაც არ გსურს ჩემგან,
ალარც გჯერა ბრძენთა თქმული,
რომ სიყვარულს მოაქვს ქვეყნად
სიცოცხლე და სიხარული!

•

1940 წ.

ნისლიან საღამოს

დამსეტყვა შენმა თვალებმა,
არ დამენახე ნეტავ,
ჩემო ცისფერო სიშორევე,
ლაქვარდზე მონაწყვეტო!

მიდამოს ნისლი ფარავდა,
ჩემს თვალებს — სახე შენი,
მიირხეოდი ეზოში,
როგორც ბილიკზე შველი.

არ დამიცადე, გამასწარ
და გაგიტაცა ბნელმა;
შენს გულში იყო სიმშვიდე,
ჩემს გულში დარჩა ლელვა.

შევდექი ნაძვის კარავთან
(ეხურა თოვლის ფიფქი),
მიდამოს ნისლი ფარავდა,
და მე კი — შენზე ფიქრი..

დამსეტყვა შენმა თვალებმა,
არ დამენახე ნეტავ,
ჩემო ცისფერო სიშორევე,
ლაქვარდზე მონაწყვეტო!

1940 წ.

ხალხის პოეტი

თუ ხალხის გულში არ გაქვს ფესვები
ვიცი, დალუპვას ველარ ასცდები, —
მე მინდა შუქი ჩემი ლექსების
იყოს ხალხი და მისი განცდები.

თუ გულში ჩადგა სინათლის სვეტად,
ვიცი, არასდროს დაიბინდება, —
ხალხმა თუ მიცნო თავის პოეტად,
ქვეყნად რად მინდა მეტი ღიღება!

სიხარულში ხომ მასთან ვიქნები,
დე, ჭრილობებიც ერთად გვტკიოდეს,
მე მინდა, ჩემი წმინდა ფიქრები
ხალხის გულიდან გამოდიოდეს.

თუ გრიგალივით გაჰყვა დროებას,
ლექსი არასდროს დაიბინდება, —
ხალხმა თუ მიცნო თავის პოეტად,
ქვეყნად რად მინდა მეტი ღიღება?!

1940 წ.

ჩემო ლექსეზო

ბოლოსიტყვაობა ლექსთა კრებულისა
„ვარსკვლავების ღიმილი“

დამტოვეთ მარტო და ხალხში მიხვალთ!
მწამს, ბევრ ჩემთაგანს გაუხარდებით,
თქვენ „გაზაფხულის“ შემდეგ გაშლილხართ
როგორც მაისის თეთრი ვარდები.

მიდიხართ კეთილ ოცნების ფრთებით,
ბუნებამ თქვენი წინსვლა ინებოს,
ჩემო ლექსებო, ჩემო ბარტყებო,
ჩემი გულიდან აფრენილებო!

მტრების მუქარა ნუ შეგაშინებთ,
იარეთ მტკიცედ, როგორც ღროს ჰშვენის,
მზესა და ვარდებს დაჰკრეფთ გზაშივე
და გამარჯვება გგეროდეთ თქვენი!

ვინაც მიგიღოთ, მას ემსახურეთ,
მისთვის იდინეთ, როგორც მთის წყარო,
იყავით ხალხის მოპირნახულე,
თუ გინდათ ქვეყნად რომ გაიხაროთ.

და თუ პარნასის მთაზე ვერ ახვალთ,
მტერთან ბრძოლაში ნულარ გატყდებით,
უთხარით ყველას, რომ ჯერ თქვენა ხართ
ჩემი ოცნების მხოლოდ ბარტყები!

1940 წ.

საგჳოთა საქართველოს ოცი წელი

ეს ოცი წელი — ოცი აგური,
მრავალ ათასი წლის საფუძველი,
ან მოოქროვილ ყდაში ჩასმული
ქართლის ცხოვრების ოცი ფურცელი.

მისი დღეები აურაცხელი,
ხან როგორც ელვა, ხან როგორც მძივი,
და ჩემი ქვეყნის ეს ოცი წელი
საუკუნეზე უფრო ხანგრძლივი,

ვერ დაეტია სამშობლოს მკერდში
და პოლიუსებს ხელი უწია;
ვისაც ჭაბუკის გული არ ერჩის,
ჩვენი დღის განცდა არ შეუძლია.

თუმც მოხუცები ძველი ჩანგურიტ
ახალი ქვეყნის მზეს შეჰხარიან,
გახარებულნი, როგორც ჯამბული,
ახალგაზრდების გვერდით არიან.

გვახარებს ლამაზ ბუნების თვალი,
ჩვენი ზაფხული, ჩვენი ზამთარი
და საქართველო თავისუფალი
ბედნიერების გზაზე დამდგარი,

ის ააყვავა მშრომელის ხელმა,
შევხარით დღეებს ლალსა და მზიანს;
აქ რას დაატევ, ამ ოცმა წელმა
თუ რაოდენი ბრძოლები სძლია.

თვალს შეაცურებ ვარდების ნისლში,
დააკვირდები ბალახებს რძიანს,
ო, თუ არა გაქვს ჭაბუკის სისხლი,
ჩვენი დღის განცდა არ შეგიძლია.

სამშობლოს მთებზე მზე დაიდვარა,
აღარ სდის ცრემლი შეუშრობელი
და ჩვენი მხარე იცოცხლებს მარად,
როგორც უთვალავ გმირთა მშობელი

1941 წ.

სიზაგუპის ოცნებანი

სიყვარულმა მათქმევინა,
თორემ მე ვინ, ლექსი ვინა?

გ რ. ო რ ბ ე ლ ი ა ნ ი

1

მე არ მიტაცებს სხვა მისწრაფება,
ოცნების ბევრი მთა გადავლახე;
ჩემი სული ჰგავს მერცხლის გაფრენას
და სულ პატარა შუქიკ მაღალებს.

მზეც, თურმე მთვარეს ტრფობით დაჰყურებს,
ტრფობას ძალუძსო შთანთქას წყვდიადი;
თუ სიყვარული გულს არ ახურებს,
რა უნდა იგრძნოს უფრო დიადი?!

ჩემი სიმღერა გეუცხოებათ?! —
სიყვარულისთვის ჩიტიც კი გალობს;
მე ხომ უმიზნოდ არ მსურს ცხოვრება,
ვიყო ქვეყნად და ასე ვიწვავლო!

მე ხომ არა მსურს ციხე-კოშკები,
არა მსურს, თუნდაც, ვფლობდე საწუთროს,
შენს თვალებს ვნახავ დროგამოშვებით
და ავმადლდები ყველაზე უფრო.

არ გავკვირდები მეფეთა ბედით
თუნდაც ოქროში ჩამსვან ყელამდი,
მე მირჩევნია კალთები მთების
და ყვავილები ათასფერადი.

გავხედავ ლაღად ჩემს საქართველოს,
სად სილამაზეს ქვაც კი გაჰყვირის;
დამარჩენს ჩემი ქვეყნის ნათელი,
ლეგა ღრუბლები მთებზე დაყრილი.

დამარჩენს ზღვა და ხმელეთი წმინდა,
ვარსკვლავთა გუნდის ცაზე ანთება;
მე მზე არ მინდა, მთვარეც არ მინდა,
მეყოფა ერთი ციციანათელა.

და თუ ნაღველი გულს დამიტყვევებს,
მაინც იმედით დავუცდი მყოფადს,
გავხედავ ზვარებს, გავხედავ ტყეებს
და პოეტს საზრდოდ ესეც მეყოფა.

და თუ ჩემი გზა ბნელს მოიფარებს,
და თუ ჩემს სურვილს ვერ დავეუფლო,
მე მაინც ვნახავ შენს ლამაზ თვალებს
და ავმალღდები ყველაზე უფრო!

2

ვინ დამიამებს ამ გულის წყლულებს?
ღროზე მკურნალი აღარ მელირსა.
და შენც იმიტომ ნუ შემიძულებ,
რომ გავხდი მსხვერპლი ბედისწყერისა.

დაე, ყოველი წაილოს ქარმა,
რა შემაშინებს სიმართლის რაინდს?
დაე, დაეკარგო ყველა შენს გარდა,
მე უმდიდრესი ვიქნები მაინც.

არა მსურს ვინმეს მონურად ვეყმო,
დე, შემიმოკლონ ღლეთა მანძილი...
მე უარეყავი, ვინც მყავდა ქვეყნად,
შენ ერთს დაგიტმე მათი ადგილი.

შენს გარდა, მითხარ, აბა რა დამრჩა,
თუმცა რა იყო ამქვეყნად ჩემი?

ერთი პატარა გული გამაჩნდა
და ისიც მხოლოდ შენ მოგიძღვენია.

ვიგონებ დღეებს წარსულს და მიმქრალს,
განვლილი ტანჯვაც არ დაბრუნდება...
გული წაიღო ამდენმა ფიქრმა,
ნეტავი როდის გაზაფხულდება?!

3

ვისთვის ვიცოცხლო, რისთვის ვიწვავლო,
ვიღას ვუმღერო ტბილი პანგები?
ჩემგან დაკარგულო აღმასის თვალო,
ვის უხეშ ხელში დაიქანგები?

მე შენთვის ექსოვდი ლამაზ სტრიქონებს,
ყველაფერს ძვირფასს შენ გადარებდი,
გიკრეფდი ვარდებს და იის კონებს,
მეგონა, შენს გულს გავახარებდი.

უსიყვარულოდ ქვეყნად რა ხარობს,
უშენოდ მგოსანს რამ მომცეს ძალა?
დაცარიელდა გულის მალარო,
ყველაფერს ეშხი გამოეცალა.

არავინ მიდგას მეგობრად მხარში,
გულწრფელი გრძნობაც ველარსად ეპოვე,
დღეს გადავადღე კალამი ხრამში
და პოეზიის ცა მივატოვე.

და რადგან ბედმა ასე გამთელა
და ცრემლებისგან ასე დამაშრო,
მშვიდობით, ჩემო ციცინათელა,
ჩემო მტრედღივით გაზრდილო ბავშვო!..

მშვიდობით! წავალ სადმე შორეთში,
გავყვები ქარს და ღამეს უსიერს,
იქნებ დარდები გადავიშორო,
შენ რომ ამ ჩემს გულს შეგმოუსიე.

გადავერევი ღრუბლის ქაოსებს,
გამითავდება ტანჯული წლებიც
და სადღაც, ძმათა სასაფლაოზე
დაისვენებენ დაღლილი ძვლები.

როცა სიკვდილი გადამეხვევა
შორეულ მიწის მარტოხელ სტუმარს,
ვფიცავარ: შენი წამწამის რხევას,
ჩემდამი ნათქვამ გადაჭრილ უარს,

რომ შენ ჩემს გულში კვლავ იშრიალებ,
როგორც ფოთლები მაღალ ვერხვების,
სიცოცხლე შენზე ფიქრს შევალე,
სიკვდილსაც შენზე ფიქრით შევხედვები.

უკანასკნელად წარმოთქმულ ბგერამ
ჰაერში ლაღად გაითამაშოს:
— მშვიდობით, ჩემო ციციანთელა,
ჩემო მტრედევით გაზრდილო ბავშვო!..

4

ასე ვათენებ თეთრად ღამეებს
და მღელვარება უფრო იზრდება,
სული თხოულობს ისეთ რამეებს,
რასაც სხეული ვერ ეზიდება

არ დავნებდები ბედის განაჩენს,
თავი შენდამი ფიქრებს მივანდე,
დე, ზოგის ლანძღვა დაღად დამაჩნდეს,
დე, გზების გავლაც დამაგვიანდეს.

ოღონდ მე მიეწვდე სასურველ მიზნებს,
ოღონდ ნუ ვნახავ მწუხრსა და ჩრდილებს,
გინდ დამაყენონ უფსკრულის ქიმზე,
ერთ ვარსკვლავს მაინც დავიმორჩილებ!..

5

მომეჩვენები, როგორც სიზმარი,
წახვალ და გულში დარდებს დამიტოვ,
ამ მტანჯველ ფიქრებს ყოველ ცისმარე
ვერ გავუძელი და მეც ამიტომ

დავემშვიდობე შენს ლამაზ თვალებს,
ტრფობის სურვილი გულში ჩავკალი,
მე მივატოვე ოცნების მხარე
და პოეზიის წმინდა აკვანი.

თუმცა ამ გრძნობას ვერ განვასხვავებ,
ვერ შევძლებ გულში ცეცხლის დავსებას,
მე შევიყვარებ ცისკრის ვარსკვლავებს,
შენს ულამაზეს თვალთა მსგავსებას.

ბე შევიყვარებ მზის ელვარებას,
მას მივულოცავ ჩანგსა და რითმებს,
იგი არასდროს მომეფერება
და არც შენსავით პირს მომარიდებს.

6

გულის წყლულები შენ დამიამე,
თუმც დაინისლა კვლავ ცის კარედი,
მე განვერიდე ადამიანებს,
შენს გარდა ვერვის ვერ ვეკარები.

ხან გავიფიქრებ, ღამეს მთვარიანს,
საღლაც, შორს, მთაზე შენს გვერდით ვიდგე
და მე სიცოცხლეც არ მიხარია,
თავს შენს გარეშე თუ წარმოვიდგენ.

ბედნიერი ვარ დაუსრულებლივ,
შენი თვალემა გზას მინათებენ
და მიხარია, ჩემი სურვილი
მტრებმა რომ ფეხით ველარ გათელეს.

სხივებს მაშუქებს სხვა ვარსკვლავედი,
რად უნდა მქონდეს მელანქოლია?
ცხოვრების ზღვაზე ისე გავედი
ერთი მომხმარეც არა მყოლია.

7

ჯერ არ მინახავს ცხოვრება ტკბილი
იმედი მაინც არ დამკარგვია,
მომნატრებია ბევრჯერ სიკვდილი,
მჯერა, სიცოცხლე მაინც კარგია.

როცა დავარწმუნდი, რომ აღარ გძულვარ,
ვიგრძენი რაა ბედნიერება,
გულს გადაშორდა დარდი და ურვა
და გამიტაცეს კვლავ სიმღერებმა.

ისევ გაზატხულს ვეამბორები,
ლექსის მერცხლები ისევ მეწვიენ;
მე შენკენ მოვალ სხვა შთაგონებით,
გზაში ღრუბლები ვერ დამეწვიენ.

მხოლოდ შენ ძალგიძს ჩემი აღდგენა,
ჩემს ლამაზ მიზნებს ნუ ეკრძალები,
ბედს ვეომები, როგორც არსენა,
და გზას მინათებს შენი თვალები.

არ ჩამითვალო ეს ლექსი კვებნად,
მე დავარწმუნე გული სრულიად,
რომ გამარჯვების ღირსი ამქვეყნად
მხოლოდ და მხოლოდ სიყვარულია!

1941 წ.

შემაჯავრობა, შემაჯავრობა, შამაჯავრობა

ჩვენი ხალხი გაიმარჯვებს

დაილოცოს ქართლის მიწა ულამაზეს მთა-გორებით,
სიყვარულის წარმომშობი და გმირობის შთამგონები.
დაილოცოს იავნანა, დედის ძეძუ, მამის მკერდი,
ვინც გაზარდა ვაჟკაცები მტრის წინაშე შეუდრეკი.
ბრძოლის ველზე ერთად იყვნენ შეფიცულნი მკვიდრ და-ძმებად,
საამაყო იყო მუდამ მამულისთვის თავდადება.
ბევრჯერ სისხლით შეღებილა არაგვი და ალაზანი,
გამოსულა „ქუდზე კაცი“, ვაჟკაცი თუ ლამაზმანი.
აუღებელ ციხედ მდგარა მყინვარი და თრიალეთი,
მიდიოდნენ წინ მებრძოლნი და ღროშები ფრიალებდნენ.
მიდიოდნენ შეუდრეკლად ფშაველნი თუ მარაბდელნი
და გვინახავს ბევრჯერ მტერი მკერდიდან სისხლდანადენი.
ახლაც მტერმა დაუმცხრალმა ნახა ჩვენი მკლავის ძალა,
შემოსეულ მუხანათებს თავს ვატყდებით ქარიშხალად.
ვინ გაბედა ჩვენს ღიდ ბაღში ბინძურ ხელის შემოტანა?
ვის დაეუთმობთ რუსთაველის და სტალინის ღიდ ქვეყანას?
გამარჯვების რწმენა იპყრობს ციმბირელს თუ კავკასიელს,
რომ მტარვალა ვერ ჩააქრობს ჩვენი ქვეყნის ნათელ სხივებს.
ერთი გრძნობით უცემს გული მოხევეს თუ თრიალეთელს,
მალე ვნახავთ მტრის მიწაზე ჩვენი ღროშა ფრიალებდეს.
ვერვინ დასცემს ჩვენს ამაყ სულს, თუნდაც სისხლით დავიწუროთ,
ჩვენი ხალხი გაიმარჯვებს, მას სტალინი მეთაურობს!

1941 წ.

ციხის ნანგრევებთან თქმული ლექსი

ყური დაუგდეთ ციხის ნანგრევებს
ათას ბრძოლაში გამონატარებს,
როგორ გეტანჯავდნენ, როგორ გვარბევდნენ,
როგორ სტაცებდნენ დედებს პატარებს.

ქართლის მინდვრებზე სისხლის ტბა იდგა,
თუმც ერთგულ შვილებს აქ არ ეძინათ:
ციხე-სიმაგრეს ქმნიდნენ, მტრებისგან
რომ საქართველო გადაერჩინათ.

მალლა ეჭირათ ბრძოლის დროშები,
ხალხში ჩნდებოდა ძალა მთებური
და შენდებოდა ციხე-კოშკები
მთებიდან მთებზე ჩასაფრებულნი.

ბოლოს დაეცა მტერი მზაკვრული,
ისევ გამრთელდა ხალხის იარა,
მოვიდა ქვეყნად ლაღი ზაფხული
და კილით კიდე შემოიარა.

აღლა არ ვაგებთ ციხე-სიმაგრეს,
ჩვენს მებრძოლ გმირებს არ სურთ საფარი;
მტერშეუხებელ სამშობლოს ვაგებთ,
რომ შრომის ცეცხლში რეკდეს მთა-ბარი.

რომ ხალხთა ძმობა დაბრძანდეს ტახტზე
და იბატონოს, როგორც ჩვევია,
რომ სიყვარულით ყოველი აღსდგეს,
რაც ოდეს მტრობას დაუქცევია.

1941 წ.

დიდება გმირებს

როგორ მრავლდება, როგორ იზრდება,
სამშობლოვ, შენი ხმა და დიდება,
შუქშემოსილი შენი მთა-ბარი
მტრებისგან მალე გაიწმინდება.

ძმებო, ეს თქვენი ბრძოლის ამბები
არის სამშობლოს შარავანდედი,
იმისმა ნანამ და სიყვარულმა
თქვენ ჩაგინერგათ ძალა ამდენი.

ქვეყანას მარცხი არა რგებია
არაგვიანს და ვაჟას მთებიანს,
რომელსაც თქვენი გმირობა იცავს,
სადაც ამდენი ვაჟკაცებია.

და წინაპარნი, თქვენს დიდ სახელებს
რა გაიგებენ, თვალს გაახელენ,
წამოდგებიან და სიხარულით
ფარ-მუზარადებს შეაჯახებენ.

იტყვიან: „მტერი ბევრი გვყოლია,
მაგრამ მრავალჯერ ჩაგვიქოლია;
ჩვენს შვილიშვილებს დღეს კიდევ უფრო
გასაოცარი ძალა ჰქონიათ.

არ უდრკებიან ხრამს და მთიანეთს,
მათი ბრძოლის ხმა ცას ახმიანებს,
მტერთა ბუნავში შევარდებიან,
მკერდით ლეწავენ კედლებს ქვიანებს.

გასწით! — მოგძახით სამშობლოს ლომებს,
თქვენც დაუმტკიცეთ მტარვალს ულმოებელს,
რომ ჩვენი მიწა ზრდის გოლიათებს
და მტერს სამშობლოს არ დაუთმობენ!“

1942 წ.

დედის წერილი

წითლარმიელთა საახალწლო საჩუქრებთან

გიგზავნით ფორთოხლებს, ჩირსა და ჩურჩხელას,
შემკულს და დალოცვილს მშობლიურ ალერსში;
თქვენს რისხვას მტარვალ ვერ გადაურჩება
და ჰპოვებს სამარეს საბჭოთა მხარეში.

მათ ვატან სიყვარულს, გულსა და მხნეობას,
ეს ჩვენი ბაღების ოქრო და ვერცხლია;
გილოცავთ ახალწლის ბრწყინვალე დღეობას,
რომელსაც ვერასდროს მტრები ვერ შესცვლიან.

დასცხეთ და დაჰკარით მტერს ყოველ ქალაქში,
დიდება თქვენს ნაბიჯს, დიდება თქვენს მარჯვენას!
თქვენ გმირულ ბრძოლით და ჩვენ შრომის ბარაქით
მივიყვანთ სამშობლოს სრულ გამარჯვებამდე.

თქვენი ჯანმრთელობა ბუნებამ იწებოს,
სამშობლოს კედელი — ეს თქვენი მკერდია;
გეხვევით და გკოცნით, ძვირფასო შვილებო,
ჩემი ხარო თუ სხვისი; ეგ, სულ ერთია!

1942 წ.

მამულო სახვარელო

ულამაზესო ჩემო მამულო,
მთებო, გაზაფხულ დაუქცნობელო,
გმირების სისხლით მკერდდანამულო
და სიყვარულო განუზომელო;
აყვავებულო, ლალო მთა-ბარო,
მუდამ უხვო და მუდამ ძლიერო,
შენი შეილები ფეხზე ამდგარან
და მტერს უხდიან სამაგიეროს!

— მძარცველთა ზროფა წყევლა და ზიზლი! —
გვეძახის ქვეყნის ვრცელი მანძილი,
ჩვენი უმანკო ბავშვების სისხლი
და უწმინდესი დედის მანძილი;
შურისძიების სურვილი გევანთებს
მარად მრისხანე, მარად ახალი,
დე, ჩემი ჩანგიც ბრძოლაში გახდეს
გამარჯვებათა ბაიროლტარი!

მამულის დამცველთა შემატოს ძალი,
გაუთანაბრდეს ტყვიებს, ყუმბარებს,
ის ელვარებდეს, ვით გმირის ხმალი,
მტერს აღვრევინოს ცრემლი მდუღარე;
როს მოიხადოს პირნათლად ვალი,
მას ბრძოლის ველზე რაც დავუბარე,
გამარჯვებულმა გააღოს კარი
და მიესალმოს სამშობლო მხარეს.

შურისძიება! ძმებო, დაჰკარით
ჩვენზე მოსეულ ყველა გარეწარს,
ვინც გადმოლაზა წმინდა საზღვარი,
ვინც განიზრაზა ჩვენი დაღეწვა;
დიდი ლენინის უძლეველ დროშით,
და მისი ბრძნული სიტყვით ძლიერით,
მტკიცედ წავიდეთ გადამწყვეტ ომში,
წინ! გაუმარჯოს მტერზე იერიშს!

1942 წ.

სიმღერა ქართველი ზეოგორისა

დარიალი გადავლახე,
დალესტანის მთებში დავდექი,
ვერ გაბედოს მტერმა მოსვლა
საქართველოს კარებამდე.

ვერ შეიძლოს ვერასოდეს
კავკასიის მთებზე დგომა,
ვერ დაგვიჰკნოს გაზაფხული,
ვერ წაგვართვას შემოდგომა.

ჩემი ქვეყნის ვაჟკაცებო,
ვეფხვებო და ლომგულებო,
მთებო, ცამდე აზიდულნო,
მდინარეთა ჩონგურებო.

ვერ დაიპყრონ თქვენი კალთა,
ვერ შესწყვიტონ თქვენი დენა;
ვერც ჩაახშონ ჩვენი ხალხის
სილალე და აღმაფრენა.

გადავეშვათ გრიგალივით,
მუხლი დავკრათ მიწას ძელიანს,
ჩვენ სამშობლოს მტერთა მუსვრა
მამებისგან გვისწავლია.

წამოვიდეს ტყვიის თქეში,
შუბლს დაღავდეს სისხლის ღვარი,
მტერი მაინც ვერ გახდება
ჩვენი ქვეყნის ბინადარი.

თუნდ ჰრილობა გვაჩნდეს მკერდზე,
მტერს მზე მაინც დავუღამოთ! —
გმირი კვდება ბრძოლის ველზე,
მაგრამ ცოცხლობს სამუდამოდ.

გადავეშვათ გრიგალივით,
მუხლი დავკრათ მიწას ძვლიანს,
ჩვენ ბრძოლაში უშიშრობა
მამებისგან გვისწავლია!

1942 წ.

ბრძოლის სიმღერა

სიმღერა, ბრძოლის სიმღერა
გულებს ანთებს და აკაფებს.
მტრის შესამუსრად ეძახის
მამულის დამცველ ვაჟკაცებს.

ვინ დაიმონებს ჩვენს მიწას,
ჩვენი ბაღების მშვენებას?
ვის შეუძლია საბჭოთა
სამშობლოს გადაშენება?

ვით ერთი კაცი, აღვდგებით,
დავეჯახებით უკუნეთს,
სადაც ბრძოლაში გამწვევი
სიმღერა დაიგუგუნებს.

ჩვენს მამულს მტერი დაესხა,
დაჰკრა ველური ბრჭყალები,
მაგრამ გრიგალად ავქუხდით
ვაჟკაცები და ქალები.

კავკასიონიც წამოდგა,
თერგიც წამოდგა მრისხანედ,
მტრის შესამუსრად მიდიან,
ფოლადის ჯავშანს ისხამენ.

ვინ თქვა: სიმღერა სავსეა
ნაღვლით და მწუხარებითა,
მაშ გმირებს რატომ ეძახის
ის გამარჯვების ხმებითა?

ჩვენ ამ დაძახილს მივყვებით,
და ვეჯახებით უკუნეთს;
მივდივართ, სადაც საბრძოლო
სიმღერა დაიგუგუნებს!

1942 წ.

ზეხვედრბ

მეგობარ პოეტს სანდრო ჟღენტს.

შორს საქართველოს მთები დავტოვე,
აქ ლექსს ვუმღერი მებრძოლებს ველად.
და ლაშქრად წასულ მეგობარ პოეტს
მათ შორის შეგხვდი მოულოდნელად.

ძმავ, კალამი და პოეზია
დღეს გაუტოლდა ხიშტს და შაშხანას,
სამშობლოს მტრები შემოესია,
ტკბილი ცხოვრება რომ ჩაგვაშხამონ.

მაგრამ მტარვალთ ვერ გაიხარებს,
ჩვენ გამარჯვების გვაქვს ტრადიცია.
გმირები ქმნიან სამშობლო მხარეს
და თავგანწირვაც ომში იციან.

რომ ამღერდება კვლავ ბუღბუღლები,
რომ დაწყნარდება მკაცრი მიწის ძვრა
და სამშობლოში რომ დაბრუნდები,
გადაგეხვევი, როგორც მკვიდრი ძმა.

ხიშტით და კალმით მიიჭერ მტერზე,
გწამდეს სამშობლო ქვეყნის მიზანი,
და როცა გნახავ, შენს ფართო მკერდზე
აღმომეჩინოს გმირის ნიშანი!

1942 წ.

ქ. ბუინაკსკი, დაღესტანი.

მშვიდობით

მივდივარ, სადაც სამშობლო მიხმობს
სად მტერს ებრძვიან ლომგული ძმები.
მშვიდობით! — გითხარ არა იმიტომ,
რომ სამუდამოდ გემშვიდობები.

მშვიდობით! — მაგრამ დიდხანს კი არა,
რად აციმციმდა თვალებზე ცრემლი?
მოდო, გავიყოთ თანაზიარად
ჩვენი მამულის ეს განსაცდელი.

მშვიდობით! — ვამბობ, მსურს მშვიდად დარჩე,
აქ ამაგრებდე სამშობლოს კედელს,
მამულს უზრდიდე ქოჩორა ბავშვებს,
როგორც ჩვევიათ ქართველთა დედებს.

და მე თუ მოვეკვდი, ჩემი სიცოცხლე,
დაე, განაგრძონ ჩემმა ვაჟებმა,
მამის გმირული სული იცოდნენ,
არ შეარჩინონ მტერს თავაშვება.

არ შეიბრალონ, ეკვეთონ მარჯვედ,
ვინც ვერაგულად გადაგველობა; —
ბრძოლაში მხოლოდ ის გაიმარჯვებს,
ვისაც ვერ დასძლევს უიმედობა!

მშვიდობით! მინდა მტერს შევხვდე მსახვრალს,
შორიდან მესმის სხვა საყვირის ხმა,
შენდამი ფიცი გულს დამისახავს,
როგორც ანდერძი ავთანდილისა.

ჩემი ცხოვრების აღმოსაველო
და ჩემი გულის ცეცხლო ძლიერო,
შენს თავს მართმევენ და როგორ გაეძლო,
მტერს არ მიეუზლო სამაგიერო?!

მშვიდობით! უნდა დავხვდე თავხედებს.
ვინც მოინდომა ჩვენი გათელვა,
შენი თვალები გზას მინათებდეს,
როგორც ღამეში ციცინათელა.

მშვიდობით! მაგრამ მე მოვალ ისევ
და სალამს გეტყვი „მშვიდობითს“ ნაცვლად;
დღეს კი მსურს ბრძოლით შევხვდე მოსისხლეს,
ვიწოდებოდე სამშობლოს კაცად.

გჭეროდეს, მოვალ გამარჯვებული,
ისევ ლალი და ისევ მგზნებარე,
რადგან აქ შენი გული მეგულის
და საქართველოს ცა მოელვარე!

1943 წ.



მარადი ხსოვნა

ოშში დაღუპულ მეგობარ პოეტს
ს ე ე რ ი ა ნ ი ს ი ა ნ ს.

ის გვერდში ედგა სამშობლოს გმირებს,
ზღვის ტალღასავით მუდამ ლელავდა.
მკერდი უგავდა ქორბუდა ირემს,
მიიბრძოდა და მტერს მიცელავდა.

ის ხმალთან იყო ძმადშეფიცული,
მან არ იცოდა ცრემლი და კვნესა,
მასაც უყვარდა ვაჟეაყის გულით
თვისი სამშობლო უპირველესად.

სამარადისო დიდება მისი!
მან დააფარა სამშობლოს მკერდი;
მკლავში უჩქეფდა მღელვარე სისხლი,
ვით დარიალში მქუხარე თერგი.

მან არ დაზოგა შემოსეული
მტრები და ჩასცა გულში ლახვარი;
დაეცა მხოლოდ მისი სხეული,
სული კი დარჩა ისევ მაღალი.

მასთან სხვაც ბევრი გმირი ქებულა,
სხვაც ბევრი სიკვდილის დაუხვდა მტკიცედ,
და შეასრულა ყველამ ერთგულად,
რაც კი სამშობლოს დროშას შეპფიცეს.

სამარადისო დიდება მათი!
არწიგებს გავდნენ შეუღარებელს,

მოკედნენ საყვარელ სამშობლოსათვის,
ბრძოლას კი მაინც არ ამთავრებენ.

კვლავ ყიფინებენ წინანდებურად,
რომ შურისგება ისევე შესძლონ;
მათი სახელი მზედ ანთებულა
და გვერდს უმშვენებს თვითეულ მებრძოლს.

ვერ მშვიდდებიან ბრძოლას ჩვეულნი,
მტერზე შეტევა იწყეს ახალი;
გმირის ეცემა მხოლოდ სხეული,
სული კი რჩება ისევ მაღალი!

1943 წ.

სამშობლოს ვინ წაგვართმევს

სტალინგრადისათვის გებრძოლ ქართველებს

ჩვენს ქუჩაზეც მოვა დარი,
მზის ნათელი აგვანთებს,
სტალინი ხომ ჩვენთან არის,
სტალინგრადს ვინ წაგვართმევს?!

არ მოვუშვებ გასათელად
მტერს სამშობლო მიწამდი. —
ჩემს საყვარელ საქართველოს
სტალინგრადთან ვიცავდი.

თუ დავეცე, მიგონებდეთ, —
ეს ვაჟკაცის წესია;
ვცოცხლობდე და მტერს ვმონებდე?
მოვკვდე უმჯობესია!

დაე დადგეს ცეცხლის მთები,
ცეცხლის ბარიკადები,
სამშობლოსთვის ნუ მოვკვდები.
გმირად დავიბადები.

ჩვენს ქუჩაზეც მოვა დარი,
მზის ნათელი აგვანთებს,
სტალინი ხომ ჩვენთან არის,
სამშობლოს ვინ წაგვართმევს?!

1943 წ.

გამარჯვების საღმებრძოლო

გაუმარჯოს! ვინც სიცოცხლე
ბრძოლის ცეცხლში ატარა,
დაეჯახა ვაჟეცურად
და მტრის სისხლი დაღვარა.

გაუმარჯოს! ვისი გულიც
წმინდა გრძნობით იწოდეს,
ვინც იცოდეს სიყვარული,
სიძულვილიც იცოდეს.

მეგობრობის დიდი გრძნობა
ვისაც შუქად აჩნია;
გაუმარჯოს! ვინც სიკვდილი
მტრის მონობას არჩია.

ვინც ღარაჯობს საქართველოს,
მის მთებს თეთრნაბდიანებს,
გაუმარჯოს! ვინც ბრძოლაში
წასვლას არ აგვიანებს.

ვინც ცდილობდეს შემოსეულ
მტერთა განადგურებას,
გაუმარჯოს ქართველ გმირის
შეუღრეკელ ბუნებას!

1943 წ.

უკრაინის დედაქალაქს

საბჭოთა არმიის მიერ პიტლერელებისაგან
კიევის განთავისუფლების დღეს

დნეპრი მკერდში ვერ თავსდება,
მზე ველს აფენს ოქროს დაღალს;
დღეს სამშობლო ესალმება
უკრაინის დედაქალაქს.

ჩვენს მშობლიურ მთებსა და ველს
მტერი რისხვით მოერკალა,
მაგრამ მტრობას მუდამ დასძლევს
სიყვარულის დიდი ძალა.

ტყვეობიდან დახსნილ ქალაქს,
ვით არწივი გაფრენილი,
გადმოჰყურებს ცეცხლის ალად
დროშა ქარზე გაფენილი.

გადმოჰყურებს მებრძოლთ ამაგს,
მათ შეტევას გასაკვირველს.
და შევჩენკო, როგორც მამა,
გულში იკრავს მებრძოლ გმირებს.

დნეპრის მიწა ტყვიამ დახრა,
სისხლის ღვარი ლეწდა კარებს,
მაგრამ მისი ტალღა ახლა
გადაიქცა მტრის სამარედ.

ისევ მალე აყვავდება,
გაიმრთელებს ნატყვიარებს,
სულ სიამედ შეეცვლებათ
რაც წამება გაიარეს.

სამშობლოს მზე ოქროდ აქცევს
სისხლით მორწყულ ბაღია-ბაღებს
და სამშობლო მალღა ასწევს
გამარჯვების ბაირალებს!

1943 წ.

მზის მოსვლას ჰგავდა ამბავი

მზის მოსვლას ჰგავდა ამბავი
აქ რომ მოვიდა დილითა,
გადაიარა სოფელი,
მინდვრები გადიჯირითა.

ესტუმრა მიწას ნააკვნარს
ერთი ვაჟკაცის დიდება,
ვინც ვერაგულად მოსულ მტერს
არასდროს შეუშინდება.

გმირის ოჯახში მიფრინდა,
ბაღჩაში შუქი ჩაღვარა,
თმაგადავერცხლილ დედილოს
შეუთამაშა ჭალარა.

ცამდე ავიდა ხალისი
თითქოს მყინვარის მხრებია,
მწყობრში ჩამდგარი ალგები
საომრად ემზადებიან.

მხარგადაშლილი ცაცხვები
ველზე დამდგარან დევებად,
ააშრიალეს ფოთლები
სხვა ათასგვარმა ხეებმაც.

მათ აპყვა მთელი მიდამო
და ხმა ლალადაჰყვეს ვეება:
„ვაშა, სამშობლოს მამაც შვილს,
ვინც მტერს გმირულად შეება.“

ვისაც სიყრმითვე გამოჰყვა
შეუღრეკელი მარჯვენა,
ისე გაჰკრა და გაფანტა,
დააწყველინა გაჩენა“.

ხარობდეს შენი ქვეყანა,
შენი გამზრდელი აკვანი,
შენ გააღვიძე საფლავში
მძინარე მამა-პაპანი.

ხარობდეს შენი მშობელი
პირზე ვარდების ფენითა,
ჰქონდეს ხანგრძლივი სიცოცხლე,
რომ ამაყობდეს შენითა.

არ დაუთმობდე ურჯუკ მტერს
ჩვენს დაუქნობელ ტყე-ველსა,
ასახელებდე სამშობლოს
გმირობა დაულეველსა!

1944 წ.

მუნასიბი

ქართველ პეზრძოლებთან დალესტანში.

საქართველოდან ერთი პოეტი
სიმღერისათვის თქვენთან მოვედი
და მოგიტანეთ ვაშა მქუხარე,
რომ მტარვალს ქედი არ მოუხარეთ.
თავზე აყრიდით ცეცხლს და ყუმბარებს;
და ყველა მეზრძოლს: ქართველს, ყუბანელს
ერთი მიზანი გულში გებუდათ:
სამშობლოს მტერი გადაგებუგათ.
კვლავ აღიმართეთ, როგორც კლდეკარი,
მტრის ყველა გზები მკერდით შეჰკარით,
პირსისხლიანებს ეკვეთეთ მარჯველ!
გწამდეთ: ბრძოლაში ის გაიმარჯვებს,
ვინც თავის მამულს უდგას დარაჯად,
ვინც სიმართლისთვის იბრძვის მარად ჟამს!

1944 წ.

სიმღერა მებრძოლ ქალებზე

თქვენ მოდიხართ ურიცხვნი
და სიმტკიცე თან გახლავთ,
ქარიშხალის ხმაურში
თქვენი ხმებიც კიაფობს;
სამამულო ბრძოლაში
ვაუკაცების მხარდამხარ
მტრის გარეწარ ურდოებს
თქვენი მკერდიც მიაპობს.

ტკბილ სამშობლოს არ დასთმობთ
საქართველოს დედები,
თქვენი მკლავის სიმარჯვე
მტერმაც კი აღიარა;
თქვენი რუხი ფარაჯა
და უდრეკი მკერდები
იმშვენებენ ორდენებს
და საბრძოლო იარაღს.

დიდ საბჭოთა სამშობლოს,
მრავალ მოძმე ერიანს
იცავთ, ქართველ ქალებმაც
თავი ბევრჯერ გასწირეთ,
იავნანის მღერაში
ხმალიც გაგიფერიათ
და მიჰყევით ბრძოლაში
წინაპართა აჩრდილებს.

შრომითა და ბრძოლით გაქვთ
ცხოვრების გზა განვლილი,
გუთანზედაც გასწიეთ

ბევრი შრომა, ჯათანი,
მხნედ მიდიხართ ბრძოლაში
და ეგ წმინდა მანდილი
ხან გაშლილი დროშაა,
ხან კრილობის საფარი.

რამდენ მეზრძოლს თქვენს მკერდზე
მოუშუშდა იარა,
სად ტყვია წვიმს, თქვენც იქ ხართ
თვალთა შუქის ანთებით:
მარტო მხედართმთავრებსა
და ვაჟკაცებს კი არა,
ქალებსაც გმირებად ზრდის
ვაჟკაციის კალთები!

1944 წ.

დ ე დ ა ს

შენს სამარესთან ვდგავარ და ვტირი,
ვდგავარ და ვტირი, ძვირფასო დედა,
სანამ შენ მყავდი, ვიყავი გმირი,
ადვილად მტერი ველარა მძლევედა.

რა სიხარული მქონდა სიცოცხლის,
ახლა ცრემლების მწვევს აგონია.
შენი სამარის მიწას რომ ვკოცნი,
კვლავ შენი ტკბილი ძუძუ მგონია.

გულში მინთიხარ, როგორც კანდელი,
შენს წმინდა საფლავს თავზე ვეველები
და ცხოვრებაში რაც დაგაკელი,
მინდა შეგივსო ჩემი ცრემლებით!

1944 წ.

გამარჯვება მოგვილოცა

რა ქარბუქი გავიარეთ,
რამდენ გრიგალს გადაეურჩით;
ქარიშხალმა დაგვისეტყვა
ჩვენი ბალის ხე და ბუჩქი.

ღრუბლის ზღვაში ჩაძირული
ალარ ჩანდნენ მთები ლურჯად,
ჩვენი პირმზე გაზაფხული
ტყვიის კვამლით შეირუჯა.

მაგრამ მტარვალს
ვლეწდით,
ვჩეხდით,
ბრძოლის ცეცხლში ვხვევდით ტყე-ველს,
წმინდა სისხლი დავაპკურეთ
ჩვენ სამშობლოს საკურთხეველს.

წმინდა სისხლი ავაქუნეთ
და შევლეწეთ მტრის კარები,
გამარჯვება გეწამდა მუდამ,
შიშს არასდროს ვიკარებდით.

და ამ დილით
დიდმა ბრძენმა,
მზე ბურანში იწვა როცა,
კრემლის ნათელ დარბაზიდან
გამარჯვება მოგვილოცა.

— მოგილოცავთ!
მოგილოცავთ!
მორჩა ჩვენი გულის ურვა! —
წამით შედგა ყველაფერი,
თითქოს შეწყდა მიწის ბრუნვა.

ხმა ქუხილად ცას მოედო,
მთებიც შესძრა თმაქალარა,
ხალხის გულში სიხარული
ჩანჩქერივით ჩაიღვარა.

მეც ავმღერდი,
მეც ავყვავდი,
მეც ამ ლხენამ გამახარა,
— გამარჯვება!
გამარჯვება! —
გაისმოდა მთად და ბარად.

და ჩამოვკარ თითები ჩანგს,
სისხლის წვიმით დაუქანგავს,
რომ ვისმენდეთ ხელმეორედ
გამარჯვების ღიად ამბავს.

რამდენ გრიგალს გადაუტრჩით,
რა ქარბუქი გავიარეთ,
სიხარული დაეუფლა
გულს ნაცრემლს და ნაიარევს.

დღეგრძელობა!
ვინაც გულში
ჭედდა რწმენის ბასრ იარაღს,
ვინც დაგვიხსნა მტრის ხელიდან,
ვინც ისევ მზეს გვაზიარა;

ვინც გვიკაფავს ცხოვრების გზას,
ვინც გვაშორებს ქარს და ავდარს,
დღეგრძელობა! დღეგრძელობა!
ჩვენი ქვეყნის მთავარსარდალს!

გამარჯვების პარადი

დედაქალაქმა მოსკოვმა
დედა სამშობლოს სახელით
ააფრიალა დროშები
ბრძოლაში შეულახველი.
წითელ მოედანს ფარავდა
გამარჯვებულთა პარადი,
გმირების ვაშა მქუხარე
შუქს ჰფენდა კარით-კარამდი,
აქ იყო ყველა ვაჟკაცი,
მტერს გულში მესს რომ ახლიდა,
და გაისმოდა სიმღერა
გამარჯვებული ხალხისა.
ვარდებს ისროდნენ გმირები —
ქალ-ვაჟნი ტანახოვნები.
მტრის დაფლეთილი დროშები,
ვით განგმირული ყორნები,
ეყარნენ სისხლში მოსვრილნი,
როგორც სირცხვილის ნიშანი,
გაცრუებული იმედი
და წაგებული მიზანი.
ირგვლივ ტანკების გუგუნნი
და პროპელერთა ზრიალი
ისმოდა, გაიხარებდა
ჩემი სამშობლო მზიანი.
თავზე გვირგვინად დაედგა
გამარჯვებულთა პარადი
და ცეცხლოვანი სიმღერა
შუქს ჰფენდა კარით-კარამდი.

1945 წ.

მატა-ფშაველა
ომიდან დაბრუნებულ ზვირგბთან

მომეცით ჩემი ფანდური,
ჩემი ფრანგული, სიათა;
მიწამ სხეული დამიდნო,
სული არ დამიზიანდა.

გადავდიოდი მყინვარებს,
ერთხელ არ დავიმუხლებდი,
ახლა კუბოში რა მინდა,
ვინ დამიკრიფა გულ-ხელი?!

თქვენს გამარჯვებას რომ ვუცქერ
ხარირემივით ვლალდები,
არწივის ფრთები მგონია
სამშობლოს ბაირაღები.

თქვენი ყიჟინა რომ მესმის,
საფლავში ველარ ვეტევი,
გულიდან ფიქრი მოფრინავს,
როგორც ბუდიდან მტრედები.

ჯერ ჩემთან სიკვდილს რა უნდა,
ვინ დამიკრიფა გულ-ხელი?!
ბევრი ვაჟკაცის ქება ვთქვი
და ბევრიც დამრჩა უთქმელი.

ამლერდი, ჩემო კალამო,
აყვავდით, ქართლის ზეარებო,
გმირებო, ჩემო ვოჟებო,
ჩემს გულში ნაბუდარებო.

თქვენზე ფიქრში და ძებნაში
მრავალი ღამე ვათიე
და ლექსებს მივეც სამღერად,
რაც გულში ვეღარ ჩავტიე.

ცერვინ დასცინებს ქართლის მთებს
ლაჩარი შვილის ყოლასა;
ერკინებოდით ურჯულოს,
კბილით ამტვრევდით ფოლადსა.

თქვენი ხმლით მტერი დაემხო,
/ცამ გადირეკა ღრუბლები
'და გამარჯვებულ გმირებთან
მე საფლავიდან ვბრუნდები.

მამულიშვილნო, თქვენთან ვარ,
თქვენი მარჯვენის ჭირიმე,
ამ ქვემეხების გრიალთან
ხმა შეუწყვია ხირიმებს.

მათი ქუხილი ჩამესმა,
გულმა დამიწყო ზრიალი,
ამიშრიალდნენ საფლავზე
ყვავილნი ფოთლებ რძიანი.

და ჩემებურად ვულოცავ
გმირთა გმირს ლომის მარჯვენას,
ვინც ძალა მისცა სიცოცხლეს
და აზრი — კაცის გაჩენას.

ვინც მზით შემოსა სამშობლო,
ბნელი დასცა და დაისრა;
მე მათ გმირობას ვუამბობ
შოთას, თამარს და დავითსა!..

სიმღერა ლესელიძისა

ჩემი ქვეყნის ვარდგაშლილი სერები
სამშობლოსთვის თავდადებას მირჩევდა:
მტრის ურდოებს მუდამ ვაცამტვერებდი,
სანამ მკერდში გული არ გამიჩერდა.

არ ვიცოდი მტრებზე ტყვიის დაცდენა,
ჩემი ცეცხლით ბევრის ზეცა დავხურე;
არად ვაგდე ამ უღროო დაცემას,
რადგან მტერი უკვე გავანადგურეთ.

სამშობლოსთან ჩემს სახელსაც იტყვიან,
ძმებო, თვალი ცრემლით არ დაგისველდეთ!
ჩემი სული კუბომ ვერ დაიტია,
ჩემგან დაზრდილ გმირებთან ვარ ისევე.

და თუ მამულს მსხვერპლად შეეწირები, —
ბრძოლა არის ქვეყნად კაცის ღირსება! —
ხალხის გულში იმარხება გმირები,
მტრის სამარე მხოლოდ ლეშით ივსება!

1945 წ.

გაზაფხული

ომში დაღუპულ ქართველ მეზრძოლებს

მზე ღრუბლებში არა ჩანდა,
დღეს პირბადე ჩამოიხსნა .
და ბუნება აამღერა;
გაზაფხული შემობრძანდა —
დაბადება სიცოცხლისა,
დახატული ათასფერად.

ქარმა ფოთლებს დაუბერა,
აშრიალდნენ ხის ტოტები
და სალამით გაგვახარეს.
გაზაფხულის სიტყვა მჯერა!
სიყვარულში გიტოლდები,
მშობლიურო ჩემო მხარევ!

ვაი, ძმებო, სად დაეცით,
რომელ მიწის მკერდი ფარავს
თქვენი გულის მღელვარებას? '
ვარსკვლავები მოვა ზეცით,
დაგეყრებათ სხივნი ღვარად,
ვით მარადი უკვდავება.

ყველა წვეთი თქვენი სისხლის,
ყველა სიტყვა თქვენგან თქმული
მამულის კარს ედგა მცველად,
ეს აპრილი, ეს მაისი,
ეს მზიანი გაზაფხული
მტერს რომ ველარ გაეთელა,

კვლავ თქვენი ხმა ისმის მუდამ,
ისევ ელავს თქვენი ხმალი,
მოგვიწოდებს მტერთა ძლევას.
როცა ქვეყნად გაზაფხულდა,
თქვენი სული ჩაუმქრალი
სამარეში არ ეტევა.

ის მოჰყვება აპრილის თვეს,
ბაღებში და მდელოებზე
გაიშლება ყვავილებად,
მამულის მზე სხივებს მოჰტენს;
ვინც დაეცა ბრძოლის ველზე,
მათი შუქი არ ილევა!..

1945 წ.

ბარათაშვილისადმი

სამშობლო მთები — შავი ნისლით შემოხურვილი,
უმზეო ზეცა, სხივ ჩამქრალი აღმოსავლეთი.
და აზრის მეფე ამ ქვეყნიდან ისე წახვედი,
ვერ აღასრულე ჰაბუკუკი ერთი სურვილიც.

ვერღა აგიგო სიყვარულმა კვალად ტაძარი
და შენი ტრფობის ყვავილები უმზეოდ დაზრა.
თვით შენი ლექსი გადაიქცა სამშობლოს ტაძრად,
როს სევდიანი ფიქრნი შენი ლექსად დასძარი.

მგოსნის სიმღერით თვით სიკვდილი არის ძლეული;
აღანთე შუქი მომავალის იმედით საესე,
შენ იყავ, ვინაც სული გვამში ვერ მოათავსე,
ვერც სამარეში დაეტია შენი სხეული.

მშობელი ერი, მადლიერი მზეს გადარებდა,
დღესაც მოვიდა და მუხლს იყრის შენს სამარესთან...

1945 წ.

ბარათაშვილის ლექსმა სთჳვა

მე სამშობლოს ძახილი ვარ,
საუკუნის გადამწვდენი,
ხან ჭაბუკის ოცნება ვარ,
ხან ფიქრი ვარ გულდამწველი.

მიჯნურობის სიმღერა ვარ,
ავთანდილის ბაგით თქმული,
ჩონგურების ლულუნი ვარ,
ხან ხმალი ვარ შემართული.

ბედნიერი მერმისი ვარ,
ასი წლის წინ დანახული,
მე მაისის მზის მოსვლა ვარ,
მე ვარ თვითონ გაზაფხული.

განთიადის ვარსკვლავი ვარ,
მე ვარ მერნის ნიაქიარი,
სიყვარულის მორჩილი ვარ
და შავ ბედთან უშიშარი.

ლხინში მუდამ მეჭლიში ვარ,
გული ჭირშიც არა ღრკება,
მე ისეთი სიცოცხლე ვარ,
არასოდეს რომ არ კვდება!

1945 წ.

სტამბაში

ლამაზ კარადებს კრძალვით გავყვები,
— რარიგ მალალებს ასო ქართული:
ყუთებში სხედან, როგორც ბარტყები
წამოსაფრენად ფრთებშემართული.

სხედან, ვით კლდეში წყაროს ზვირთები,
ზოგი მზე, ზოგი — ნამგალა მთვარე;
ფრთებზე შეისხეს ჩემი ფიქრები
და ცის კიდური შემოატარეს.

გადაივლიან მრავალ ორღობეს,
უკან დარჩებათ მთის მწვერვალები
და ხალხის გულებს დაიმეგობრებს
ჩემი მართალი ლექსის პწკარები.

ხან ბარად ნახავ, ხანაც მთიული
წაიკითხავს და იტყვის: — ვინ არი! —
მე გუტენბერგის ლანდი ღვთიური
თავზე დამყურებს, როგორც მყინვარი.

და მაგონდება ვახტანგ მეექვსე,
პირველი ფუძე ვინც აქ ჩააყარა,
ვინც რუსთაველის მადლიან ლექსებს
ხალხს გასძახოდა, როგორც ნალარა.

მათმა გონებამ წაშალა ბნელი,
ნათელით მათით ვინ არ დამტკბარა?
მეც მათი ნიჭის მადლით შევეძელი
ჩემი სიმღერის ხალხში გატანა!

1945 წ.

ი. გრიშაშვილის იუბილე

დედაქალაქს ზეიმი აქვს, ქარს ნისლები ზევში მიაქვს,
შეფოთილი ხეივანი ტანს აყოლებს კოჯრის ნიავეს.
მზის სხივები აციმციმებს ვერცხლად დაყრილ ნამთა ღილებს,
საქართველოს გაუმართავს ხალხის მგოსნის იუბილე.

შეკრებილან რჩეულები, სიხარულში ჩვეულები,
ლალობენ და მუსიკობენ, იხარებენ ჩვეულებრივ;
და ოდესმე ცხოვრების გზა თუ ღრუბლებით დაფარულა,
ახლა გულის სამყაროდან მწუხარება გაპარულა.

და ზღვა ხალხი ზღვისებრ ღელავს, ვინც ზეიმი იზიარა,
ყველა მასთან ახლოს იწევს, ყველა უხმობს მისიანად:
— სოსო ჩვენი მგოსანია და იქნება ჩვენთან მარად,
მან ქართული ჩანგის ჟღერა ახლებურად შეგვაყვარა.

ის ახალი პოეზიის მეხობზე და ამაგდარი,
ხან ბრძნულ სიტყვად ჩამოქნილი, ხან რითმებად გადამდნარი;
ყვავილების რბილ კვარცხლბეკზე ფეხი შედგა მოკრძალებით,
ღიმილს აფრქვევს მისი სახე, სიხარულის ცრემლს — თვალები.

ჩაღბს მადლობით გადახედა, გულში ჩადგა გაზაფხული,
ის ღელავდა ხალხისაგან სიყვარულით დადაფნული.
თქვა სამშობლოს დღეგრძელობა ამაყად და დაჩერებით,
შემდეგ ლექსად დაიღვარა, როგორც ვაჟას ჩანჩქერები;

— ვისაც უყვარს რუსთაველი, თამარი და საქართველო,
მე იმისი მგოსანი ვარ, მისთვის ვმღერი, მისთვის ვხელობ,
მე თბილისის მგოსანი ვარ, ვდგავარ ისნის მაღალ კართან,
მე სამშობლოს მგოსანი ვარ, მხურავს მისი დროშის კალთა.

ბანში შეველ, თუმც ჯერ კიდევ ხმა არ მესმის დაბერების,
ქვეყნად ბევრი ლექსი მრჩება, შვილებივით ნაფერები.

აი, ერთი: „—“

და დაიწყო...

ხალხის ზღვაში შუქად ჯდება:

სიყვარული, სილამაზე, სამშობლო და გამარჯვება!..

მთაში წყარო ათამაშდა, ტყეში ქარი აიშალა

და ფოთლების ჟრუანტელმა ჩაირბინა მთა თუ ქალა;

წამოფრინდნენ ნაპერწკლები, გულს მოედვნენ ნაღვერდალად

მისმა ლექსმა გვაგაძნობინა სიყვარულის დიდი ძალა.

აგვამღერა, აგვაჩქეფა, აგვიყვანა ცის თალამდე...

სიტყვა უნდა ცეცხლად ენთოს, რომ სიამით გულს დაღავდეს;

მისი ლექსიც ხომ ცეცხლია, ხან მჩქეფარე, ხან დამწველი?

პოეზიას გაუმარჯოს ხალხის გულში გადაწერილს!

1945 წ.

ალ. წულუკიძის საფლავთან

ირგელივ ცაცხეები ტოტებს არხევენ,
დაგშრიალებენ ფოთლები გუნდად,
იმეორებენ უკვდავ სახელებს
სამშობლოსათვის თავდადებულთა.

შენც მრავალ ცეცხლში მტერი დასძლიე,
მიტომ ბრწყინვალეს შენი ხსენება;
ბოლოს მშობელი კუთხე არჩიე
სამარადისო განსასვენებლად.

თუმცა საფლავი ერთი არა გაქვს,
შენ ყოველ კაცის გულში ბინადრობ.
დაე, გმირობის შარავანდედად
შენი სიცოცხლის შუქი ინატრონ.

სამშობლო ქვეყნის ბედზე ზრუნავდი,
შენი მიზანი უკუნეთს კვეთდა;
იმ ცეცხლმა დასწვა მტრების ბუნაგი,
შენ რომ ანთებდი კობასთან ერთად.

მტერს ხალხის ჩაგვრა არ აპატიე,
ბრძოლაში იყავ დაურიდალი, —
მიკვირს, სუსტ მკერდში როგორ ჩატიე
რევოლუციის დიდი გრიგალი.

მე შენს საფლავთან ახლა მოვედი
გამარჯვების და დიდების დღესა,
შენზე ნაღვლობენ მიდამოები,
მესმის ხეების ფარული კვნესა.

მოვედი, გმირო, მუხლთ მოვიყარე,
სხეა ჭაბუკებიც მომყვა მრავალი,
გულზე ვარდები გადმოგაყარეთ
და ჩამოგძახით შთამომავალნი.

რომ შენი აზრის შუქი ნათელი
ხალხს უმრთელეზდა გულის იარებს,
ცეცხლი, რომელსაც ბრძოლით ანთებდი,
ახლა მამულში დროშად ფრიალებს!

1945 წ.

საბჭოთა ძვეუნი ახალგაზრდობა

ყოველი დროის გულმართალ მგოსანს,
ანთებულს თავის ხალხის დიდებით,
უქია ქვეყნად სინათლის მოსვლა,
ბნელს შეხვედრია ცრემლის დინებით.

ცამდე ასულა ღალადი მათი,
ხან ნაღვლიანი, ხან სულზე ტკბილი,
გადმოუციათ მომავლისათვის
სიხარული თუ გულისტკივილი.

მეც — ჩემი დროის ერთი მეხოტბე,
სამშობლოს დროშის ერთი დამცველი,
მომავლის შვილებს მსურს ვეძახოდე
ჩვენი ღლეების გმირულ განცდებით.

სიმღერად ვქმნიდე იმ კაცის სახელს,
ვამკობდე მუდამ ლექსის ფერებით,
ვინც მოგვიტანა ქვეყნის სიახლე
და გზა გვიჩვენა ბედნიერების.

ვინაც დაგეზარდა ქარიშხლის პირად
და ბრძოლის სიბრძნე მოგვცა საზრდოთა,
ვინაც დაგვაწრთო სამშობლოს გმირად
საბჭოთა ქვეყნის ახალგაზრდობა.

ჩვენი სიცოცხლე მზედ გაიშალა,
ჩამქრალი შუქი აღსდგა ყოველთა,
მოგვეცა ყოვლისშემძლები ძალა
გამარჯვებათა მოსაპოვებლად.

გადამწვარ მინდვრებს ჯეჯილად შევცვლით,
მაღაროში თუ რკინის დაზგებთან

დავანთეთ შრომის უქრობი ცეცხლი,
საბჭოთა ქვეყნის ახალგაზრდებმა.

და მისი შუქი მარად ელვარებს,
მარად იზრდება გმიძულ ღვაწლითა;
მეცნიერების მაღალ მწვერვალებს
მოედვნიენ, როგორც გუნდი არწივთა.

ვინლა ჩამოთვლის მათ დიდ სახელებს,
დაე, სამშობლოს დროშა ფარავდეს.
პოლიუსების მკვიდრ მოსახლეებს
და სტრატოსფეროს მამაც ფალავნებს.

როს გარეწარმა აღარ დაგვზოგა,
მტერი ჩვენს ჩანთქმას როცა ლამობდა,
საბჭოთა ქვეყნის ახალგაზრდობა
გოლიათურად ფეხზე წამოდგა.

სიცოცხლის კართან სიკვდილი რეკდა,
ტყვია ლეწდა თუ ყინვა აზრობდა,
მაინც ებრძოდა მტერს შეუღრეკლად
საბჭოთა ქვეყნის ახალგაზრდობა.

მისი საბრძოლო ქუხილი მკვეთრი
მტარვალს კი არა, მთებსაც ზარავდა;
კომკავშირული რუხი ბილეთი
ზოგჯერ ტყვიისგან მკერდს იფარავდა.

ბილეთი — ჩვენი გულის ნაწილი
იტევს რაოდენ საბრძოლო ძახილს,
გმირებს მიუძღვის, როგორც არწივი,
დიდი ლენინის ნათელი სახით.

მისი სიწმინდე ჩვენ შეგვიგნია,
შენახული გვაქვს გულთან მარადის,
ის შრომის ფრონტზე სიბრძნის წიგნია
და ბრძოლის ველზე ფარ-მუზარადი.

სამშობლოსათვის თავს არ დავზოგავთ,
გვწამს, გამარჯვებას ყოველთვის ვპოვებთ,
ვართ ბედნიერი ახალგაზრდობა —
დიდი ოქტომბრის თანამედროვე.

კავკასიონზე ისევ დარია

კავკასიონზე ისევ დარია

აქეთ მიწვევდნენ ჩემი ფიქრები,
წინ მომიძლოდა თეთრი აპრილი,
შორს პორიზონტზე იწვა ნისლები,
თითქო რძე იყო მთებზე დაღვრილი.

წინ მომიძლოდა ვით თანამგზავრი,
ნისლად ეხვია ალუბლის რტოებს,
მაგრამ აღმართზე მე გაეასწარი,
ის კი მდინარის პირად დაეტოვე.

ცას მახლოებს გორდის გორები,
შორით კოშკები ჩანს ნახანძრები:
ცხენისწყლის ტალღებს ფიჭვის მორები
წელზე ჰკიდია, როგორც ხანჯლები.

კავკასიონის მწვერვალებს იქით
გადაიარეს ზამთრის წვიმებმა.
მიკვირს, ამდენი კლდეების ტვირთი
მიწას სრულიად არ ემძიმება.

კავკასიონზე ისევ დარია,
მთებს გადავცქერი სულგანაბული
და მიზარია, გულს უხარია,
რომ ამ მთებშია ჩემი მამული!

მ ა რ ჯ ე ნ ა

სალამი, ჩემო სამშობლო მხარე,
მკერდზე ვემთხვიე შენს წმინდა მიწას,
შენი მზის შუქით კვლავ გავიხარე,
განვლილი ტანჯვა გადამავიწყდა.

მომიტანია ფიქრები წმინდა
და გული ისევ სუფთა და სადა,
არ აღიგავა მშობელ მიწიდან,
ი უმცალა მტერმა მრავალჯერ სცადა.

მრავალჯერ შეხვდა ერთი მეორეს
მღთი სიკვდილი, ჩვენი სიცოცხლე,
მრავალი საფრთხე გვედგა მეომრებს
და, როგორც ვხედავ, არ დავიხოცეთ.

არ დაიჩრდილა სიცოცხლე ჩემი,
თუმცა დავკარგე მარჯვენა ხელი,
მტრისათვის მუდამ თავზარდამცემი
და მეგობრების გადამრჩენელი.

მუდამ წინ იყო, არბევდა მუხთალს,
მალლა მეჭირა, როგორც ალამი,
— სამშობლოსათვის! — სკექდა და ქუხდა
მტერთან ბრძოლაში დაუღალავი.

დაატყდებოდა. თავზე, ვით ზვავი,
მტერს შეუპოვარს, შურიტ დამცინავს;
ყველგან თან მახლდა ერთგულ ძმასავით
და ბევრჯერ სიკვდილს გადამარჩინა.

ერთხელ, როს დილა მთის წვერზე იჯდა,
მტერმა ჩვენს სანგარს თვალი მოასწრო...
ნაღმის ნამსხერევმა მკლავი მომგლიჯა
და მეც მთელი დღე ვეგდე უაზროდ.

შემდეგ ტკივილი ვიგრძენ ძლიერად
და გულმა მკერდში ძალა იმატა,
ცეცხლად ამანთო შურისძიებამ
და ჩემი რისხვაც ნახეს იმათაც.

მარცხენას მივეც ძალ-ღონე ორის
სისხლით დაცლილმა და ფერწასულმა;
ჩემგან დახოცილ მტრის გვამებს შორის
გონს მომიყვანა ერთმა ასულმა.

ჩემი ჯან-ღონე ომში დაეხარჯე,
მაგრამ ჯერ ცეცხლი კიდევ მეყოფა,
მხოლოდ ვიგონებ დაკარგულ მარჯვენს,
როგორც მტრის ტყვიით მოკლულ მეგობარს

მან ბევრ ტანჯვაში გამომატარა
და სიხარულიც ბევრი მაჩვენა;
ჩემი მარჯვენა ომში ჩამქრალა
ქვეყნის მარჯვენის გადასარჩენად.

მან ბევრი მკვლელი ძირს დაანარცხა,
სულ მუდამ ტყვიის ცეცხლში ომობდა;
ჩემი მარჯვენა ცეცხლმა დანაცრა,
რომ ხალხის მარჯვენს ცეცხლი ჰქონოდა.

ჯავშნად ფოლადის ბეგთარი ეცვა,
ძარღვებში ენთო ბრძოლის აღმურვი;
ჩემი მარჯვენა მიტომ დაეცა,
რომ ვერვინ დასცეს ჩემი მამული.

დაეცა, როგორც გმირი ეცემა,
ვთქვი: ჩემი მკლავი მტრის ახლო იწვეს.
შიშით უცქირონ იქაც მხეცებმა,
რომ ჩემი ღარტყმა არ დაავიწყდეთ!

ისევ შენთან ვარ, სამშობლომხარე,
ვეამბორები შენს წმინდა მიწას,
შენი კალთის ქვეშ კვლავ გავიხარე
და მწუხარება გადამავიწყდა.

კვლავ შენს სიყვარულს ჰიცოცხლედ ვსანჯღ,
დიდება მამულს, ღალსა და გამრჯეს,
ვინც მოკრძალებით გულში ინანანეს
ომგადახდილი ვაჟკაცის მარჯვენს!

1946 წ.

შენი სახელი მარადი

შენი სახელი მარადი
გაშლილი მთიდან ბარამდი,
მქუხარე, როგორც არაგვი,
გულში ჩირალდნად ანთია,
ის არის ჩვენი დიდება,
ის მზეზე უფრო ბრწყინდება
და არასოდეს ბინდდება,
მწუხრი შორს გაუფანტია.

შენი ნათელი ალაღებს
მინდორ-ველსა და ქალაქებს,
ფოთლებს თუ ზღიან ბალახებს,
წყაროებს კლდეზე მიქეფარეს;
როცა მტრის ურდომ აიშმა,
როცა ბრძოლის ხმა გაისმა,
არ დაანებე ქარიშხალს,
ფოლადად გადაეფარე.

სად მწვანე ველი ბიბინებს,
სადაც ირემი იძინებს,
სად თეთრი ნისლი ციმციმებს,
ან თოვლიანი მთებია,
სადაც ცხოვრების სიმძაფრე
ფიქრებს ლაყვარდში მიაფრენს,
შენ აღასრულე, წინაპრებს
რაც წინსვლა უოცნებიათ.

მამა-პაპათა აჩრდილნი,
საფლავში წოლით დაღლილნი,
მტრის ჩასაქოლად აშლილნი,
შენ გადიდებენ — გოლიათს,

შენი გმირობით ხარობენ,
მამულზე ლოცვას გალობენ
და ისევ აღამდარობენ,
თავი ცოცხალი ჰგონიათ.

შენი დიდების მნახელი
შორს მიდის მათი სახელი,
გაჰქრა კმუნვა და ნალველი,
სიცოცხლეს გაუხარია;
გამარჯვებათა გრიგალო,
მრავალუამიერს გიგალობ,
კალამი არ დაიღალოს,
ელავდეს, როგორც ხმალია.

შენა ხარ ხალხთა საშველად
თავისუფლების აშვება,
უძლეველ ციხედ აშენდა,
რასაც კი თვალი დაჰკარი,
ქარმა ღრუბლები დაფლითა,
ოცნება ცამდე აფრინდა,
მზის აკვნად იქცა ქართლი და
შენი ქორბუდა სახლ-კარი.

შენი სიცოცხლე გეწაღია,
სანამ მზის შუქი ცხადია,
ვარსკვლავნი ცაზე დადიან,
ან თერგი კლდეებს გაჰყვირის,
სანამ ათოვდეს მყინვარებს,
სანამდეც გაიმყვიარებს
ქართული ლექსის მდინარე
რუსთველის პეშვით დაღვრილი!

1946 წ.

პართველი მებრძოლის ეპიტაფია

ჩრდილო კავკასიაში ნახულ ქართველი
მებრძოლის საფლავზე

საქართველომ გამომგზავნა,
საქართველომ დამლოცა,
დარიალის ვიწრო კართან
მტერს დავუხვდი და როცა

სურდათ მთების გადმოლახვა,
სურდათ კლდეთა დაღეწვა,
ჩემი მკერდიც ვეფხურ დახვდა
შემოსეულ გარეწართ.

თუმცა აქ დამცა შავმა ტყვიამ,
მკერდი ჩამომიწითლა,
მაგრამ გმირის მღელვარე გულს
ვერ დაჩრდილავ მიწითა.

საქართველოს მთა-გორებო,
საქართველოს ველებო,
ცად აჭრილო მყინვარებო,
ჯავშანშეუცლელებო,

თქვენ გიცავდით, თქვენებრ ვიყავ
შეუდრეკელ ნებისა,
თქვენს სიყვარულს შევეწირე
მტერთან შერკინებისას.

და თუ კიდევ აქ აღმართა
მტერმა შავი მახვილი,
კვლავ აღვსდგები, კვლავ წინ წავალ
გამარჯვების ძახილით!

1946 წ.

გაზაფხულის სიმღერა

სალხინოს ვიყავ.

ვილწინეთ:

მე და მდინარე სულ ორმა;

მე წყალი მსურდა; მან ღვინო.

მასვა და გული დათენთა;

ვიარეთ, ბევრი ვიარეთ,

განა მრავალმა?

სულ ორმა!

შორით თეთნულდი გამოჩნდა

ტანშალალი და თმათეთრა.

გადიდის გორზე გადაველ,

დაბლა ქვეყანა გადიდდა,

გადავერიე გარემოს,

გამოიღარა გულმა;

ჩემი ლამაზი მთა-ბარი

დიდების შუქით გამთბარი.

ყველა მის სახელს ახსენებს

თვალის გახელის უმაღ.

სალხინოს მთებზე მოლხენა

ყველა ვაჟკაცის ვალია,

ცამდე აწვდილი ნაძვები

სულგანაბულნი დგანან,

თითქოს შორიდან ისმენენ

ცისკრის უსიტყვო ნანას:

— აქ სიყვარულით აღვსილი

ბრძოლაშიც შეუმკრთალია.

სამშობლოვ, ჩემო უტკბესო,
მარადის შუქის მფინარო,
გულმა დარდებით ძლეულმა
შეგხედოს, მოილხინაროს,
შემდეგ ბრძოლაში გასული
ცასა და მიწას შესძრავს,
— შენი გაზრდილი ლომები
მტერს არ მისცემენ შენს თავს!

1946 წ.

აპრილი და მაისი
დგება სიღარბაისლით,
სიოს ნელი სრიალი
და ფოთლების შრიალი
ნანასავით გაისმის.

იფურჩქნება მთა-ბარი
გაზაფხულით დამტკბარი,
მზეს უცინის ყოველი,
მეც სახარულს მოველი
დღეითა თუ გაისით.

გამრავლდი და იხარე,
დარდი გადაიყარე,
წყლული გაგმრთელებოდეს,
მრავლად გაგთენებოდეს
სიხარულის მაისი.

და თუ მტერი ძლიერი,
ვერაგი და ცბიერი
კვლავ წამოვა რისხვითა,
რათა გაძღეს სისხლითა,
ხელი ხმალზე გაისვი!

1946 წ.

ჩრდილოეთ საქართველოში

ქლუხორის მთები, ტებერდას მთები,
შორს, კავკასიის მწვერვალებს იქით.

აქაც მე ქართულ განთიადს ეხედები
სიყვარულის და სიცოცხლის ფიქრით.

ეს მხარეც შეხვდა სისხლიან მახვილს,
აქაც სიკვდილმა გაიჭირითა,
აქედან სურდათ, ქართველი ხალხი
რომ აღეგავათ მიწის პირიდან.

მაგრამ ქლუხორის მთებმა დიადმა,
მაგრამ ყუბანში მდგარმა კლდეებმა
მტერს დაატეხეს რისხვა ზვიადად,
მთაც სასიკვდილოდ მომხვდურთ შეება.

ხოლო ქართველ კაცს აჩვენა გზები,
ძმურად შეიტკბეს მათ ერთმანეთი
და გაიფურჩქნა ქლუხორის მთები,
როგორც რაჭა და როგორც სვანეთი.

სადაც ოდესმე ურდოთა რაზმი
აპარტახებდა ამ ლამაზ ბალებს,
აქ ქართველებმა გადმორგეს ვაზი
და სიხარულის დღე გააჩაღეს.

მათთან სიცოცხლე არ მოგწყინდება,
გულს შთააგონებს სიმღერას მრავალს:
აქ მადნისხევში ოქრო ბრწყინდება,
ტებერდას მთებში გალალეbs ჰავა.

აღსრულდა რასაც ხალხი ელოდა,
მზით შეიმოსა ჰალარა მთები
და შორს გაისმის საქართველოდან
გამარჯვების და ღიღების ხმები!

ქეთევან ირემიძის ხსოვნას

კელაპტარივით ბრწყინავდა,
კელაპტარივით დადნა;
ყაყაჩოს თვალში სიკვდილმა
გადაურბინა ლანდალ.

ულმერთომ როგორ მიაგნო,
ან როგორ გაიმეტა
სიმშვენიერის ასული
და სილამაზის დედა?!

ალბათ კვალდაკვალ დასდევდა
შურისძიებით საფსე; —
არ მეგულება სამარე
გალაღებული ასე.

აწ არ შეამკობს სასახლეს
წყნარი ნაბიჯი შველის,
არ გამოკრთება ცისკარი
ნაზი ღიმილის მჩენი.

დადუმდა ბაგე — სიცოცხლის
და სიმღერების მთქმელი,
მწყემსის გათლილი ლერწამი,
ან გედის თეთრი ყელი.

ნახავენ ქართვლის დედანი
და ქეთევანიც ნახავს,
მშობლიურ კალთას გაუშლის
და-შვილად დაისახავს.

მოგროვდებიან სხვა ქალნიც,
იმწუხარებენ ალბათ,
რომ მელანშეუშრობელი
წიგნი ცრემლებით დალბა.

წარმავალობა წაიღებს
გულის ყოველგვარ ფეთქვას,
მაგრამ რა მოჰკლავს სიმღერის
და სილამაზის მეფას?!

კელაპტარივით ბრწყინავდა,
კელაპტარივით დადნა;
ყაყაჩოს თვალში სიკვდილმა
გადაურბინა ლანდად.

დადუმდა ბაგე — სიცოცხლის
და სიმღერების მთქმელი,
მწყემსის გათლილი ლერწამი,
ან გედის თეთრი ყელი!..

1946 წ.

დღესაც ბრწყინვალეზს

სისხლით მორწყული მთა-ბარი
მკერდზე ცეცხლგადანაყარი,
შუქმფენი დედა თამარი —
ძველი დიდების ლამბარი.

რუსთველის ტკბილი აკვანი
და სიყვარული მესხური,
გარდასულ გმირთა გზა-კვალი
ქება-დიდება შესხმული.

აქ ბევრჯერ გადაირბინა
მტერმა ცეცხლით და კრულვითა
და მაინც იდგა გვირგვინად
თორმეტი საუკუნისა.

ერთმხრივ ხერთვისის ციხენი,
ერთგან უდრეკი ვარძია —
იდგნენ რაინდულ სიმხნევით,
მტერმა ვერასდროს დასძლია.

საუკუნეთა გამძლეები
დიდთა ტაძართა ზარები,
რუსთველნი, ჩახრუხადენი
და ძმები ოპიზარები.

კვლავ ამაღლებენ ამ მთა-ველს
და ნათელ შუქით მოსავენ;
დავცქერი იმათ საფლავებს
და ვამბობ: ბრძენო მგოსნებო,
ბევრი ძნელი გზა გათელეთ,
გულში ვარსკვლავად მესხედით,
თქვენი გონების ნათელით
დღესაც ბრწყინვალეზს მესხეთი.

1947 წ.

თვითმზრინაჰიდან

გადმოვიქროლე კავკასიის ქედი,
დაბლა დაგტოვე ღრუბელთა ფენა;
შორს იალბუზი, ვით თეთრი გედი,
წამომართულა გადასაფრენად.

ირგვლივ ათასი თეთრი მწვერვალი
ცას შემოსცქერის შეშფოთებული;
არ დაჩნევიათ ჯერ ნატერფალი,
კვლავ სიამაყე ახლავთ მთებური.

მაგრამ სიმაღლე თანდათან ქრება
და ხეობები ჩანან გულდია;
იქ კაცის ასვლას ვინ იფიქრებდა,
სადაც არწივსაც ვერ გაუვლია.

ჯავრობენ მთები: ჩვენი ხელყოფა
ვინ თქვა, ვადგივართ მიწას გვირგვინად,
ასე ვინ დასცა ჩვენი მეფობა,
ეს რა გრიგალმა გადაგვირბინა?!

რა ძალა არის შემძლები ყოვლის,
ჩვენს ათასწლოვან დუმილს შეება?! —
მწვერვალზე უხმოდ აცრემლდა თოვლი
და დაიღვარა მდინარეებად.

დავცქერი მიწას ცით შემოგარსულს,
ოცნება მიპყრობს გასაკვირველად,
თითქოს ვხედავდე შორეულ წარსულს,
როცა ქვეყანა გაჩნდა პირველად.

როცა უკაცურ, უსიერ ტევერში
მარტოდენ თოვლი იყო შეთენილი...
და იფანტება მანქანის ფრთებში
ჩემი ფიქრები ცად აფრენილი.

ისევ წინ მივალ, ცა არის ღია
და მესმის რეკვა ვახტანგის ზარის,
მხრებზე ფოლადის ფრთები მასხია
და ვარსკვლავების ვარ თანამგზავრი!..

1947 წ.

მიტომ ვარ ეგრე გულლადი

უშბა ზეცამდე აწვდილი,
შეკრული ყინვის ჯავშანით,
ხან ფარავს ნისლის მანდილი,
ხან ხურავს ღრუბლის თავშალი.

ხან სარკესავით კრიალებს
მისი კლდეების შუბები,
ხან მზეზე გაიშრიალებს
ფერადი აბრეშუმები.

მთას გამოქცეულ მდინარეს
ხევში გაუდის ჩქაფანი,
მოგელობენ ტალღები —
აწყვეტილ ღომის ფაფარი.

ეხეთქებიან მთის ძირებს,
გლეჯენ კლდეების არტახებს;
ღრუბლები ღრუბლებს შეეხნენ,
იქნევენ ელვის მათრახებს.

აქეთ შხარა და ნამყვანი,
იქეთ ლეგარდეს ხეობა,
მათი ცქერა და ტრფიალი
გულში მიმატებს მხნეობას.

მათი ძუძუს რძით ვიზარდე,
ჯიხვივით ვკოცნე ბალახი,
მიტომ ვარ ეგრე გულლადი
და უშბასავით ამაყი

ლასკადურა*

ლასკადურა, მომასხურე
შენი თეთრი ტალღის შხეფი,
მო, კალთაში ჩამიჯექი
და მიაშვე მთის ზღაპარი!
სად გარბიხარ? ვინ გაშინებს?
მკერდი ასე რად გიბორგავს?
ის სალი კლდე, დევს რომ მოჰგავს,
მართლა დევი კი არ არის.

არ გებრალვის თავი შენი,
ეხეთქები კლდეთა ძირებს;
ერთხელ მაინც დაიძინე,
მოიკრიბე ღონე მუხლში;
ამ მთებივით რად არა ხარ
გულდინჯი და სიტყვაბრძენი,
თვის სიცოცხლის გადამრჩენი,
რომ ილხინო შენს მამულში?!

მზე ისწრაფვის მწვერვალისკენ,
ნისლი მწვერვალს ეტანება,
ჯიხვი იქ გრძნობს ნეტარებას,
ირემს უყვარს მთაში ყოფნა,
მწვერვალისკენ ილტვის მარად
არწივების ფრენა მძაფრი,
სულიც მაღლა მიისწრაფვის,
ვერ ეტევა ამა სოფლად.

მეც ხომ მთების სანახავად
აქ მოვსულვარ, შენს მშობელთან,

* ლასკადურა მთის პატარა მდინარეა ქვემო სვანეთში.

მსურდა ჩემი სიტყვა მეთქვა,
ველარ გავძელ ბარში, ველად;
შენ კი მწვერვალს გაქცევიხარ,
შურდულივით მიჰქრი სადლაც,
არ იცოდებ ბროლის ტალღას,
კლდეზე ამსხვრევ ულმოხელად.

ერთფეროვნად მოდუღუნებ,
მაგრამ ზოგან, სად ჩანჩქერი
სიყვარულის ჰანგებს მღერის,
ხმას აუწევ ხან კენესითა,
მიიჩქარი, როგორც ქარი,
ჩემს საუბარს არც კი ისმენ,
მიისწრაფვი შავი ზღვისკენ,
რათა გაჰქრე ამ ქვეყნიდან?

მე შევცქერი შენს დინებას,
ბრძოლით ამტვრევ კლდეთა კარებს,
მიყვარს შენი სიანკარე
და ტალღების ხმა ძლიერი;
ყველაფერი მზისკენ ილტვის,
ძირს არ იცდის თვით ზღვის ტალღაც,
ორთქლდება და მიდის მაღლა.
მე კი შენი საქციელი
მიკვირს, ძლიერ მიკვირს!..

1947 წ.

სადღეგრძელო ასი წლის კაცი

როცა მთებს იქით დილამ ინათა
და ჩვენს თვალისწინ აღსდგა ასი მთა,
სტუმრად წავედით ჩარქსელიანთან,
სანთლის არაყით გაგვიმასპინძლდა.

ლხინში შეჯიბრი გაემართეთ მკაცრი
და შეჯახება გვექონდა სასმისთა,
თამადად გვყავდა ასი წლის კაცი,
გათეთრებული, როგორც ფასის მთა.

არწიველ თვალთ გვზვერავდა სტუმრებს,
ჯანს გვისინჯავდა ბარელ ყმაწვილებს;
ქვეყნის ავ-კარგზე გავესაუბრეთ,
ჩვენი გულისთქმა გავუნაწილეთ.

აიღო ჭიქა, სურათს ახედა,
თქვა: „დღეგრძელ იყოს ეს ჩვენი მახეში,
ვინაც მომასწრო თვალის ახელა,
მზე გააჩინა მთების წიაღში.

იდიდოს მარად მისი მარჯვენა,
მის სადიდებლად გვესვას ფიალა,
სამშობლოს მტერი ვინც შეაჩვენა,
და ძლევის დროშა ააფრიალა!..“

შემდეგ დაგვლოცა ჩვენაც ხმიანად,
მამა-პაპათა საფლავი გვიქო;
მან ჩვენი ნახვით ისე იამა,
დღეს დაიბადა პირველად თითქო.

როცა მთებს იქით დილამ ინათა,
ლხინში შეჯიბრი გაემართეთ მკაცრი,
სტუმრად ვიყავით ჩარქსელიანთან,
თამადად გვყავდა ასი წლის კაცი.

უზგულის კოზკებთან

უზგულები მონადირის

ბ ე ს ო ბ ა ქ ე ა ნ ი ს ხ სოენას

მთებმა ნისლი დაიხურეს,
ჩანან თეთრად დასუდრული;
მლოცველივით ცის შემყურე
ხელაპყრობით დგას უზგული.

მრისხანება მისი თქმულა,
ზანზარებდნენ, ალბათ, მთები;
დღეს მდუმარედ აღმართულან
თვალდათხრილი რაინდები.

ახალ დროს ვერ შეეთვისა,
თუმც არავის ხვდება მტრულად;
ისტორია სვანეთისა
მის ძველ ქვებში შენახულა.

ვხედავ: ნისლი ხევებს გასცდა
ქარისაგან დანაფლეთი
და ენგური ახალგაზრდა
მიკიჟინობს დასაფლეთით.

ვხედავ: გულმა გაიხარა
აქ — ჯიხვების სამეფოში;
გადმომდგარა მაღლით შხარა —
თვალუწვდენი თეთრი კოშკი.

ძველი დარდი არ ატირებს,
სისხლის წყარო უკვე დაშრა;
მთებში ვნახეთ მონადირე
შავთვალა და შავულვაშა,

შეგვხვდა, როგორც ნათესავი,
ჩვენთვის სულიც არ დაშურა,
ძირს დაგვიგო ირმის ტყავი,
ზედ ნაბადი დაგვახურა.

დილით აღრე, ძილს რომ მოვრჩით,
მიგვიწვია სახლში ყველა,-
მწვადი შეწვა ჯიხვის ხორცის,
ჯიხვის რქითვე გვადღებდელა.

თქვა: მტრის ძლევა არ ეძნელოს,
ვინც მთის ხალხსაც შეება-მისცახ.
და დავცალეთ სადღეგრძელო
სამშობლოს და მშვიდობისა!

1947 წ.

— მ. მ. მ. მ.

მ.

მ. მ. მ. მ.
მ. მ. მ. მ.
მ. მ. მ. მ.

მ.

მ.

მ.

მ. მ. მ. მ.
მ. მ. მ. მ.
მ. მ. მ. მ.

მ. მ. მ. მ.

ბარათი სვანეთიდან

ნ. ტ.-ს

ცასა და მიწას ბრძოლა აქვთ მძაფრი,
ელვა გასძახის ღრუბლის ბრძანებას.
ჩემი ფიქრები შენკენ ისწრაფვის,
თვალწინ მიდგახარ, როგორც ზმანება.

ამოიწმინდა მთებმა თვალები,
ცა გადისარკა ღიმილის მჩენი;
ბილიკზე ვნახე შელის ნაკვალევი
და ნათესური მეგონა შენი.

შენც მენატრები და ჩვენი ვარდიც,
მსურს ერთად ვიყოთ ახლა სამთავე;
როგორც ეს შხარა ენგურისათვის,
ჩემი ცხოვრების შენ ხარ სათავე!..

1947 წ.

საოქტომბრო სიმღერა

ოქტომბრის ცისკრის ნათელო,
კრემლის ვარსკვლავთა კრებულო,
ლექსო — გრძნობათა ამწებო,
უსიტყვოდ ამღერებულო.
ჩემი მამულის წინსვლაო,
ბრძოლის ქარბუქში შობილო,
შენ — დაპყრობილო მწვერვალო,
ქაობო ამოშრობილო.
აშენებულო სახლებო,
ამწვანებულო ბაღებო,
გრიგალის ფრთათა თანმხლებო,
ოქტომბრის ბაირაღებო;
თქვენს გამარჯვებას ითვლიდა
კრემლის მქუხარე ზარები;
თქვენთვის ვიცოცხლე, სიკვდილსაც
არასდროს დავიზარებდი.
თქვენი მზე ჩაუქრობელი
მზრდიდა მამულის შვილადა,
მიტომ მტრის შავი ღრუბელი
ვერ დაგეფარა ჩრდილადა.
ნათელო დიდი მომავლის,
გულში იმედად ციალებ,
მიიბრძვი, როგორც ხომალდი
და აფრებს მიაშრიალეზ.
იქ დალეწავენ მტრის უღელს
სად შენი შუქი შეამზერს
და ქარიშხალი იქუხებს
შენი ღროშების შრიალზე!

1947 წ.

საბახალწლო სიმღერა

ახალი წელი, მობრძანდი.
ღია მაქვს გულის კარები,
ღად აუვად ნახმლევი,
ვარდებად — ნაიარები.

ისევ ვაქცავად დაგხედები,
მუხლი მაქვს ამირანისა,
ნათელს მაშუქებს შენი ცა,
ღრუბლებმა რომ ვერ დანისლა.

არ დაბნელდება ჩვენი მზე,
მტერმა რაც უნდა იავოს;
დაეჭდეთ პირსავესე ქვევრებთან.
სიმღერა დავაგრილოთ!

ჩვენი სამშობლო დავლოცოთ,
ავავსოთ მზით და ბარაქით,
ერთმანეთს ვეძმოთ, ვიაროთ,
როგორც მტკვარი და არაგვი!

ვადიდოთ დიდი სამშობლო,
გული რომ რკინად გვიქცია,
ბედნიერებას დავვაძმო,
ერემლის ტბა ამოგვიცლია.

მისი მზის შუქი მაღალებს,
იმის ფრთების ქვეშ ვმალდები,
რუსთველის მიწის გაზრდილი
ისევ რუსთავეში ვსახლდები.

სამგორის ველი დავჭარგე,
ავამლეღვარე ჯეჯილით,
მესხეთის მთებიც ვახარე,
ციხეებ გადაჯეგილი.

ახალო წელო, მობრძანდი,
შენთვის ავაგსე ბელელი,
შემოგფიცე და დაგიხვდი,
ვარ სიტყვაგაუტეხელი.

ავწიოთ თასი. დავლოცოთ
სამშობლო მზით და ბარაქით,
ერთმანეთს ვეძმოთ, ვიაროთ,
როგორც მტკვარი და არაგვი!

1948 წ.

ახლა სხვა არის ქალაქი ფოთი

მახსოვს ეს მხარე ჭაობში მყოფი,
არ აშუქებდა გულს იმედები;
ახლა სხვა არის ქალაქი ფოთი,
გაშლილ ქუჩებით და მოედნებით.

წუთით ცოცხლდება ძველი ფაზისი,
კოლხეთის მიწის ცრემლი მრავალი,
როცა გვესხმოდა ბერძენი რისხვით,
როცა გვჭიჭენიდა თურქი მტარვალი.

ზღვაც კი არ იყო ცრემლის დამტევი,
როცა ლალატმა სიყვარულს სძლია,
როს საყაჩაღოდ არგონავტები
კოლხეთის მიწას შემოესია.

როს სამეგრელოს ნაზი ასულნი
მიჰყავდათ ხონტჭრის ჰარამხანაში...
მაგრამ შორს დარჩა ბნელი წარსული
და ჩაიმარხა შავ აკლდამაში.

გათავდა ძველი ჯახი და შფოთი,
კოლხეთი გახდა მართლა ედემი,
ახლა სხვა არის ქალაქი ფოთიც
ახალ ქუჩებით და მოედნებით.

ვერ დაგვიმკვიდრა მტერმა ზიანი,
დრომ გადარეცხა ტანჯვანი ძველი
და, როგორც ზეცა ვარსკვლავიანი,
აყვავებულა კოლხეთის ველი.

აწ არ გაიჩენს გულზე იარებს,
ძველი სისხლი და ცრემლები მოშრა,
და ზღვის ნიავეზე ლაღად ფრიალებს
გამარჯვებული სამშობლოს დროშა.

ი მ ე რ ე ტ ი

ლიხის მთიდან როცა დასცქერ
შორს, შავ ზღვამდე გაშლილ ბალებს,
საქართველოს სიყვარული
თვით ზეცამდე აგამაღლებს.

აინთება შუქი ველთა,
მთათა რიგი აზავთდება;
ხე ჰყრის ყვავილს, თუ მართლა თოვს,
გულში მინც არ ზამთრდება.

ვხედავ ნათელ კავკასიონს —
საქართველოს ფხიზელ გუშაგს;
ვით აკაკი თმაჰალარა,
გადმომდგარა თეთრი უშბა.

ნაქერალას მთაგრეხილი
მკერდზე ნისლებდაფენილი
და გელათის მონასტერი —
თითქოს გედი გაფრენილი;

ალვის ხეთა თეთრი რიგი
შემართული ცაში ხმლებად,
ფასის მთიდან გადმოვარდნილ
ტალღის კლდეზე დაჯახება;

ხანისწყალის კალმახები,
ტანზე ვარსკვლავ ასხმულები,
წყაროები, ჩანჩქერები,
კლდეებს გადანასკეულები;

კიათურის შავი ოქრო
და რიონის ელვის ძალა
იმერეთის ფართო ცაზე
ნათელ შუქად გაიშალა .

ლუმელებში თუჯი დნება,
ფოლადდება, ცეცხლად ღვივის,
ხეცში მიჰქრის ელმავალი
ტოლს მონატრულ ირემივით.

წყალტუბო და ქუთაისო,
ჩემო ტკბილო იმერეთო,
მინდა ლექსის ჩუქურთმები
შენს მშვენებას შევეუერთო.

მინდა მკერდში ჩაგეხვიო,
თეთრ ნისლივით ფრთა გავშალო.
დაგილოცო ტკბილი კერა,
ჩემო ხალხო, გულმართალო.

ვნახო თქვენი შემოდგომა,
ლარზე მაჰრის წყაროები,
სიმინდების ამხედრება,
ხანჯლებივით ტაროები.

ქადრის ჩრდილში სუფრა გვიცდის,
ვილხინოთ და გავიხაროთ,
ერთად ვიყოთ, ერთმანეთის
სიყვარულში დავიღალოთ.

ცას ვაწვდინოთ სიმღერის ხმა,
შორს რომ მტერი შიშით ძრწოდეს;
სიცოცხლეს და სიძლიერეს
ჩვენ სამშობლო მოგვიწოდებს.

ყველა კაცი კიშკარს გიღებს,
როს აივლი ვიწრო შუკებს,
ბაღჩიდანაც ლერწამტანა
თვალთა ელვას მოგაშუქებს.

შოგაგებებს ბროლის ღიმილს,
როგორც სატრფო დანიშნული,
ბაგე-ვარდი, თვალ-ლაქვარდი,
დალალებით დანისლული.

დასტრიალებს სუფრას ისე,
თითქოს ესხას მერცხლის ფრთები,
ჰინჰილას რომ ღვინით გივსებს,
მარტო ცქერით დაითვრები.

ვინ დააშრობს ამდენ თასებს? --
თვალი სვამს და გული ტკბება;
ბრძოლაც ვიცით, შრომაც ვიცით.
და არც ლხინი გვავიწყდება.

ლიხის მთიდან როცა დასცქერ
შორს, შევ ზღვამდე გაშლილ ბალებს,
საქართველოს სიყვარული
თვით ზეცამდე აგამაღლებს!

1949 წ.

ჩემი სიმღერა

ვერ შემაშინებს გრიგალი,
მივალ და მიმიხარია,
ეს ჩემი გული ზღვა არის,
ეს ჩემი სული ქარია.

ჩემი ცხოვრების ლურჯ ცაზე
ხან წვიმდა ცრემლის ღვარია,
მაგრამ სევდას და ნალველსა
გული ვერ გაუბზარია.

მტერთა და მშურთა მზაკვრობა
მეც მსდევდა დიდი ხანია,
მაგრამ კაცობის მიზანი
სიმტკიცით გამიტანია.

ახლა ლალი ვარ, საღი ვარ,
ზეცას მიწვდება მხარია
და ნაპერწკლობა გულისა
ქვეყნისთვის მომიხმარია!..

1949 წ.

მომავლის სიმღერა

ლიქსო, ვერ კალამშეუხებელო,
ფიქრთ მალაროში მიყუჩებულო,
ჩემი ოცნების თანამხლებელო,
დიდი ცხოვრების ზვირთთა კრებულო,

ამოჩხრიალდი, გაშალე ფრთები,
თავს შემოევლე სამშობლო მხარეს,
კლდეთა ბილიკებს ნუ შეუქრთები,
მთის მწვერვალები გადაიარე.

შენი ხმა ქუხილს უნდა უდრიდეს,
უნდა გადაწვდეს დროსა და სივრცეს,
უნდა აფრინდეს გულის ბუდიდან
და კოპუნიზმის სიმღერად იქცე.

მიზანი გქონდეს მარად მართალი,
ყველა მკითხველი გრძნობდეს თავისად,
რომ დღევანდელი ნათელი თვალთ
ხვალის მქუხარე ხმები გაისმას.

მუდამ ცხოვრების წინსვლას მღეროდე,
ეჭიბრებოდე შუქში მნათობებს,
წიგნის ფურცლებზე ვერ ეტეოდე,
სოფლიდან სოფლად დანაეარდობდე.

არ მოისვენო, მტერთან ომობდე,
სამშობლოს ნათელ მიზანს მისდევდე,
შენში დაზგების ხმა იგრძნობოდეს
და ჭეჭილების შრიალს ვისმენდეთ.

გეიამბო, როგორ გაჰქრა ღრუბელი,
სამშობლო შუქით როგორ ივსება,
როგორ დგას მუშა მკლავმოუღლელი,
როგორ ამაღლდა შრომის ღირსება.

როგორ აივსო მიწა ბარაქით,
როგორ დაიწყო მზის მობრუნება,
როგორ გაცოცხლდა ველზე ქალაქი,
როგორ გარდაქმნა კაცმა ბუნება.

უნაერწყალო ნავლად ჩაჰქრები,
თუ კაცის გული არ გაახარე;
ლექსო, უთქმელო, გაშალე ფრთები,
თავს შემოეცლე სამშობლო მხარეს!

1950 წ.

ილიას გახსენება მყინვართან

„მყინვარი მთელის თავის დიდებულებით სი-
კვირველია და არა შესაყვარებელი. აბა რად
მინდა მისი დიდება? ...ქვეყნის ავ-კარგი მის
მაღალ შუბლზედ ერთ ძარღვსაც არ აატოკებს“.

ილია კ ა ჟ ვ ა ძ ე

ვინც კი გიხილავს კეთილი აზრით,
კაბუკი იყოს და თუგინდ ბრძენი,
მოიხიბლება ამ სილამაზით
და გააოცებს სიმაღლე შენი .

მაგრამ ილია ვერ შეგეჩვია,
ვერ მოაფინე გულს აღმაფრენა,
შენს ცივ სიმაღლეს მუდამ ერჩია
თერგის მქუხარე ტალღების დენა.

მე კი მიყვარხარ, მე კი შეგხარი,
როცა შეგყურებ, გული ლაღდება,
მკერდში მკვიდრდება სული მედგარი,
მკლავში ძალ-ღონე კვლავ მიახლდება,

რით არ შეგამკეს ღიღმა მგოსნებმა,
ყველა ტრფიალით ხელებს გიწვდიდა;
მე კი მგონიხარ ქვეყნის ოცნება
ამაღლებული დედამიწიდან.

არ მჯერა, თითქოს არ გაღელვებდეს
ქვეყნის სიკეთე, ან სიმწუხარე, —
შენ რომ არ იყო ასე მაღალი,
მაშინ ეს თერგიც ვერ იმქუხარებს.

შენი დამთმობი ქვეყნად ვინ არი,
რად გიწოდებენ მიუკარებელს? —

უნდა ამაღლდე, როგორც მყინვარი,
შემდეგ თერგივით რომ მქუხარებდე!

ვერ უნდა გძლევდეს შიში და კრთომა,
უნდა გაშალო ფრთები ღრუბლებად,
უნდა შეგეძლოს მიწაზე დგომა
და აზრით მზესთან გასაუბრება!

უნდა შენც იყო შექთა მფინარი,
მუდამ ებრძოდე სიბნელეს მუხთაღს;—
ილია თვითონ იყო მყინვარი
და სიტყვაც მიტომ თერგივით ქუხდა.

მიტომ გავბედე და დიდ გოლიათს
ასი წლის შემდეგ გავეპასუხე,
რომ დღეს მყინვარი ჩვენი ტოლია,
თერგის ქუხილიც ჩვენს გულში სუფევს.

1950 წ.

აოთხის ლამე

სადღაც ცისკარმა გაშალა ფრთები,
სადღაც მთებს იქით დილა ინთება,
და განთიადის ფარფატა მტრედი
ჩემს თანჯარაშიც შემოფრინდება.

რიყრაყის შუქში მინდა ვუცქირო
ბალებით შემკულ ამ ლამაზ დაბას,
მეც ვათევ ღამეს ახლა უძილოდ
და ვყარაულობ სამშობლოს მთა-ბარს.

სადღაც კრიალით მიდის ურემი,
სადღაც სიმღერის ტკბილი ხმებია;
*დავაყურადებ და ბელურები
ცისკარს ელურტულით ესალმებიან.

ნიავეს შემოაქვს ყანის სურნელი,
მეც ვსუნთქავ ლაღად და მიხარია;
გზად გამოსულან კოლმეურნენი
და სამუშაოდ მიიჩქარიან.

განთიადივით მეც ავინთები,
გული ოცნებით დაითენთება,
შორს გამიტაცებს ქვეყნის ფიქრები
და თავზე თეთრად დამათენდება.

1950 წ.

წინა ზავზავამის

მე ჩემს გოგონას შენი სურათი
გავაცანი და ვუთხარი ასე:
შენ გაიხარე, შენ გაიზარდე,
აი, ამ ქართველ ქალს დაემსგავსე.

მის სილამაზეს, მის სისპეტაკეს
ველარ იტევდა პოეტის ლექსი,
ის იყო შვილი, ის იყო ცოლი
და მეგობარი უზენაესი.

შენც თუ ცხოვრებამ ცა მოგიღრუბლო
და გულს უდროოდ დარდი დააწვეს,
შენი ქალობის სიწმინდის შუქი
საუკუნეებს უნდა გადაწვედეს!

1950 წ.

პირველი კვირტები

დღეს გაზაფხულს თუ ვუძღვრი,
რატომ უნდა გაგიკვირდეს?!
აი, მოდი, დააკვირდი
ხის ტოტებზე პირველ კვირტებს.

ფრთები როგორ დაუჩიტავთ
მზისთვის თვალის გასახელად,
თითქოს უნდა ხმა გამოსცეს,
გასკდეს, როგორც მაჭახელა.

გაზაფხული კარზე გვადგას,
მზე მბრძანებლობს მთად და ბარად
და კვირტებიც ღიმილს იწყებს
ჩემი ქვეყნის გასახარად!...

1950 წ.

ქართული თეატრის ასი წლისთავი

ქართულ თეატრს სახელოვნად
გაუვლია ასი წელი.
მას ღიღება, ვინც პირველმა
ჩაუყარა საძირკველი,
ვინც ქართველ ხალხს უთხრა სიტყვა
იმედების შუქით სავსე,
ვინც უშიშრად მიდიოდა
ეკლიან და ყამირ გზაზე.

რა შორს მოჩანს ის ვიწრო გზა,
რა მკრთალად კრთის ის ლამპარი,
მაგრამ მაინც დიადია
ის სულმნათი წინაპარი,
ვინც პირველად იძახოდა:
მე სამშობლოს კერისა ვარ,
ვინც წარსულში ქართულ თეატრს
მოევლინა ერისთავად.

შემდეგ მწარე მოგონება,
იმ სინათლის დაღამება,
დაშვებული ბნელი ფარდა —
მტრის დროებით გახარება,
მაგრამ ცეცხლი განა ჩაჰქრა
ხალხის გულში ნაგუბარი?
წამოვიდა სხვა თაობა —
განახლების ხმა მქუხარი.

ეშხი მაკო საფაროვას,
ცეცხლი ნატო გაბუნიას,
ქართულ სცენის ყვავილები
მათი ხელით დარგულია,
დიდი ვასო აბაშიძე

ჩანჩქერივით ჩაუშქრალი,
და ღვთიური მესხიშვილი
გრიგალივით ბობოქარი.

მათ სამშობლოს ნათელ დროშას
არასოდეს უღალატეს,
როცა სიტყვა არ კმაროდა,
ხმლით ებრძოდნენ მუხანათებს;
მათი ბრძოლის მქუხარება
სცენამ ვერც კი დაიტია;
ო, როგორი რაინდები
გაუზრდია ქართულ თეატრს!

შემდეგ, როცა ოქტომბრის მზემ
ქართლის მთებიც გააბრწყინა
და სამშობლოს გადაშორდა,
რაც ღრუბლები აწვა წინათ,
ყვავილების ის ბუჩქები
უფრო მაღლა აიტოტნენ,
ქართულ სცენის გაზაფხული
მოიყვანა დიდმა კოტემ.

და საბჭოთა ქართულ თეატრს
გაუშლია ფრთები ლაღად,
თვით შორეულ სოფლებშიაც
ყურს უგდებენ მის ტკბილ ლაღად,
და რიგები ხელოვანთა
დიდ დროშის ქვეშ დაირაზმა,
მათ სიტყვაში გაიმარჯვა
ქართველ ხალხის ნათელ აზრმა.

კვლავ წინ მიდის, ხალხისაგან
სიყვარულით დადაფნული;
ჩვენც ვუსურვოთ ქართულ თეატრს
კვლავ მარადი გაზაფხული,
რომ სამშობლოს დიდს და ნათელს
უთხრას სიტყვა მხნე და ბრძნული,
რომ გამდიდრდეს საქართველოს
ხელოვნების საგანძური.

1950 წ.

სალხინოდ და სამეგობროდ

ოთხ წელიწადს ომში ვიყავ,
შორს გაეფანტე მტრების გუნდი;
მშობლის გულმა გაიხაროს,
შინ მშვიდობით დავუბრუნდი.

ცრემლი ლხენად შევეუცვალე,
შვილი მოველ დაკარგული;
დამხვდა ჩემი ზესტაფონი
ვაზის ბაღში ჩაქარგული.

ფეროს ქარხნის ლუმელები
გუგუნებს და ფოლადს აღნობს,
რომ სამშობლოს ძლიერებას
კვლავ სიმტკიცე მიემატოს.

მიწას მარჯვედ დავკარ ბარი,
ბელტი ბელტზე დავაწვინე,
ბედნიერი შრომის ოფლი
მშობელ მიწას დავაწვიმე.

გავალვივე ნიადაგი,
მარცვალს მისცა დევის ღონე,
უხვ მოსავლის ხეავით ხარობს
მეგუთნე და მელითონე.

ახალ ღვინის ზღვა მჩქეფარებს,
ქვევრებში მაქვს ისევ ძველი,
გიშრისა და ქარვისფერი
ფეროს ცეცხლზე უფრო მწველი.

კვლავ მშვენიდება ვიწრო ქუჩა
ცამდე აჭრილ შენობითა;
სიმდიდრე და სიხარული
ჩემს პერქვეშაც შემოვიდა.

აავსო და აამალლა
ჩემი სახლის კიდე-განი;
მზის სინათლით ოჯახს ავსებს
ინდუსტრიის ჩირაღდანი.

ძმებო ვისაც შრომა გიყვართ
და მშვიდობა გიღირთ ოქროდ,
გთხოვთ მობრძანდეთ ზესტაფონში
სალხინოდ და სამეგობროდ!..

1952 წ.

მ უ ვ ი დ ო ბ ა

მტერი რომ გვიქაღდა მონობას
და ომით მთა-ბარი იწვოდა,
ვიბრძოდით, რომ მამულს ჰქონოდა
მშვიდობა! მშვიდობა!

სიმაართლის სინათლეს დავენდეთ,
წინსვლა და სიკეთე გვინდოდა
და ყველგან სიმტკიცით დავნერგეთ
მშვიდობა! მშვიდობა!

ახლაც ხომ ლესავენ შავ მახვილს,
ჩანს მათი შური და ფლიდობა,
მაგრამ ჩვენ მსოფლიოს გავძახით:
მშვიდობა !მშვიდობა!

1952 წ.

ნაუცბათევი სტრიქონები

მინდა რომ მუდამ იცინო,
სიცილი ძლიერ გიხდება;
ვინაც ჩაგხედავს თვალებში,
ქვეყნის დაწყებას მიხვდება...

ეს ღრუბლიანი დარები,
ალბათ, იმიტომ გვწვევია,
მოგიტაცია მთელი მზე,
თვალებში დაგიმწყვდევია.

• •

პატარა ტუჩი მარწყვისა,
თვალნი — ვარსკვლავთა სადარი,
ის ჩემი გულის დამწველი,
ჩემი ოცნების ღაღარი;
მისმა ლოდინმა დამფერფლა,
ნეტავი ახლა სად არი?

1952 წ.



მე გადავწყვიტე, არ მოგეკარო,
არ გავხდე მსხვერპლი შენი თვალების,
შენ — გაზაფხულის ტკბილო ნექტარო,
მიტომ გაგირბი და გეკრძალები.

მე გადავწყვიტე, არ დაგენახო,
და მუდამ ვფიქრობ შენთან მოსვლისას,
ტრფობის ისარი გულს არ შეახო,
რომ არ დაიწვეს გრძნობა მგოსნისა.

მაგრამ რა ვქნა, რომ სიყვარულს ვეტრფი,
დაუდგრომელი გული ტიალობს;
რას მირჩევ, გავხდე მაგ თვალთა მსხვერპლი,
თუ უსატრფოოდ ვიხეტიალო?!

1952 წ.



გოგოვ, ეგ შენი თითები,
თუ თეთრი კელატრებია?
მაგ ვარდის ტუჩის ბადაგით,
ალბათ, ფუტკრები თვრებიან.

თორემ მე ახლოს მომიშვებს
შენი წარბების მშვილდები?
რამდენიც უნდა გიცქირო,
ყოველთვის მოგიშვიდები.

ეგ შენი თაფლის სიტყვები,
თუ ბუღბუღების ხმებია?
შენ გაიცინე, თუ ცაზე
განთიადს გაღვიძებია?

ისეთი ცეცხლით დამბუგე,
ფიქრებიც იფერფლებიან;
ხომ იცი, ძლიერ გვალვაში
მზისგან მუხებიც ხმებიან!..

1952 წ.

**აწ. თორმეხ ეპატჰირნე ჭავჭავაძის
როლში**

ცისიერო, ცის მანანავ,
ცა ფირუზის ფერო,
როგორ მინდა ეგ წამწამნი
გულში ჩავიწერო.

როგორ მინდა ჩემი ლექსი
შენს მიმოხერას ჰგავდეს
და მაგ თვალთა შავი კალთა
გულში დაბინავდეს.

მიკვირს: ჭაბუკ მგოსნის ტრფობას
გულით დაატარებ,
სიცოცხლეში არ იწამე,
ახლა შეიყვარე?

შენი გულის ღირსად არ სცან
შვილი მარაბდისა,
ხედავ? მისმა უარყოფამც
გაგამარადისა!..

1952 წ.

ახარის მთებში

აი, მივყვები ჭოროხის ნაპირს,
გზა დაგრეხილა მზისკენ მავალი;
მე ჯერ მნახველი არ ვიყავ ზღაპრის,
თუმც გაგონილი მქონდა მრავალი.

ამ მთებსაც ბევრი სისხლის ღერა ახსოვთ.
ბევრჯერ ჩაჰქოლეს მტერთა ჰუნებმა,
მაგრამ მესხეთის ლალი ბუნება
ისევ სიცოცხლეს ესალბუნება.

და იმ სოფლებში, წინ რომ გავყურებ,
წვადნენ სახლებს და ანგრევდნენ ტაძრებს,
აქ ქართველ ქალებს ჩადრიც დაჰხურეს,
მაგრამ მანდილი ვერ გადააძვრეს.

სამას წელს რეცხა ის გმირთა სისხლმა,
მტარვალთა ხმალმა სამას წელს კათა,
მაგრამ კვლავ ძალუძს სამშობლოს წინსვლა
მისი შეილებიშნის შრომას და ჯათას.

აი, გახედე, გაშლილ ბაღნარებს
როგორ მოუცავს მთების კალთები, —
აჰარის სოფლებს ისევ ახარებს
რავისუფლების სხივთა ნათელი.

გაუმარჯვნია ნამგალს და წერაქვს,
კლდეს შესევიან ყოველი მხრიდან
და მთები ფართო გზებს დაუსერავს,
სადაც ხარჯიხვიც ვერ გაივლიდა.

როგორც არწივი, მთის წვერზე ვდგები
და დაღლილობას არ ვგრძნობ სრულიად,
მე ვხედავ, ჩემი აქარის მთები
კვლავ ვენახებით დაფარულია.

მანქანა მიჰქრის, როგორც ირემი,
წინ საშიშარი არა გვეგულის,
გზაში გვხვდებიან შრომის გმირები
მკერდზე ვარსკვლავებ გაბრწყინებული.

ისევ წინ მივქრი, მთებზე ნისლია,
ბაღებში ტკბილი სიმღერა ისმის
და თავოს მთები კალთებს მიშლიან
ძველი ქართული სიდარბაისლით.

1953 წ.

საღამო სოფლად

სოფლის საბჭოსთან შეეხვდი აჭარლებს,
ხან ოხუნჯობდნენ, ხან კამათობდნენ;
დღესაც მათ გეგმებს გადააქარბეს
და შრომის ტემპში ხვევდნენ ფართობებს.

აქ იგრილებდნენ მკერდებს ოფლიანს,
ახლდათ სურნელი ყანის, ვაზების;
ჩონგურს დამღერდა გლეხი თოფია,
კიბონს უკრავდნენ ახალგაზრდები.

შემდეგ გაჩაღდა ცეკვის ქარბუქი,
ქართულ ჰანგებში ღამე დნებოდა,
წრეში უვლიდა ერთი კაბუქი,
ასე, ოთხმოცი წლის იქნებოდა.

ხარბად უცქერდნენ მის ცეკვა-თამაშს,
ალბათ აქ მჭობნი არ ეგულებათ;
გულს უხარებდა ასი წლის მამას
უმცროსი შვილის გაბედულება.

თუნდა სიმღერით აქ გაათენონ,
ისიც სიამით დარჩება გარეთ;
და მე ვიგრძენი, რომ საქართველო
სიბერეს ახლოს არ მიიკარებს!

1953 წ.

ს ა რ უ ზ ი

მე ამ მგზავრობით მეტად ვლალობდი,
მანქანის უმაღლეს სურვილი გარბის:
უკანასკნელი ერთი მალლობიც
და... გაიშალა ჩვენს თვალწინ სარფი.

სურათი მცირე, ფერები მძაფრი,
მთის ორი კალთა, ხეობა ვიწრო;
ნუთუ ეს არის სოფელი სარფი,
რომელსაც მთელი მსოფლიო იცნობს?!

ერთგან ბილიკზე უმაღლეს შევჩერდი,
გაკვირვებული სივრცეს გავცქერი:
ხევს იქით მოჩანს თეთრი მეჩეთი
და ბოძთან მდგარი შავი ასკერი.

კვამლიც არ იძვრის არსად ქოხებში,
იქ არც სიმწვანე გამოკრთის ხეთა
და ამ პატარა ლაზურ სოფელში
ორად გაყოფილ სამყაროს ვხედავ.

ერთია ბნელი, სიცოცხლის მკვლეელი,
ჩაღამებული მოჩანს აჩრდილად,
გამოღმა ხეზე რადიო მღერის,
ელექტროშუქით ღამე დაჰრილა.

იქ მინარეთზე დაღმუის მოლა,
აქ სკოლის ზარი უხმობს ყმაწვილებს,
იქ ბევრი ნაღვლობს შვილების ყოლას
და მათ თვალთაგან ცრემლი აწვიმებს.

აქ ისევ ისმის ქართული ნანა,
შრომის ფერხულში ჩაბმულა ყველა,
როგორც ეს მთები, ლაზებიც დგანან
თავისუფლების სამშობლოს მცველად.

აქ სხვადასხვაა სუნთქვა მთებისა,
აქ სხვადასხვაა დღეს გაზაფხული,
აქ — დასასრული მათი ქვეყნისა
და დასაწყისი ჩემი მამულის!

· 1953 წ.

ზ ლ პ ა

ზღვავ, სიხარულით ვინთები,
როდესაც შენი ზვირთები
ნაპირს აწყდება ქუხილით;
შიგ ვნახე ჩემი ფიქრები
და მეც მღელვარე ვიქნები
შენებრ უცეცხლო დუდილით.

აქარის მწვანე ბორცვებმა
მასწაელეს შენზე ოცნება,
შენთა ტალღათა ალერსი;
როცა შენს გულზე მზე ბრწყინავს,
ხელებს აღვაპყრობ შენს წინა
და მაგონდება თალესი.

ტალღებო, რა არ გინახავთ,
დიდი გზაც გადმოგილახავთ,
ხმლებს გაეხართ მზეზე ალესილს,
მაგრამ მე არა მგონია,
სადმე ნაპირი გქონიათ
ამაზე უდიადესი.

ტალღებო, თქვენი ამბორის
ხშირად ნაპირთან გამგონი
ვდგავარ და გეალერსებით,
მე მინდა თქვენებრ ლელავდეს
და ზღუდეს ასე თელავდეს
ჩემი გულწრფელი ლექსები.

მაგრამ არ მინდა მისი ხმა
სადღაც შთაინთქეს ზღვის მიღმა

და ქარიშხალში დრკებოდეს
ის უნდა იყოს ფოლადზე
მტკიცე და ქარის ქროლაზე
არ უნდა იფანტებოდეს.

ზღვაე, სიხარულით ვინთები,
როდესაც შენი ზვირთები
ნაპირს აწყდება ქუხილით;
შიგ ვნახე ჩემი ფიქრები
და მეც მღელვარე ვიქნები
შენებრ უცეცხლო დუღილით.

1953 წ.

ახალ წელს უყვარს ახალი სიტყვა
და სიტყვას უყვარს საქმე ახალი,
როგორც დუღილი შავი ზღვის ზვირთთა,
როგორც სამშობლოს მთები მაღალი.

ათასი ფიქრი გაჩნდება გულში,
როგორც ფუტკრები, გარს მეხვევიან,
მათ, როგორც ხორბალს გადაყრილს ხნულში,
მკერდის ფიქალი გაურღვევიათ.

ახალი შუქით ცა იფერება
მოაქვს: სიციცხლის ფესვი რტოებად,
ჩემი სამშობლოს გაძლიერება,
მტრის აღსასრულის მოახლოება.

მაშ, სასმისები გადავკრათ ყველამ,
დავაგუგუნოთ სიმღერა წრფელი,
ვადიდოთ, ვინაც ყამირებს თელავს
და ვის ბელლებსაც ბარაქა ელის.

ვადიდოთ, ვინც ღუმელებს ანთებს,
უბრალო შავ ქვას ადულებს რკინად,
ვინც ჩაის ბუჩქით ამშვენებს კალთებს
და ვის მკერდზედაც ვარსკვლავი ბრწყინავს.

ვადიდოთ ჩვენი სამშობლოს ფუძე,
მისი სიმტკიცე, მისი ჯავარი,
მტერი რომ შურის თვალებით უმზერს,
მაგრამ მოკეთეც რომ ჰყავს მრავალი.

მაშ, სასმისები გადავკრათ ყველამ,
დავაგუგუნოთ სიმღერა ისევ,
რომ მტკიცედ გავყვეთ ცხოვრების ღელვას
და არ მოვაკლოთ გულს სიხალისე.

ახალ წელს ვუთხრათ ახალი სიტყვა
და სიტყვას მოჰყვეს საქმე ახალი,
როგორც ქუხილი შავი ზღვის ზვირთთა,
როგორც სამშობლოს მთები მაღალი!

უზანგი ჩხეიძის კუბოსთან

ჩენი თეატრის იყავ ლამპარი,
მის განახლებას ედექი კედლად;
სცენაზე გაჩნდი, როგორც ზღაპარი,
სცენიდან წახველ, როგორც ლეგენდა.

როცა ვიგონებ შენს სიტყვას ფრთიანს,
კვლავ რჩები გულთან გაურყავი;
ოცი წელია გაშორდი თეატრს
და სულით მაინც მასთან იყავი.

შენი სახელის ელვა-კაშკაში
ჟამთა სვლის ნისლით არ დაბინდდება;
შენი სიკვდილის, მჯერა, საფლავში
თვით კოტეს ფერფლიც აქვითინდება.

მე ვხედავ ახლა, შენი გმირები
როგორ ერტყმიან შენს კუბოს ირგვლივ,
როგორ არიან ანატირები,
როგორ გადგამენ უკვდავთა გვირგვინს.

როგორ აფრქვევენ ცრემლთა მდუღართა,
როგორ არიან დაღონებულნი,
მათ მხოლოდ შენთან ყოფნა უყვარდათ,
შენგან ხდებოდნენ შთაგონებულნი.

ახლა რა დარჩა მათ ცრემლის მეტი,
ვისაც სიცოცხლე შენ შეაყვარე?
ყოფნა-არყოფნას მოსთქვამს ჰამლეტი
ბავშვის ცრემლებით სტირის ყვარყვარე.

სიკვდილის შიშით ბორგავს აკოსტა,
მის მშფოთვარე სულს ახლა აწვალებსს,
რომ შავ სამარის ლანდმა აკოცა
შენი თვალების მზიურ წამწამებს.

ამ ტრაგიკული გმირების გვერდით
დგება გოდუნი, დგება ბეგლარი,
დამშვენებულნი შენივე მკერდით
და შენეული სუნთქვით მედგარით.

მათაც თვალები ცრემლით დალტოდნენ,
მათ გულსაც ბოღმა აღმოხდა მწველი:
— ასე უდროოდ რად მიგვატოვე,
გელოდებოდით რამდენი წელი!..

ფლიდი იაგო, ან გულღრძო ჩენჩი —
ეს ბოროტების მაუწყებლები,
შენს ნათელ სახეს დასჩერებიან,
პირველად იგრძნეს თვალში ცრემლები.

შენს განშორებას ვინ არ იტირებს,
ვისთვის არა ხარ დასანანები?
შენ აცოცხლებდი გარდაცვლილ გმირებს
და, მიკვირს, სიკვდილს როგორ დანებდი!

მაგრამ სამშობლოს მზის შუქი ფარავს
შენი სიცოცხლის დიდ სილამაზეს,
ქართულ თეატრთან იქნები მარად
მისი წინსვლის და დიდების გზაზე!

1953 წ.

ლენინი, საზოგადო, მშვიდობა

ლენინის დროშა დიადი	5
1960	7
ალუბლის ყვავილებთან	9
ილიას საგურამოში	10
ქვევრები . . .	11
ჩემს მასწავლებელს	12
თურდოს ხიდი .	14
მშვიდობა შრომასი	16
არ გსურს ნახო?	18
ახალი თბილისისათვის	21
თბილისის ზღვაზე	23
გიორგი ლეონიძეს	24
ფიქრები გალაკტიონზე .	26
შალვა დადიანის გარდაცვალებაზე	27
მაჩაბლის ქუჩა .	29

ჩემებური სონეტები

•• შენა ხარ ჩემი სიხარულის მახარობელი .	30
•• მე შენს საუბარს ყურს ვუგდებდი, როგორც გალობას	31
•• შენს შესახვედრად რა არ ვცადე, რა არ ვიღონე	32
•• შენი შეხვედრით გული ჩემი ისევ გალალდა	33
•• მატარებელი რომ დაიძრა და დავერჩი მარტო	34
•• ჩემი ცხოვრება სულ ბრძოლების გზით მაქვს გავლილი	35
•• შენს მოლოდინში გული ჩემი თრთის და კანკალებს...	36
•• ისევ წახვედი?... რა გამიხდა შენი წალღერი!	37
•• მე განა ისე უნდა მოგვედღე, შენ ვერ გიხილო?	38
•• მე შენს დღეობას ვერასოდეს ვერ დავესწარი	39
•• რამდენი ხანი შენს სახელზე არ მიმღერია .	40
•• როდესაც გულზე სევდის ნისლი შემომაწვება	41
ფოთელ შეგობრებთან	42
თბილისი	43
არაგვის სიმღერა .	47
ნაჩუქარ წიგნის პასუხად . . .	48
•• მოგიახლოვდე? ვაითუ ჩაქრეს	49
•• ჯეირანი ხარ, თუ ალვის ხეებს	50
•• მაგ თვალების ისრით დამპკრი	51
•• იმ ღამეს ნამდვილ ანგელოსს ჰგავდი	52

•• ისევ იმ ცეცხლით მანთებ ყოველთვის	53
კვლავ ჩემი მზე ხარ	54
მშობლიურ სოფელში	55
ეპიტაფია	57
დგას პარტია მტერთა მძლევი	58
სიმღერა სამტრედიაზე	59

სიმღერა მაისის დროშებთან

გაზაფხული იწყება ლენინით	61
ადამიანმა დაიპყრო ზეცა	63
განახლდა გული .	65
ყვარელში	66
შენი ღიმილი მე მართლა მომწონს	68
სიმღერა მაისის დროშებთან	69
საგაზაფხულო ლექსი	71
ყაყაჩოებს რა უქნიათ	73
ყრმობის ბულბული	74
თერამეტი ნოემბრის საღამო	76
თუ გულის ცეცხლი არ ახლავს .	77
ლაღადისი რუსთაველისა	78
საიათნოვა .	80
ი. გრიშაშვილს	82
ახალგაზრდული	83
გზად გურიაში	84
შენ რომ წიგნი მოგეწერა .	85
დილა რუსთაველის ძეგლთან	86
აჰალა მივხვდი	87
წეიმიანი გაზაფხული	88
სადღეგრძელო	89
მამლერებს გურია	91
ქარის მეგობარი	93
როცა მარტო ვარ	94
იმ დღეთა მოგონება	95
როცა ვნახე	96
დაუწყია მერცხალს ბუდე	97
•• ვსევამ პოეზიის უტკბილეს ბადავს	98
გამოთხოვება ი. გრიშაშვილთან .	99
გიორგი ლეონიძის ხსოვნას	101
მოდერნიზმით გატაცებულ პოეტებს	103
•• ბევრი თუ მეტყვის	105
•• სიცოცხლე არ მწამს	106
ყველგან საქართველოში	110
ჩემი და შენი სამშობლო	111
სიყვარული	112
ღვინის სადღეგრძელო	113
ალავერდის ტაძართან	114
იავნანა	115

ჩვეულებრივი კაცი	116
•• მე შენს ნატვრაში ვათენ-ვალაშებ,	117
•• მე კი არ ვხუმრობ! შენმა თვალებმა	118
•• ღვთაებავ ჩემო, სიყვარულო დაუშრობელო	119
•• შენი თვალები, ცეცხლის თვალები	120
•• ვერ გასწავლე სიყვარული	121
ქება ქართულ სილამაზეს	122
ახალგაზრდობას	124
•• ერთხელ რომ შენი კოცნა მღირსებოდა	126
•• იმ ღელვას გაუმარჯოს, გულს რომ გამიჩინე	127
ახალი წლისადმი	128
ენგურის სიმფონია	129
პიენი გაზაფხულს	131
•• სიკაბუკეში არ მქონდა ბედი	132
•• ვაითუ შენმა დიდმა ტრფიალმა	133
•• ბარათაშვილის გენია ისეთი აღმამფრენია	134
•• შენი ღიმილის სითბო სიცოცხლე არის ჩემი	135
ქუევიში	136
მარტოობა	137
ღუმელი, ზღვა და სიცოცხლე	139
რომანსი	140
ქეიშხეთში	141
•• როგორც ავგაროზს, მე შენს ბარათს ისე ვინახავ	143
ავადმყოფის დღიური	144
ქუთაისი	145
მხოლოდ რწმენა	147
„კომუნისტის“ 50 წლისთავზე	148
•• უშთაგონებო ვრჩები მე იმ დღეს	150
სულ ბედნიერ ფეხზე გვევლოთ!	151
რომანტიკული საღამო	153
რა დაგიშავე?	155
•• შემოდგომით გაზაფხული	156
•• უშენოდ ეს ზღვა წყალია	157
მთვარეს	158
საგურამოში	159
ისევ ის ცრემლი	161
•• შენ, ჩემო გულის ტკივილო	162
•• შენს მოლოდინში ეს დღეები მიმედ მიდიან	163
გალაქტიონის კითხვისას	164
სალხინოში	165
•• მშვენიერება ღვინოსავით მათრობელია	166
მოხუცის ფიქრები	167
•• მე შენს ბაღჩაში სამოთხეს ვკვრეტდი	168
ღიმილი	169
•• ლილისფერი ცა მთის გადაღმა ისევ ელვარებს	170
•• შენი უარი როს ვისმინე, მაშინ გათვადი	171
•• შენი გულის აბრეშუმი	172

ქართული პოეზიის არწივს	. 173
ჩემი თბილისი	. 176
ილიას ხსოვნას	. 177
სამშობლოს მთებზე	. 178
ფადიმე გოგიტიძე	. 179
სალამო ზღვასთან	. 180
ლაშქრობა მყინვარზე	. 181
ხალხურ კილოზე	. 182
ჩემი ეპიტაფია	. 183
როდესაც ლექსს ვწერ	. 184
შოთა რუსთაველს	. 185
პატარა ლექსი	. 187
ფიქრები მგოსანზე	. 188
სიმღერა	. 190
ბაღდადის მთებში	. 191
ჩანჩქერები	. 193
მოგზაურის სიმღერები	. 194
შენზე ფიქრებით აღვსილი ღამე	. 195
მე ვნახე ლენინი	. 198
სიმღერა თბილისზე	. 199
ეთერს	. 200
თეთრი ღამე ნევაზე	. 202
მარჯანიშვილის პორტრეტი სარეპეტიციო დარბაზში	. 203
ჩემი თაობა	. 205
თბილისს	. 206
მშობლიური მთების ქარი	. 208
გაზაფხული ჩემს სოფელში	. 209
ოცნება და სინამდვილე	. 210
აქ ყველაფერი მზით იფერება	. 212
მოხუცის ნათქვამი	. 213
თბილისი და წალვერი	. 215
შენი სოფლის სურათები	. 217
რადღა ლექსის კაცი ვარ	. 219
უკანასკნელი ბარათი	. 221
წერტილი	. 222
გადაიარს სიყვარული?	. 223
ქუთაისს	. 224
ოპერის ბაღში	. 225
ივანე ჭავჭავაძის კუბოსთან	. 227
აკაკის	. 228
ახალი წლის საღღებგრძელო	. 229
•• სიყვარული ბევრჯერ გითხარ	. 230
ნისლიან საღამოს	. 231
ხალხის პოეტი	. 232
ჩემო ლექსებო	. 233

საბჭოთა საქართველოს ოცი წელი	. 234
სიკაბუკის ოცნებანი	. 236

შემოტევა, შერკინება, გამარჯვება

ჩენი ხალხი გაიმარჯვებს . . .	. 242
ციხის ნანგრევებთან თქმული ლექსი .	. 243
დიდება გმირებს	. 244
დედის წერილი	. 245
მამულო საყვარელო .	. 246
სიმღერა ქართველი მეომრისა	. 247
ბრძოლის სიმღერა	. 249
შეხვედრა	. 250
მშვიდობით	. 251
მარადი ხსოვნა .	. 253
სამშობლოს ვინ წაგვართმევს	. 255
გამარჯვების საღღერძელო	. 256
უკრაინის დედაქალაქს	. 257
მზის მოვლას ჰგავდა ამბავი	. 258
მუნასიბი .	. 260
სიმღერა მებრძოლ ქალებზე	. 261
დედას . . .	. 263
გამარჯვება მოგვილოცა	. 264
გამარჯვების პარადი	. 266
ვაჟა-ფშაველა ომიდან დაბრუნებულ გმირებთან	. 267
სიმღერა ლესელიძისა	. 269
გაზაფხული .	. 270
ბარათაშვილისადმი .	. 272
ბარათაშვილის ლექსმა სთქვა	. 273
სტამბაში	. 274
ი. გრიშაშვილის იუბილე .	. 275
ალ. წულუკიძის საფლავთან	. 277
საბჭოთა ქვეყნის ახალგაზრდობა	. 279

კავკასიონზე ისევ დარია

კავკასიონზე ისევ დარია	. 281
მარჯვენა .	. 282
შენი სახელი პარადი	. 285
ქართველი მებრძოლის ეპიტაფია	. 287
გაზაფხულის სიმღერა	. 288
“ აპრილი და მაისი	. 290
ჩრდილოეთ საქართველოში	. 291
ქეთევან ირემიძის ხსოვნას	. 292
დღესაც ბრწყინვალეებს	. 294
თვითმფრინავიდან .	. 295
მიტომ ვარ ეგრე გულლალა	. 297
ლასკადურა	. 298

ნადღერძელო ასი წლის კაცისა .	. 300
უშგულის კოშკებთან .	. 301
ბარათი სენეთიდან .	. 303
საოქტომბრო სიმღერა .	. 304
საახალწლო სიმღერა .	. 305
ახლა სხვა არის ქალაქი ფოთი .	. 307
იმერეთი .	. 308
ჩემი სიმღერა .	. 311
მომავლის სიმღერა . . .	. 312
ილიას გახსენება მყინვართან .	. 314
პოეტის ღამე .	. 316
ნინო ჭავჭავაძის .	. 317
პირველი კვირტები .	. 318
ქართული თეატრის ასი წლისთავი .	. 319
სალხინოდ და სამეგობროდ .	. 321
მშვიდობა	. 323
ნაუცბათევი სტრიქონები .	. 324
•• მე გადავწყვიტე, არ მოგეკარო .	. 325
•• გოგო, ეგ შენი თვალები . . .	. 326
ალ. თოიძეს ეკატერინე ჭავჭავაძის როლში .	. 327
აქარის მთებში .	. 328
სალამო სოფლად .	. 330
სარფში .	. 331
ზღვა .	. 333
საახალწლო .	. 335
უშანგი ჩხეიძის კუბოსთან .	. 337

Тсвзадзе Андро Ражденович

Однотомник

(На грузинском языке)

Издательство «Мерани»

Тбилиси

1975

რედაქტორი ნ. ხოშენიძე

მხატვარი დ. დუნდუა

მხატვრ. რედაქტორი სპ. ცინცაძე

ტექნორედაქტორი თ. მამფორია

კორექტორი ლ. არაბიძე

**გადაეცა წარმოების 4/VII-74 წ. ხელმოწერილია დასაბეჭდად
14/V-75 წ. ქალაქის ზომა 60X90¹/₁₆, № 1, ნაბეჭდი თაბახი**

21,5, სააღრიცხვო-საგამომცემლო თაბახი 10,91.

უფ 00355. ტირაჟი 7000. შეკვ. № 1426.

ფასი 1 მან. 64 კაპ.

გამომცემლობა „მერანი“, რუსთაველის 42

თბილისი. 1975

საქართველოს სსრ მინისტრთა საბჭოს გამსახკომის

სტამბა № 4. თბილისი 380060, მედგორაქის II კორპ.

Тбилисская типография № 4. Госкомиздата Совета Министров

Грузинской ССР. Тбилиси 380060, Медгородок II корп.